



United Nations  
Educational, Scientific and  
Cultural Organization



Japan  
Funds-in-Trust



# बहुभाषिक शिक्षा विस्तार के खातिर उपयोगी सामग्री :

स्कूल के पहुच से छहटे रहै वाले लोगन के समावेष्टीकरण



***Advocacy kit for promoting multilingual education: Including the excluded.***

Bangkok: UNESCO Bangkok, 2007

[ISBN 92-9223-110-3]

Translated & adapted in Avadhi by UNESCO Kathmandu & Ministry of Education,  
Government of Nepal.

[Contents: Overview of the kit; Language in education policy  
and practice in Asia and the Pacific; Policy makers booklet; Programme  
implementers booklet; Community members booklet]

- |                            |                     |
|----------------------------|---------------------|
| 1. Multilingualism         | 2. Education policy |
| 3. Language of Instruction | 4. Mother tongue    |

Published by the  
UNESCO Office in Kathmandu  
P.O.Box 14391  
Sanepa-2, Lalitpur, Nepal  
Tel : 977-1-5554769, 5554396  
Fax : 977-1-5554450  
URL : <http://www.unesco.org/kathmandu>

ISBN : 978-9937-8446-3-5

© UNESCO 2011

**Printed in Nepal**

यी सामग्री बनावै खातिर नियुक्त अधिकारी औ कवनो देश, भूखण्ड, शहर, क्षेत्र या उहां कै निकाय या ओकर सीमा या साध सिमाना  
कै कानूनी हैसियत के बारे मे यहि सामग्री मे लिखा विचार के बारे मे युनेस्को कै कवनो कानूनी जिम्मेवारी नाही रही ।

# बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण



एशिया औ प्रशान्त क्षेत्र अपने धनी सांस्कृतिक, जातीय औ भाषिक विविधता के खातिर मशहूर है। साथय साथ विविधता के नाते अलग अलग पृष्ठभूमी से आवा यहि क्षेत्र के लरिकन काँ शिक्षा देहू मे बतनय चुनौती है। सन् २००० मे डकार के विश्व शिक्षा फोरम मे भवा सहमति कै एक मुख्य लक्ष्य 'ई.सं. २०१५ तक सारे लरिकन का खास कइके लरिकन औ अल्पसङ्ख्यक जातीय समुदाय के लरिकन का निशुल्क औ अनिवार्य रूप मे गुणस्तरीय प्राथमिक शिक्षा देब रहा' यकरे साथय 'साक्षरता के स्थिति मे सुधार औ खास कइके मेहरारु लोगन का साक्षर बनाइब' दुसरे लक्ष्य के रूप मे रहा। यी दूनव लक्ष्य हासिल करय औ विशेष रूप से सबका शिक्षा कै समान अवसर देवय कै मतलव जातीय/भाषिक अल्पसङ्ख्यक समुदाय के विद्यार्थिन का सकारात्मक उपाय के साथेन प्रभावकारी पढाई/लेखाई कराइब होय। जानल औ आसान भाषा मे होयवाला पढाई विशेष प्रभावकारी होत है। यही नाते शुरु मे कवने भाषा से पढय के सिखावा जाय, यी बाति महत्वपूर्ण होइ जात है। जवने का ध्यान मे राखि कै शिक्षा से लरिका लरिकन का जोडत औ सिखावत कै ऊ लोगन का विशेष रूप से सहभागी कराय कै, आशा के अनुसार कै उपलब्धी पावय के खातिर मातृभाषा के माध्यम से किहा जाय वाले पढाई कै विशेष महत्व है।

दुर्भाग्यवश यकरे विपरित यहि क्षेत्र कै अधिकतर देशन के राष्ट्रिय जनगणनन मे देखान भाषिक दृश्य शैक्षिक प्रणाली मे बडे मुश्किल से देखायमान होत है। यानी शिक्षणविधि में उहाँ पावा जाय वाले विधि स्थानीय मातृभाषन कै प्रयोग बिरलै पावा जात है। अधिकतर लरिके बिटियय अपने मातृभाषा का छोडि कै विदेशी भाषा या आउर भाषा के पढाई विधि के माध्यम से पढय के मजबूर है। शिक्षा के दृष्टि से पाछे परा निरक्षर, अल्पसङ्ख्यक औ शरणार्थी समुदाय मे येकर स्थिति आउर भयावह है। अपने जाना भाषा का छोडिके दुसरे भाषा मे होय वाले पढाई से विद्यार्थी मे दुई तरफा चुनौती पैदा होत है। यहि सच्चाई से हमरे निश्चित रूप से अवहिन तक मुह मोडि लिहा जात है। यहि नाते वन्हय एक ओर नवा भाषा सिखय कै परत है तो दुसरे ओर वहि नवा भाषा से जुडा खुद के बातावरण से अलग बातावरण कै ज्ञानव सिखय के परत है।

एशिया के कुछ देसन मे अनौपचारिक शिक्षा के माध्यम से चालू द्विभाषी/बहुभाषी शैक्षिक कार्यक्रम वाला शिक्षा महत्वपूर्ण भूमिका निर्वाह करी कि नाही यही बाति का बूझब औ मानव अवहिन बकियय है। यी सामग्री शिक्षा प्रणाली का सांस्कृतिक विविधता के ओर उत्तरदायी बनावय मे सहयोग देय के हिसाब से बनावे है। मातृभाषा पर आधारित बहुभाषिक शिक्षा लरिकन करय के औ विद्यार्थिन के अधिकार कै सम्मान साथय बहुभाषिक शिक्षा के महत्व कै जानकारी देई औ पढय वाले लोगन का महत्व के बारे मे सोचय के साथय आउर अनुसन्धान करय कै अभिप्रेरित करै। यह मे उठावा विषय मातृभाषा के क्षेत्र मे बरिसौ बरिस काम किहा संस्था औ विद्वान लोगन के अनुभव औ अनुसन्धान के निचोड पर आधारित है। शैक्षिक गुणस्तर बढावय औ सङ्कट मे परा संसार कै तमाम भाषन कै संरक्षण करय कै मुख्य माध्यम 'मातृभाषय मे शिक्षा होय'। यहि पक्ष मे बोलय औ यकरे खातिर समर्थन जुटावय मे प्रस्तुत सामग्री मे सामिल किहा पुस्तिका आप लोगन के खातिर उपयोगी होइहयँ।

सेल्डन सेफर

निर्देशक

शिक्षा के खातिर युनेस्को एसियाऔ प्रशान्त क्षेत्रिय ब्यूरो

## प्राक्कथन

हम्मन कै नेपाल छोट देश होय के बावजूद यिहां १०० से ज्यादा जाति औ ९२ से ढेर भाषा होय के नाते विविधता से भरपूर है। राज्य यइसनेह भाषिक विविधता के खातिर उचित नीतिगत औ कानूनी व्यवस्था के साथेन वही के अनुरुप अपने देश के भितर बोली जायवाली भाषन के संरक्षण औ सम्बर्द्धन के खातिर प्रयास करत आ है। संविधान मे अपने भाषा औ संस्कृति के संरक्षण औ सम्बर्द्धन करय के खातिर नागरिक अधिकार के व्यवस्था किहा है। राष्ट्रिय भाषा नीति सुभाब आयोग (२०५०) यहि देशके विभिन्न भाषन मे प्राथमिक तह तक पढाई लिखाई शुरु करयक सुभाब दिहे रहा। जवने के आधार पर पाठ्यक्रम विकास केन्द्र अबहिन तक कक्षा - १ से लइकय ५ तक १९ ठू भाषा मे विभिन्न विषय के किताब तइयार कइके पढाई शुरु कइ चुका है। साथय अनौपचारिक शिक्षा केन्द्र १८ ठू भाषन मे साक्षरता पुस्तक तइयार कइके साक्षरता कक्षा चलावय लाग है। यही किसिम से नेपाल के भाषन के बारे मे स्पष्ट जानकारी लेवय के खातिर राष्ट्रिय योजना आयोग के पहल मे भाषिक सर्वेक्षण के काम चालू है।

नेपाल सरकार 'सबके खातिर शिक्षा' के लक्ष्य पावय के खातिर सडक्रमणीय बहुभाषिक शिक्षा नीति लिहे है। यकरे के आधार पर शिक्षा मन्त्रालय विभिन्न भाषा परिवार के सात ठू अल्पसङ्ख्यक भाषन मे बहुभाषी शिक्षा शुरु किहे है। मन्त्रालय यहि क्षेत्र मे काम करयवाले संघसंस्थव से सहकार्य करत आ है। शिक्षा मन्त्रालय, त्रिभुवन विश्वविद्यालय, युनेस्को औ एस.आई.एल. इनटरनेशनल मिलिके सम्पन्न किहा बहुभाषी शिक्षा सम्मेलन यहि किसिम के सहकार्य के उदाहरण होय।

मन्त्रालय देश के भितरय भर नाही अन्तर्राष्ट्रिय स्तरव पर यहि क्षेत्र मे होय वाले गतिविधियव मे सामिल होत आ है। संयुक्त राष्ट्र संघ सन् २००८ का अन्तर्राष्ट्रिय भाषा वर्ष के घोषणा किहे रहा औ साल भर 'Languages Matters', भाषा महत्त्वपूर्ण होत है' के नारा के साथे किसिम किसिम के कार्यक्रम करयक आह्वान किहे रहा। युनेस्को कार्यालय, काठमाण्डू के साभेदारी मे तइयार यी 'बहुभाषी शिक्षा विस्तार के खातिर तरफदारी सामग्री' औ आउन संस्थन के साभेदारी मे तइयार परिचय पुस्तिका, पर्चा औ नेपाल के विभिन्न भाषा औ लिपि मे पेश 'हरेक भाषा महत्त्वपूर्ण होत है' नारा अड्कित पोस्टर यही बाति से जुडा है।

पेश किहा 'बहुभाषी शिक्षा विस्तार के खातिर तरफदारी सामग्री' से विभिन्न भाषाभाषी समुदाय, नीति निर्माता औ कार्यक्रम संचालक लोगन का विशेष फाइदा होय के आशा किहे हन। यकरे माध्यम से नेपाल के हरेक भाषन के संरक्षण औ सम्बर्द्धन के खातिर कानूनी, नीतिगत औ व्यवहारिक पक्ष मे सरकारी प्रतिबद्धता के निरन्तरता रहय के बाति पुनः स्मरण करावत भविष्यव मे यहि काम का निरन्तरता मिलय के कामना करित हन।

साथय मूल सामग्री बनावय वाले एस.आई.एल. इनटरनेशनल के डा. सुजन मेलोन, वनके समूह के सदस्य औ युनेस्को बैकांक का धन्यावाद दीत है। बहुभाषी शिक्षा के महत्त्व औ उपयोगिता का ध्यान मे राखि के युनेस्को काठमाण्डौ यहि तरफदारी सामग्री का नेपाली, मैथिली औ भोजपुरी के बाद अवधी भाषा मे अनुवाद औ अनुकूलन करय के निर्णय लिहिस। यकरे खातिर युनेस्को काठमाण्डौ के तपराज पन्त, औ रामबालक सिंह, त्रिभुवन विश्वविद्यालय सेरिडका कार्यकारी निर्देशक अरविन्द लाल भुमी, सल्लाहकार डा.लवदेव अवस्थी तथा अमूल उप्रेती का धन्यवाद देवा चाहित हन्।

अवधी भाषा के यहि अड्क के खातिर मूल सामग्री के अनुवाद, अनुकूलन, सम्पादन औ परिमार्जन के काम मे महत्त्वपूर्ण जिम्मेदारी पूरा करय वाले डा. योगेन्द्र यादव, विक्रम मणि त्रिपाठी औ कम्प्यूटर टाईप के खातिर जयराम कुईकेल लगायत के महानुभाव लोगन के योगदान के कदर करित हन।

शंकर प्रसाद पाण्डे  
सचिव  
शिक्षा मन्त्रालय  
नेपाल सरकार

## बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण

सामग्री के सामान्य परिचय :



## सामग्री के सामान्य परिचय

सबके खातिर शिक्षा (एजुकेशन फर अल, ई.एफ.ए.) के अर्थ सबके खातिर गुणस्तरीय शिक्षा होय। ई.एफ.ए. अभियान के शुरुवातय से अधिकतर देश अपने यिहा के लरिकन, युवा औ प्रौढ लोगन के शिक्षा सम्बन्धी जरूरत का पूरा करय के प्रयास मे लागि परा हैं। यहि विषय मे प्रशस्त काम होय के बावजूद कुछ खास समूह अबहिनव येसे बहरे हैं। यह में बिटियय औ मेहरारु, गरीब, अपाङ्ग, एच.आई.भी./एड्स भवा लोग औ सरकारी कामकाज के भाषा बाहेक के मातृभाषा बोलय वाले मधेसी, जनजाति लोग मुख्य रूप से है।

जब यइसनहे भाषा मे शिक्षा दिहा जात है, जवने का न तो ऊ लोग जानत हैं औ न तो बूझत हैं तो का खातिर गुणस्तरीय शिक्षा के उद्देश्य पूरा होइ सकत है? अल्पसङ्ख्यक समुदाय के अधिकतर लरिकन का स्कूल मे पहुचतय सामना करय वाला पहिला समस्या यिहय होय। स्कूल के भाषा औ वन सब के घर मे बोली जाय वाली भाषा मे ढेर अन्तर होत है। न जानयबुझय वाले भाषा मे पढय के मजबूर होय के नाते शिक्षा मिलय के बावजूद ऊ लोग कुछ न कइ पावय वाले, अपाङ्ग जेस होइ जात हैं। यइसन स्थिति नाही रहय के चाहीं।

एशिया औ प्रशान्त क्षेत्र के कुछ देशन मे अनौपचारिक शिक्षा के माध्यम से द्विभाषी/बहुभाषी शिक्षा कार्यक्रम लागू किहा है। जवने के माध्यम से हरेक जातीय/भाषिक अल्पसङ्ख्यक विद्यार्थिन का वनके अपने औ सरकारी कामकाजी दूनव भाषा मे साक्षर होय के अवसर मिला है। लेकिन राष्ट्रिय नीति निर्माण के तहपर द्विभाषी/बहुभाषी शिक्षा के बारे मे जानय बूझय, औ वोका मानय मे महत्त्वपूर्ण कमजोरी है। यही नाते स्कूल मे विद्यार्थी भर्ना बढायव, ऊ लोगन का नियमित उपस्थित करावय औ वही अनुसार के सफलता देवावय मे द्विभाषिक/बहुभाषिक शिक्षा के वतनय महत्व होत है। दुसरे ओर प्राविधिक औ राजनीतिक पक्ष के बीचे अस्वस्थ प्रतिस्पर्धा रहय वाली बाति का मानव जरूरी है। काहे कि यकरे नाते नीति बनावय वाले औ शिक्षा के क्षेत्र मे काम करय वाले लोगन का माध्यम भाषा चुनय मे कठिनाई होत है। यही नाते 'मातृभाषय मे शिक्षा देवय के चाहीं' यी बाति बूझव गुणस्तरीय शिक्षा पावय के उद्देश्य के ओर पहिला महत्त्वपूर्ण परग साबित होई।

### यहि सामग्री के प्रयोग के करी ?

यी सामग्री ऊ लोगन के खातिर तइयार किहा गा है, जेकां यी पूरापूर विश्वास है कि 'सबके खातिर शिक्षा' वास्तव मे यी सबका समेटि लेत है। यी सामग्री खास कइके भाषा के नाते स्कूल के पहुच से दूर रहय वाले लोगन के शिक्षा मे पहुच बढायव औ गुणस्तरीय शिक्षा देवय के इच्छाशक्ति वाले नीति निर्माता, शिक्षा क्षेत्र मे काम करय वाले औ प्राविधिक विशेषज्ञ लोगन के खातिर उपयोगी होई। यकरे साथय शिक्षा मे अपने समुदाय के अवस्था सुधार के इच्छा राखय वाले अल्पसङ्ख्यक भाषा भाषी लोगन के खातिर यी सामग्री सहयोगी होई। यी सामग्री मातृभाषा पर आधारित बहुभाषिक शिक्षा (एम.एल.ई.) के महत्व के सम्बन्ध मे जनचेतना बढायव के खातिर तइयार किहा गा है। यी बहुभाषिक शिक्षा के सम्बन्ध मे किसिम किसिम के तथ्य औ वोकर समर्थन करय वाला तर्क पेस कइके मातृभाषा शिक्षा से होय वाले फायदा औ महत्व के बारे मे सम्बन्धित लोगन का अभिप्रेरित करी। यहि सामग्री मे किसिम किसिम के विचार का अनुसन्धान के

निष्कर्ष और मूर्त उदाहरण आदि सहित राखा हैं। अपने परिस्थिति के विचार कइके यी सामाग्रीन के प्रयोग कइ सका जात है। यही किसिम से यी शिक्षा प्रणाली में भाषिक विविधता का बढी जिम्मेवार बनावय के खातिर सुभाब देई।

यी सामग्री कवनो पारिभाषिक पाठ्यपुस्तक नाही होय और न तो यह मा हरेक समस्या के उत्तर है। पढय वालेन का सकभर सहयोग मिलय, यिहय सोचिके हरेक पुस्तिका के अन्त में सन्दर्भ ग्रन्थ सुचियव राखा है। यकरे साथय हरेक पुस्तिका के शुरु में वह में चर्चा किहा सारे बाति के एक पृष्ठ में सारांश और अन्त में पारिभाषिक शब्दालिउ राखा है।

## यहि सामग्री के प्रयोग कइसय किहा जाई ?

यहि सामग्री में तीन ठउर मुख्य पुस्तिका हैं। यी पुस्तिका अलग अलग पढय वाले (१) शिक्षा सम्बन्धी नीति निर्माता (२) शिक्षा सम्बन्धी योजनाकार शिक्षा के अभ्यासकर्ता और यहि क्षेत्र में काम करय वाले (३) समुदाय के सदस्य लोगन खातिर है। बहुभाषिक शिक्षा विकास के खातिर हरेक तह और तबका के सहयोग जरुरी है, यी बाति कव्वो नाही भुलाय के चाहीं। यही नाते जब आप बहुभाषी शिक्षा कार्यक्रम लागू किहा जात है तो यकरे खातिर योजना बनावय के, ओका लागू करय और संस्थागत करय के काम एक साथे करय चाहा जात है, तो यहि तीनव पुस्तकन से साथय साथ आउर उपलब्ध सामाग्रीन के प्रयोग करब उचित रही।

## परिभाषिक शब्दावली

हरेक पुस्तिका में ओकर आपन परिभाषिक शब्दन के सूची दिहा है। सामग्री में प्रयोग किहा वइसन शब्दावलिन के मूल सुचियव है। जरुरत के अनुसार यी शब्दावलिन के अध्ययन उपयोगी होई।

## अनुवादक के खातिर सुभाब

यी सामग्री मूल रूप में अङ्ग्रेजी में तइयार किहा गय रहा। व्यापक रूप में प्रयोग करय खातिर येकां एक ओर विभिन्न भाषा में उल्था करब जरुरी है, तो दुसरे ओर विभिन्न परिस्थिति और सन्दर्भ का वही समाज के अनुकूल बनावयक है। यहि सामग्री के उल्था और अनुकूलन के काम करत के नीचे के बाति पर ध्यान देय के परी।

यी सामग्री प्रयोगकर्ता के खातिर सजिल होय के हिसाब से बनावे है। यही नाते यह में लिखा बाति छलफल में प्रयोग होय वाली भाषा खास कइके अनौपचारिक और बोलीचाली के भाषा में है। येकर उल्था और अनुकूलन करत के आप औपचारिक और जटिल शब्दन के प्रयोग न कइके यही शैली में किहा जाई, तो ठीक रही।

वइसय तो यी सामग्री अङ्ग्रेजी में लिखा रहा। थाइलैन्ड के चियाड माई नाव के जगही पर सन दिसम्बर २००५ में भवा एक क्षेत्रीय कार्यशाला में येकर परिक्षणव किहा गय। यी पुस्तिका अङ्ग्रेजी भाषा न बोलय वाले लोगन का बुभय लायक है कि नाही, यिहय पता लगावय खातिर यी सम्मेलन किहा गै रहा। येकां यइसनव लोगन का बुभय लायक बनावय के खातिर एकदम साधारण शब्दन के प्रयोग किहा गा है। यह



मे कठिन शब्दन कै प्रयोग न किहा जाय, यहपर विशेष ध्यान दिहा है। तबबव कुछ विशिष्ट शब्दन कै अनुवाद कठिन होइ सकत है। उदाहरणके खातिर 'बहुभाषिक शिक्षा' औ 'सिखाई उपलब्धी' जइसन शब्द बहुत भाषन मे नहियव होइ सकत है। यइसने शब्दन कै अनुवाद उहय अर्थ लगाय कै करयूक परी। कवने शब्द कै उल्था कइसय किहा जाई यी निश्चित नाही भय, तो व्यवसायिक अनुवादक वा यइसन शब्द पहिलेन से उल्था वा प्रयोग करयवाले संस्थन से सम्पर्क किहा जाई। यदि यइसनहे शब्दन कै उल्था वहि देश कै शिक्षाविद लोग नाही किहै है वा ठीक से नाही किहे है तो शिक्षा के क्षेत्र मे काम करय वाले आउर राष्ट्रिय औ अन्तर्राष्ट्रिय संस्था कइसै किहे है, यी देखय के चाहीं।

**अनुवाद किहा संस्करण (अड्क) मे यी लिखि दिहा जाई :**

This kit is a translation and adaptation of advocacy kit on multilingual education (ISBN 92-9223-110-3 © UNESCO Bangkok)। हमरे यी आशा राखित हन कि उल्था औ अनुकूलन किहा हरेक संस्करण कै दुई दुई प्रति नीचे दिहा पता पर भेजि कै सहयोग किहा जाई :

#### **APPEAL**

**UNESCO Asia and Pacific Regional Bureau for Education**

**920 Sukhumut Road, Bangkok 10110, Thailand**

**Tel: (662) 391 - 577**

**Fax: (622)391-0866**

**Email: [gender@unescobkk.org](mailto:gender@unescobkk.org)**

कोसोनेन, के. २००५. एजुकेशन इन लोकल लैग्वेजेज: पाँलिसी एण्ड प्रैक्टिस इन साउथ-इस्ट एशिया. इन फस्ट लैग्वेज फस्ट: कम्यूनिटी-बेस्ड लिटरसी प्रोग्राम्स फॉर माइन्यूरिटी लैग्वेज कंटेक्ट इन एशिया. बैकक, युनेस्को पृ. ९६-१३४ ।

क्रिष्टल, डी.१९९९. द पेंगुइन डिक्शनरी अफ लैग्वेज. सेकेंड एडिशन. लंडन, पेंगुइन ।

बेंसन, सी.२००४. द इम्पोर्ट्स अफ मदर टाँड-बेस्ड स्कूलिड फॉर एजुकेशन क्वालिटी. कमिशांड स्टडी फॉर इएफए ग्लोबल मॉनिटरिड रिपोर्ट, २००५. पेरिस, युनेस्को ।

मेलोन, एस. २००४. मैनुअल फॉर डिभेलपिड लिटरसी एण्ड एडल्ट एजुकेशन प्रोग्राम्स इन माइन्यूरिटी लैग्वेज कम्यूनिटिज. बैकक, युनेस्को ।

युनेस्को. २००४. जेंडर इन एजुकेशन नेटवर्क इन एशिया (जेनिया): अ टूलकिट फार प्रोमोटेड जेंडर इक्वालिटी इन एजुकेशन. बैकक, युनेस्को ।

## परिभाषिक शब्दावली - भाषा

- अलिखित भाषा :** पढाई/लेखाई मे प्रयोग न आवा खाली बोलीचाली मे सीमित भाषा
- अल्पसङ्ख्यक भाषा:** अल्पसङ्ख्यक सामाजिक समूह वा जाति कै भाषा । कब्बव कब्बव सङ्ख्यात्मक रूप से बडा समूह मे बोलीचाली कै भाषा होय के बावजूद मुख्य भाषा के रूप मे प्रयोग न किहा जायवाले भाषा का बूझा जात है ।
- कामकाजी भाषा :** सरकारी कार्यालय, स्कूल सहित आउर संस्थान मे दैनिक कामकाज के खातिर प्रयोग होयवाला भाषा उदाहरण के रूप मे : भारत मे अङ्ग्रेजी औ हिन्दी का कामकाजी भाषा के रूप मे मान्यता दिहा है औ राज्यन मे अपनय आपन राज्य भाषा चलनचल्ती मे है । नेपाल मे नेपाली का सरकारी कामकाज के भाषा कै मान्यता मिला है ।
- घर कै भाषा :** घर मे बोली जायवाली भाषा (पहिला भाषा औ मातृभाषा का देखा जाई) केहू केहू के घर कै भाषा एक से ज्यादा होइ सकत है ।
- दूसर भाषा :** पहिला या घर के भाषा का छोटि कै दूसर भाषा, व्यापक संचार सम्पर्क कै भाषा या विदेशी भाषा
- सामान्य रूप मे घर से बहरे व्यापक समुदाय में बोली जाय वाली भाषा का बूझा जात है । द्विभाषिक शिक्षा में पहिला भाषा के बाद पढाई मे प्रयोग किहा जाय वाली भाषा का दूसर भाषा (कामकाजी औ विदेशी) बूझा जात है ।
- पहिला भाषा :** मनई के मुह से निकरा पहिला भाषा, मौलिक भाषा (मातृभाषा, घर कै भाषा, स्थानीय भाषा का देखा जाई)
- पैतृक भाषा :** मनई कै पुर्वज या कवनो जाति या भाषिक समुदाय कै भाषा
- भाषिका :** भौगोलिक क्षेत्र या सामाजिक समूह अनुसार भाषा मे होयवाली भिन्नता ('भेद' का देखा जाय ।)
- भेद :** भौगोलिक क्षेत्र औ सामाजिक समूह अनुसार भाषा मे आवय वाला अन्तर
- मातृभाषा :** पहिला भाषा, मौलिक भाषा (पहिला भाषा, पैत्रिक भाषा, घर कै भाषा का देखा जाय ।)
- मनई कै (१) सबसे पहिला सिखा भाषा (२) अपने या दुसरे से मातृभाषी वक्ता के रूप मे चिन्हावा भाषा (३) सबसे बेसी जानल भाषा (४) सबसे बेसी प्रयोग मे आवय वाली भाषा
- माध्यम भाषा :** स्कूल मे पढाई लिखाई कै माध्यम के रूप मे प्रयोग होयवाली भाषा

- मुख्यभाषा :** मुख्य समाज कै बोलय वाली या देश कै मुख्य भाषा के रूप में रहा भाषा, देश में डेर जनसङ्ख्या कै बोलय वाली भाषा न होय के बावजूद राष्ट्रभाषा या कामकाजी भाषा के रूप में मान्यता पावा भाषा ।
- राष्ट्र भाषा :** देश के भित्तर व्यापक रूप में बोला जायवाली भाषा, राष्ट्र से महत्वपूर्ण कहिकै किटान किहा भाषा, कब्बव कब्बव कामकाजिउ भाषा । उदाहरण : भारत में दुई ठू कामकाजी भाषा औ बाइस ठू अनुसूचित भाषा किटान किहा है औ हरेक राज्य कै अपनय आपन राज्य भाषा चलन चल्ती में है । नेपाल में नेपाली का सरकारी कामकाज कै भाषा तयँ किहा है । नेपाल कै अन्तरिम संविधान, २०६३ में नेपाल के भित्तर बोला जायवाली हरेक मातृभाषा का राष्ट्रभाषा घोषित किहा है ।
- विदेशी भाषा :** अइसन भाषा जवन वक्ता के समुदाय में न बोला जात होय ।
- सम्पर्क भाषा :** भाषिक समुदाय के बीचें एक दुसरे से सम्पर्क करय के खातिर प्रयोग किहा जाय वाली भाषा । उदाहरण : नेपाल कै पहाडी क्षेत्र में नेपाली, तराई मधेश के विभिन्न क्षेत्र में मातृभाषा के साथेन हिन्दी औ हिमाली क्षेत्र में तिब्बती भाषा ।
- स्थानीय भाषा :** अपने समुदाय में बोला जायवाली भाषा । सम्पूर्ण रूप में लेखन पद्धति कै विकास न भवा भाषव होइ सकत है ।

## पारिभाषिक शब्दावली - सामान्य

- आदिवासी :** कवनो क्षेत्र वा देश मे आदिकाल से या बहुत पहिले से बसा मानव समूह/समुदाय
- कार्यान्यवयन :** कवनो नवां कानून लागू करय के खातिर मनई या आउर स्रोतका परिचालन करय वाला तरीका ।
- गैरसरकारी संस्था :** राष्ट्रिय सरकार कै अङ्ग न होय के बावजूद सामुदायिक विकास के खातिर काम करयवाला संस्था ।
- जनचेतना बृद्धि :** आपन जरूरत चीन्हि कै वोकां पावय के खातिर सहयोग देय वाला सूचना औ जानकारी देय कै काम ।
- दुईभाषी :** व्यक्ति : दुई भाषा बोलय औ बूझय वाले लोग (कब्बव कब्बव लिखिउ पढि सकय ।)  
समाज : दुई भाषा बोलय वाला समाज या समुदाय ।
- दुइ भाषी शिक्षा :** साक्षरता औ औपचारिक लिखाई पढाई के माध्यम के रूप मे दुइ भाषा प्रयोग कइके दिहा (द्विभाषी शिक्षा) जाय वाली शिक्षा । यहमा व्यवहारिक रूप से साक्षरता औ पढाई लिखाई सिखावत कै सबसे पहिले व्यक्ति कै पहिला भाषा/मातृभाषा से शुरू किहा जाय वाला औ दुसरे भाषा का लिखाई पढाई कै माध्यम के रूप मे धीरे धीरे सामिल किहा जाय वाली शिक्षा ।
- धारा प्रवाह :** बिना कवनो अवरोध के बोलय, पढय औ लिखय मे उच्च दक्षता ।
- निरक्षर :** खुद कै जाना सुना भाषा मे लिखय पढय कै अवसर न पावा मनई ।
- परिचालन :** कवनो कार्यक्रम कै योजना बनावय औ लागू करय के खातिर समुदाय औ समुदाय के सहयोगिन का सङ्गठित करय कै काम ।
- पाठ्यक्रम :** शैक्षिक कार्यक्रम के खातिर शिक्षण योजना, पढयवाला विषय वस्तु औ सहयोगी सामान ।
- बहुभाषी :** व्यक्ति : दुइ से ढेर भाषा जानय बूझय वाला (लिखि पढि कइ सकय वाला) ।  
समाज : दुइ से बेसी भाषा भाषी बसोबास करय वाला समाज ।
- बहुभाषिक शिक्षा :** साक्षरता औ औपचारिक शिक्षा मे दुइ से ढेर भाषा प्रयोग कइके लिखाई पढाई (शिक्षण) करावा जायवाली शिक्षा - बच्चा या व्यक्ति के पहिला भाषा कै माध्यम से पढाई शुरू कराय कै दूसर तीसर भाषा से जोडत लइ जायवाली शिक्षा ।
- भाषा विकास :** शिक्षा मे केहू का कवनो भाषा बढिया से सुनय बोलय, पढय औ लिखय का सिखावय वाली काम ।

**भाषिक अल्पसङ्ख्यक :** कम जनसङ्ख्या होय के नाते या राजनीतिक औ आर्थिक कारण से समाज मे दुसरे के तुलना मे कमजोर रुप मे रहय वाला यक्कय भाषा बोलय वाले मनइन कै समूह ।

**मातृभाषा पर आधारित**

**दुइ भाषिक शिक्षा :** पहिला भाषा के माध्यम से लिखाई, पढाई औ सिखाई कै प्रक्रिया शुरु कइके दूसर भाषा सिखावत जायवाला स्कूली शिक्षा प्रणाली (बहुभाषिक शिक्षा का देखा जाय ।)

**बहुभाषिक शिक्षा :** पहिला भाषा के माध्यम से लिखाई, पढाई औ सिखाई प्रक्रिया शुरु कइके दुसरे भाषा के साथेन अउरो भाषा सिखावत जायवाला शिक्षा प्रणाली (दुइ भाषिक शिक्षा देखा जाय ।)

**मुख्य समूह :** बेसी जनसङ्ख्या होय के नाते या आर्थिक औ राजनीतिक कारण से देश मे शक्ति के रुप मे रहा सामाजिक समूह ।

**मूलधार :** मुख्य समूह कै भाषा औ संस्कृति (कबव कबव खाली मुख्य समूह के खातिर बनावा स्कूल औ भाषिक अल्पसङ्ख्यक लोगन कै जरूरत न पूरा करयवाला स्कूल बूझा जाला ।)

**लेखन पद्धति :** लिपि हिज्जे नियम औ विराम चिन्ह सहित के लेखन कै मानक प्रणाली ।

**लैङ्गिक समानता :** मेहरारु औ मर्द, बिटिया या बेटवा के मानव अधिकार का पूरा पूर जानय बूझय खातिर आर्थिक, सामाजिक, सांस्कृतिक औ राजनीतिक विकास मे योगदान करय खातिर औ वोसे लाभ लेवय खातिर समान परिस्थिति कै अवस्था ।

**सल्लाहकार समिति :** बहुभाषी शिक्षा कार्यक्रम मे सामिल अगुवा लोगन कै समिति, (यहमा प्रायः मातृभाषा बोलयवाले औ सहयोगी संस्था कै सदस्य होत है ।)

**सहजकर्ता :** आउर लोगन का लेखपढ मे सहयोग करयवाले मनई, शिक्षक ।

**साक्षरता :** जीवन मे जरूरी व्यवहार पूरा करय खातिर पढय, लिखय औ हिसाब करय के साथेन आउर भाषिक क्रियाकलाप ठीक से करय कै क्षमता ।

**साभेदार :** नवा कार्यक्रम लागू करय खातिर समुदाय से मिलि कै काम करय वाला मनई, संस्था या निकाय ।

**सिखाई उपलब्धि :** स्कूल मे होय वाले पढाई कै विषयवस्तु, भाषा कै ज्ञान, हुनर औ दक्षता ।

**स्थायित्व :** ज्यादा समय तक समय के हिसाब से निरन्तर स्थापित गुण ।

## बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण

नीति निर्माता लोगन के पुष्टिका :



# नीति निर्माता लोगन के पुस्तिका

## परिचय :

युनेस्को सबसे पहिले सन १९९० मे 'सबके खातिर शिक्षा कार्यक्रम' शुरू किहिस । वकरेबाद बहुत से देसन मे उहां के सरकार अपने यिहां के लरिकनन औ प्रौढ लोगन के शिक्षा सम्बन्धी जरुरत काँ ध्यान मे राखि के आपन आपन प्रयास आगे बढ़ाये है । यहमा बहुत से काम होइ चुका है, यकरे बावजूद कुछ समूह जइसय विटियय औ मेहरारु, आम रूप मे गरीबन के साथय विशेष समूह के रूप मे एच.आई.भी./एड्स के शिकार लोग औ अल्पसङ्ख्यक भाषा बोलय वाले समूह बेसी उपेक्षित है ।

नेपाल मे विटियय औ मेहरारु, अपाङ्ग लरिके विटियय, दलित लरिके विटियय, जनजाति लरिके विटियय, मधेशी लरिके विटियय, सडक पेटी मे रहय वाले लरिके विटियय, द्वन्दपिडित लरिके विटियय, खरीदविक्री औ यौनशोषण से पीडित लरिके विटियय, गरिब लरिके विटियय, कमैया औ बधुवा मजूर लरिके विटियय, जेल के लरिके विटियय, असहाय औ अनाथ लरिके विटियय, एच.आई.भी./एड्स, कुष्टरोग, क्षयरोग आदि से सङ्क्रमित (पीडित) लरिके विटियय, गुरुकुल, मदरसा, गुम्बा मे पढय वाले लरिके विटियय, भाषिक अल्पसङ्ख्यक लरिके विटियय औ श्रमिक लरिकन का शिक्षा के अवसर से बहरे के समूह के रूप मे राष्ट्रिय स्तर पर स्वीकार किहा (माना) गा है ।<sup>१</sup>

चाहे मधेशी समुदाय के लरिके विटियय होय या अप्रवासी औ आदिवासी समुदाय के, जब विद्यालय के पढाई के भाषा नबूझय वाले विद्यार्थी स्कूले जात है, तो ऊ लोग बहुत बडे समस्या मे फसि जात है । यी समस्या विद्यार्थी के स्कूल मे पढाई मे प्रयोग होय वाले भाषा औ ऊ लोगन के घरके भाषा के बीच के अन्तर से सम्बन्धित है । यदि विद्यार्थी पढावा जाय वाले भाषा का नाही बूझत है, तो ऊ लोगन के सिखाई बुझाई मे समस्या आइ जात है :

सब यहि यथार्थ का न मानय तबबव यी तो स्पष्ट है कि अपने भाषा का छोडिके दुसरे भाषा मे पढब दुई तरफा चुनौती से भरा है । काहे कि वहि समय मे नवां भाषा भर नाही, बलुक वहि मे दिहा ज्ञानव का सिखय के परा ला । यी चुनौती सारे निरक्षर, अल्पसङ्ख्यक औ शरणार्थी जइसन लोग, जे पहिलवय से शिक्षा के दृष्टि से जोखिम मे है, यइसने लोगन के खातिर आउर भयानक होइ जात है ।<sup>२</sup>

यहि चुनौती के समाधान करय के सबसे अच्छा उपाय मातृभाषा पर आधारित बहुभाषी शिक्षा होय । सक्षम औ सशक्त बहुभाषिक शिक्षा कार्यक्रम मे अल्पसङ्ख्यक भाषिक समुदाय के विद्यार्थी शुरू शुरू के पढाई अपनेन

१. काफ्ले, बासुदेव औ आउर. २०६३. समाहित शिक्षा औ बालमैत्री विद्यालय : विद्यालय सहयोगी सामग्री, भक्तपुर, नेपाल सरकार, शिक्षा तथा खेलकुद मन्त्रालय, शिक्षा विभाग समाहित शिक्षा शाखा, पृ. ४ । यह सूची मे 'मधेशी लरिके विटियय' थपा गा है ।

२. युनेस्को. २००३. एजुकेशन इन अ मल्टिलिंगुअल वर्ल्ड. पेरिस : युनेस्को ।



भाषा में सिखत हैं औ सडहरियय कामकाजिउ भाषा काँ एक विषय के रूप में पढत हैं । जइसय जइसय विद्यार्थी कामकाजी भाषा काँ सुनय, बोलय, पढय औ लिखय के सिखत जात हैं, वइसय वइसय शिक्षक लोग कामकाजी भाषा काँ पढाई में प्रयोग करय लागत हैं । बढिया बहुभाषिक शिक्षा कार्यक्रम प्राथमिक स्कूल के विद्यार्थिन का दूनव भाषन काँ बोलचाल औ सिखाई में प्रेरित करत है ।

बहुभाषी शिक्षा के समर्थन में युनेस्को कै दिहा तीन खण्डीय आधार से भाषा औ शिक्षा के बीचे कै महत्वपूर्ण सम्बन्ध स्पष्ट होइ जात है ।<sup>३</sup>

१. युनेस्को, विद्यार्थी औ शिक्षक लोगन से मिला अनुभव औ ज्ञान के आधार पर मातृभाषा का पढाई के माध्यय भाषा के रूप में प्रयोग कइकै दिहा जाय वाला शिक्षा, पढाई कै गुणस्तर बढावय वाले महत्वपूर्ण साधन के रूप में होय कै समर्थन करत है ।
२. युनेस्को, ढेर भाषा प्रयोग होय वाले समाज में द्विभाषी औ बहुभाषिक शिक्षा काँ शिक्षा के हरेक तह में प्रयोग का, वहि समाज में सामाजिक औ लैङ्गिक समानता बढावय वाले साधन मध्ये कै महत्वपूर्ण कडी के रूप में होय के बाति कै समर्थन करत है ।
३. युनेस्को, अलग अलग जनसङ्ख्या वाले समूह के बीचे समझदारी सम्मान औ मौलिक अधिकार कै गारेन्टी के खातिर भाषा का अन्तर सांस्कृतिक शिक्षा के जरुरी कडी के रूप में समर्थन करत है ।<sup>३</sup>

यहि पुस्तिका कै बाकी अंश मातृभाषा पर आधारित बहुभाषिक शिक्षा कार्यक्रम के बारे में आउर बेसी जानकारी देई । यह मा बहुभाषिक शिक्षा के बारे में अधिकतर पूछा जाय वाले सवालन का विभिन्न शीर्षक में राखि के देखावा गा है । जवने का संसार भर शिक्षा क्षेत्र में काम करय वाले सरकारी कर्मचारी, अनुसन्धानकर्ता औ भाषिक अल्पसङ्ख्यक समुदाय के लोगन के कहनाव पर आधारित रहि के सवाल जबाफ के रूप में राखा गा है ।

## सवाल औ जवाब

### अल्पसङ्ख्यक समुदाय में भाषा औ शिक्षा

**सवाल १ : कमजोर या भाषिक अल्पसङ्ख्यक समुदाय के लोगन कै शैक्षिक अवस्था कइसन है ?**

**नेपाल कै शैक्षिक अवस्था**

- ६ बरिस से उप्पर कै ४६.३ प्रतिशत औ १५ बरिस से उप्पर कै ५६ प्रतिशत लोग पढय लिखय के नाही जानत हैं । (नेपाल कै जनगणना २००१ (२०५८)
- प्राथमिक स्कूल में जाय वाले उमिर समूहमध्ये ११ प्रतिशत लरिके बच्चे स्कूल में भर्ना नाही होत हैं ।
- भर्ना भवा लरिकन मध्ये ४५.४ प्रतिशत विद्यार्थी बिना पाँच कक्षा पूरा किहे स्कूल छोडि देत हैं ।

३. युनेस्को. २००३. एजुकेशन इन अ मल्टिलिंगुअल वर्ल्ड. पेरिस : युनेस्को ।

- स्कूल छोडय वाले लरिकनमध्ये कै सबसे बेसी १४.५ प्रतिशत लरिके कक्षा १ मे स्कूल छोडत है ।
- स्कूल न जाय वाले, स्कूल छोडय वाले औ पढय लिखय न जानय वालन कै सड्ख्या क्षेत्र, जाति, भाषा औ गाँव या शहर मे फरक फरक है । यकरे बावजूद मुख्य रुप मे दुर्गम क्षेत्र मे रहय वाले मेहरारु, अल्पसड्ख्यक समुदाय, दलित औ गरीब लोग बेसी हैं (MOES 2000)।

मुख्य रुप मे दुर्गम क्षेत्र मे रहय वाले कमजोर औ भाषिक अल्पसड्ख्यक समुदाय के लोगन का स्तरीय किसिम कै आधारभूत शिक्षा पावय मे कुछ यहि किसिम के चुनौतीन कै सामना करय के परत है :

- कहूँ स्कूलय नाही है, स्कूल है तो शिक्षकै नाही हैं औ यदि शिक्षकौ हैं तो वन्हय तालिम नाही मिला है ।
- यदि पर्याप्त सड्ख्या मे शिक्षक हड्यव हैं तो ऊ लोग विद्यार्थिन के न बूभय वाले भाषा मे पढावत लिखावत हैं ।
- किताब (पाठ्यपुस्तक) औ पाठ मे खाली मुख्य समूह के भाषा औ संस्कृति पर जोड दिहा जात है । यदि विद्यार्थी लोग ऊ भाषा औ संस्कृति नाही बूभत हैं तो वन्हय वहि किताब औ पाठ के बाति काँ बूभय मे कठिनाई होई ।
- मुख्य (दुसरे) भाषिक समुदाय से आवय वाले शिक्षक वहि विद्यार्थी का पढाई मे कमजोर मानि सकत हैं । यइसन शिक्षक वहि विद्यार्थी के भाषा औ संस्कृति कै कदर न कइकै हेय दृष्टि से देखि सकत हैं ।

नेपाल के स्कूलन कै कक्षा निरिक्षण करय वाले विशेषज्ञ लोगन कै अनुभव यहि किसिम से है :

*सम्प्रेषण विधि कै प्रयोग हड्यय नाही है । खुद शिक्षक कक्षा मे 'वातचीत विधि कै प्रयोग करित हन' कहत है । लेकिन कक्षा के भित्तर जाइ के देखत कै खाली कुछ सीमित विद्यार्थी औ शिक्षक के बीचे वातचीत होत पायन । येकर अर्थ सारे विद्यार्थी औ शिक्षक के बीचे छलफल भय, यी नाही कहा जाय सकत । वास्तव मे यी छलफल शिक्षक औ कुछ सीमित नेपाली भाषी विद्यार्थिन के बीचे सीमित रहा । कक्षा मे यइसन विद्यार्थी साधारण तया आगे बड्ठत हैं । पढाई कै माध्यम नेपाली होय के नाते सम्प्रेषण विधि के प्रयोग कै अवस्था नाही है । यी साक्ष्य प्राथमिक स्तर मे पढावय वाले शिक्षक लोगन का सम्प्रेषण विधि कै प्रयोग करय खातिर तालिम दिहा है, नाही कहि जाय सकत ।<sup>४</sup>*

यइसन विद्यार्थिन के खातिर स्कूल मुख्य रुप से नवा जगही होइ सकत है, जहाँ नवां विचार का नवां भाषा मे पढावा जात है । भारत कै एक अल्पसड्ख्यक भाषिक समुदाय कै लरिके बिटियय पढय वाले स्कूल मे शिक्षा के क्षेत्र मे काम करय वाले एक जने विद्वान कक्षा निरिक्षण करय गयें । वहि समय उहां हिन्दी कै पढाई होत रहा । वन कक्षा कै अवस्था कुछ यहि किसिम से देखिन ।

४. अवस्थी, लवदेव. २००४. एक्स्लोरिड मोनोलिंगुअल स्कूल प्रैक्टिसेज इन मल्टिलिंगुअल नेपाल, पीएचडी शोधग्रन्थ कोपेनहेगेन : डेनिस युनिभर्सिटी ऑफ एजुकेशन, पृ. १९५ ।

विद्यार्थी शिक्षक के एकतरफा भाषण के ओर तनिकव ध्यान नाही देत रहे । ऊ लोग शून्य भाव से शिक्षक का तो कब्बो कब्बो ब्लैकबोर्ड मे लिखा करिया अक्षरन का टुकुर टुकर देखत रहे । विद्यार्थी लोग कुछ नाही बूझत है, यहि बात का प्रष्ट रुप से बूझय वाले शिक्षक तेज आवाज मे आउर लम्मा ब्याख्या करय लागे ।

बाद मे बोलत बोलत थकि जाय के बाद औ छोट छोट विद्यार्थिन काँ दूविधा मे परा जानि के वन ऊ लोगन से ब्लैकबोर्ड देखिके लिखय के कहिन । 'हमार विद्यार्थी ब्लैकबोर्ड देखि कै लिखय मे बडा तेज है । पाँच कक्षा तक पहचत पहुचत यी लोग ब्लैकबोर्ड मे देखिके लिखि लिहयँ वोकां याद कइ लिहयँ । साथय वन यहि बतान्न कि कक्षा ५ कै खाली दुइ विद्यार्थी हिन्दी भाषा बोलि सकत है' ५

लरिके विटियय या प्रौढ लोग जवन भाषा न बोलि औ बूझि पावयँ वोका स्कूल के पढाई कै माध्यम नाही बनावय के चाहीं । बनाये से ऊ लोगन काँ समाज कै उत्पादनशील सदस्य बनावय मे सहयोग के जगही बाधा पहुचत है । अपने समुदाय से बहरे कै संसार काँ पाठ मे सामिल कइके लरिकन विटियन का पढाये से ऊ लोगन कै जानल औ बूझल बातिके बेवास्ता होत है । येसे वनके भाषा, संस्कृति औ अनुभव कै महत्त्व नाही है, यी सन्देश जात है ।

अइसन होब स्कूल के कार्यशैली से लरिकन विटियन मे अपने समाज, बाप महतारी औ खुद अपने उप्पर कै सम्मान काहे हेरात जात है, येकर यी एक उदाहरण होय । पपुवा न्यु गिनी कै एक जने अभिभावक यइसने अवस्था कै वर्णन यहि किसिम से किहे है :

जब लरिके विटियय स्कूले जात है तो ऊ लोगन के खातिर स्कूल कै बातावरण अन्जान होत है । ऊ लोगन से वन कै बाप महतारी छुटि जात है । वन कै बाग बगैचा छुटि जात है, ऊ लोग अपने जीवनशैली कै हरेक बाति छोटि देत है । साथय कक्षा कोठरी मे बइठि कै ऊ बाति सिखत है, जवने कै वनके गाँव समाज से कवनो सम्बन्ध नाही है । बाद मे, उ लोग आउर बाति सिखा होय के नाते अपने से सम्बन्धित हरेक बाति का खारिज कइ देत हैं ।<sup>६</sup>

जवने कै परिणाम का होत है कि अधिकतर लोग औपचारिक (स्कूली) शिक्षा पद्धति मे सफल होय के चक्कर मे जोखिम मोल लेत अपने भाषिक औ सांस्कृतिक पहिचान कै बलि चढाय देत है :

भाषिक अल्पसङ्ख्यक समुदाय का तब्बय मूल धार मे आवा मानि जात है जब ऊ लोग आपन जातीय औ भाषिक पहिचान छोटि के समाज के मुख्य भाषा औ संस्कृति का मानय लागत हैं । यी कवनो नवां बाति न होइके संसार भर कै अल्पसङ्ख्यक समुदाय कै लम्मे समय से जाना सुना औ लिखा पढा दुखद इतिहास होय ।<sup>७</sup>

५. फ्रिग्रान, डी. २००५. लैंग्वेज डिसेडभांटेज. द लर्निङ चैलेंज इन प्राइमरी एजुकेशन. न्यू दिल्ली : ए.पी.एच. पब्लिशिङ ।

६. डेलिपट, एल.डी. आ केमेलफिल्ड, जी. १९८५. एन इम्पैलुएशन ऑफ द भिलेस टोक प्लेस स्कूल स्कीम इन द नार्थ सोलोमन्स प्रोविन्स इआर यू रिपोर्ट नं. ५१ बाइगानी, पपुआ न्यू गिनी : युनिभर्सिटी ऑफ पपुआ न्यू गिनी ।

७. शेफर, एस. २००३ (७-९) नवंबर). लैंग्वेज डिभेलप्मेंट एण्ड लैंग्वेज रिभाइटलाइजेशन : एक एजुकेशनल इंप्यरटिभ इन एशिया. इंटर नेशनल कन्फरेंस ऑन लैंग्वेज डिभेलप्मेंट एक रिभाइटलाइजेशन एक मल्टिलिंगुअल एजुकेशन बैकक : थाइलैंड ।

**सवाल २ : स्कूले के शुरु के अवस्था मे मातृभाषा पर आधारित बहुभाषिक शिक्षा कामकाजी भाषा बूझय औ बोलय कै न जानय वाले विद्यार्थिन के शैक्षिक अवस्था मे कइसय सुधार करी ?**

मातृभाषा पर आधारित बहुभाषिक शिक्षा कार्यक्रम विद्यार्थी का सबसे बढ़िया से जानय बूझय वाले भाषा मे पढाई कै सुरुवात करय कै वातावरण बनावत है । जब ऊ लोग पढाई मे अपने भाषा कै प्रयोग करय लागत है, तो धीरे धीरे ऊ लोगन का कामकाजिउ भाषा का सिखावय लागत जात है । जवने से ऊ लोग बहु भाषा मे बातचीत करयक शुरु कइ देत है । साथ साथय ऊ लोगन मे कामकाजी भाषा कै प्राज्ञिक शब्द भण्डार बढ़ावय मे शिक्षकव लोग सहयोग करय लागत है । यहि किसिम से ऊ लोग यहू भाषा मे बेसी से बेसी बूझि पावत हैं औ वकरे वारे मे बोलि लेत हैं ।<sup>१५</sup> बढ़िया कार्यक्रम मे तो सम्पूर्ण प्राथमिक तह मे विद्यार्थी मे लगातार दूनव भाषा मे बातचीत करय औ पढय लिखय कै क्षमता विकास किहा जात है ।<sup>१६</sup>

सबल बहुभाषिक शिक्षा कार्यक्रम मे भाषा सिखाइ का निम्नलिखित चरण मे देखावा जाय सकत है :

**दूनव भाषा मे मौखिक औ लिखित सामर्थ्य कै निरन्तर विकास**

शिक्षण औ सिखाई मे पहिले भाषा के साथेन दुसरव भाषा प्रयोग करय के परी

**दुसरे भाषा मे पढाई लिखाई कै सुरुवात,**

पहिला भाषा मे मौखिक औ लिखित के साथेन दुसरे भाषा मे मौखिक रुप से निरन्तर पढावय औ सिखावय के खातिर पहिला के साथेन दुसरे भाषा कै प्रयोग शुरु

**मौखिक रुप मे कामकाजी (दूसर) भाषा के प्रयोग कै सुरुवात<sup>१७</sup>**

पहिले भाषा का मौखिक औ लिखित दूनव रुप मे निरन्तर प्रयोग पढावय औ सिखावय मे पहिला भाषा कै निरन्तर प्रयोग

**पहिला भाषा मे पढावय औ लिखावय कै सुरुवात**

पहिला भाषा मे मौखिक विकास कै निरन्तरता पढावय औ सिखावय मे पहिला भाषा कै प्रयोग

**पहिला भाषा मे मौखिक रुप से सुनय औ बोलय खातिर क्षमता के साथेन आत्मविश्वास कै विकास**

(सुरु सुरु मे स्कूल जाय वाले लरिक्न बिटियन के खातिर)

पढावय औ सिखावय मे घर के भाषा (पहिला भाषा) कै प्रयोग

घर के भाषा मे पढाई कै नेव बनावय के बाद विद्यार्थी लोग नवां भाषा (कामकाजी भाषा) मे पढाई शुरु करत है । यी पढाई पहिले मुह जबानी औ बाद मे लिखित रुप में आगे बढत है । नवां भाषा साधारण रुप मे जानय बूझय के तुरन्त बाद ऊ लोग आपन पहिला भाषा (मातृभाषा) नाही छोडि देत हैं । बलुक कम से कम प्राथमिक तह तक ऊ लोग पढय लिखय मे दूनव भाषा कै प्रयोग करत है :

८. यी प्रक्रिया एक अइसन शैक्षिक सिद्धान्त पर आधारित है जेकरे तहत एक भाषा मे सिखा धारणा दूसर भाषा में ओकरे शब्द भंडार कै विकास करते भरेम आसानी से किहा जाय सकत है ।

९. कुछ अनुसन्धानकर्ता लोग दुसरव भाषाका सुरुवय से प्राथमिक विद्यालय के अवधि भर पहिला भाषा के साथेन एक माध्यम भाषा के रूप मे प्रयोग कइ सका जात है, कहिकै पता लगाए रहें ।

लरके वलटलय प्रथमलक तहतक दुइ वा दुइ से ढेर भाषा मे आपन पढय लखय कै लगातार क्षमता वलकास करत है । यकरे बाद ऊ लोग यी भाषन का वढलया से बूढत है औ यी सबका प्रभावकारी रुप से प्रयोग करय के जानल जात है । ऊ लोग अपने दूनव भाष मे साक्षरता हासलक करय के साथय दूनव भाषा मे वाक्य बनावय के तरीका के साथय दूनव भाषा कै आपस मे समानता औ वलभेद जानय के नाते दूनव भाषा के हरेक संरचना (बनावट) का वास्तवलक रुप मे बूढत है <sup>१०</sup>

यहल प्रक्रलया कै मुख्य रुप यहल कलसलम से है :

- वलद्यार्थी स्कूली शलक्षा शुरु करत के भाषा औ संस्कृत के साथय जवन जान औ अनुभव लइकै आवत है, वही से वनके पढाई कै शुरुवात होत है ।
- कामकाजी (नवां) भाषा का पढावय कै माध्यम बनावय से वहल भाषा कै प्रयोग होय के नाते वलद्यार्थन कै आत्मबल बढत है ।
- शलक्षकव लोग, पढावत कै पहलला भाषा (मातृभाषा) के साथय कामकाजी भाषा कै प्रयोग करय के नाते वलद्यार्थी लोग हरेक वलषय का जानय बूढय के साथय वन मे शैक्षलक क्षमता वलकसलत होय के नाते ऊ लोग तहगत उपलब्धी हासलल करत है ।



© वलकम शरणल त्रिपाठी

१०. कमलन्स, ज. २०००. बाइललंगुअल चल्लड्रेन्स मदर टड : हवाई इज इट इम्पाँट फॉर एजुकेशन ?

<http://www.iteachilearn.com/cummins/mother.htm> (एक्सेस्ट ऑन १७ नवम्बर २००६)

**सवाल नं. ३ : सामान्य रूप में मातृभाषा पर आधारित बहुभाषिक शिक्षा और विकास के बीच का सम्बन्ध है ?**

जनसङ्ख्या के कुछ खास हिस्सा का बहरे राखि कै चलय वाले शिक्षा कार्यक्रम ऊ लोगन कै स्थानीय या राष्ट्रिय विकास में आपन सक्रिय भूमिका निर्वाह करय का कठिन बनावत है । काहे से कि अइसन शिक्षा :

समुदाय कै राष्ट्रिय विकास में सकारात्मक योगदान के खातिर जरुरी ज्ञान, हुनर और धारणा से विद्यार्थिन का सुसज्जित करय में पीछे राखत है ।<sup>११</sup>

विकासमूलक शिक्षा हरेक विद्यार्थी चाहे वन कवनो भाषा बोलय वाले होय, वनके हरेक सम्भाव्यता कै पुरापुर विकास करत है और साथेन यी सुनिश्चित करत है कि ऊ लोग खुद समुदाय और राष्ट्र के कल्याण में योगदान देवय लायक होंय :

हम्मन का यी विश्वास है कि राष्ट्र कै प्रमुख उद्देश्य अपने देश के सारे सदस्य और बडे बडे संयन्त्र के विकास में प्रोत्साहन देय वाला होय के चाहीं ..... । राष्ट्रिय विकास कै मतलब यी नाही होय कि सरकार कान करी ? बलुक यी होय कि अपने जनता से काव कराय सकत है ?<sup>१२</sup>

सारे सांस्कृतिक समूह अपने रहय वाले संसार से ढेर से ढेर सुविधा लेवय कै उपाय सिखे रहत हैं । हरेक भाषा में येकां बोलय वाले, अपने बीच पुस्ता दर पुस्ता विरासत के रूप में विकास किहा ज्ञान और बुद्धि का बतावय कै क्षमता राखत होत हैं ।

अलग अलग संस्कृति कै, अलग अलग भाषा बोलयवाले और अलग अलग दृष्टिकोण वाले लोग अपने विकास और योजना काँ एक दुसरे से बाटि के साझा भविष्य के ओर आगे बढय के बादय सारे राष्ट्र का फाइदा होई । अल्पसङ्ख्यक भाषिक समूहन में बहुभाषिक शिक्षा कार्यक्रम कै एक दीर्घकालीन लक्ष्य, वहि समूह के सदस्य लोगन का राष्ट्र के विकास में सामिल कराय कै, अपने तरफ कै योगदान देवय खातिर वन में ज्ञान, हुनर और आत्म विश्वास बढावय का सुनिश्चित करव होय ।

'सांस्कृतिक विविधता हमरे देश कै सबसे बडा राष्ट्रिय स्रोत होय । विविधता कै अर्थ स्पष्ट करत कै ढेर दृष्टिकोण, समस्या समाधान कै ढेर उपाय, ढेर रचनात्मक विचार और परिवर्तन का आत्मसात करय कै वृहत सामर्थ्य होव होय ... जहां विविधता का नजरअन्दाज किहा जात है .... राष्ट्र कमजोर और विभाजित होत है ।'<sup>१३</sup>

११. डिपार्टमेंट ऑफ एजुकेशन, १९९१, एजुकेशन सेक्टर रिभ्यू बाइगानी, पपुआ न्यू गिनी : डिपार्टमेंट ऑफ एजुकेशन । पपुआ न्यू गिनी कै पचास लाख से बेसी जनता ८०० से अलग अलग भाषा बोलत है । १९९३ तक अंग्रेजी उहा कै औपचारिक शिक्षा प्रणाली कै भाषा रहा । एक मात्र अंग्रेजी शिक्षा के नकारात्मक प्रभाव के स्वीकार करत पपुआ न्यू गिनी सरकार १९९५ में आपन पूरा प्राथमिक शिक्षा प्रणाली कै पुनरावलोकन किहिस । २००५ तक मातृभाषा आधारित बहुभाषी शिक्षा कार्यक्रम पपुआ न्यू गिनी के ८०० से बेसी भाषा सब में से ४०० से बेसी भाषा में लागू होइ चुका रहा ।

१२. घरगेदाधी, जे. १९८६. अ प्रोलाँग टु नेशनल डिभेलप्मेंट प्लानिङ. न्यू योर्क : ग्रीनउड प्रेस ।

१३. डाँ जाँन वाइको, शिक्षा मंत्री, पपुआ न्यू गिनी, २००१ ।

सबल बहुभाषी शिक्षा कार्यक्रम मे सरकारी सहयोग से अल्पसङ्ख्यक भाषा औ वोका बोलय वाले लोगन का महत्व दिहा मिलत है । बहुभाषी शिक्षा कार्यक्रम विद्यार्थिन के घर कै औ कामकाजी भाषा के बीचे पुलह कै काम करत है । यी ऊ लोगन का अपने भाषिक औ सांस्कृतिक विशेषता का बिना गवाये राष्ट्रिय एकता कायम करय मे सहयोग पहुचावत है । मनई के भाषिक औ सांस्कृतिक सम्पदा का महत्व न दिहे विभाजन औ सङ्घर्ष कै प्रमुख कारण होय कै बाति संसार कै अनुभव बतावत है । बहुभाषिक शिक्षा कार्यक्रम विविधता का इनकार करय के जगही वोकां मानि के विविधतय मे एकता कायम करय मे सहयोग पहुचावत है ।

#### सवाल ४ : मातृभाषा पर आधारित बहुभाषिक शिक्षा औ लैङ्गिक समानता के बीचे कइसन सम्बन्ध है ?

सन् १९९३ मे अनुसन्धानकर्ता कोर्सन का पता लगाइन कि शिक्षा मे विभेदकारी भाषा नीति औ योजना से खास कइके तीन समूह सबसे ढेर प्रभावित होत है । यी होय मेहरारु औ बिटियय, गरीब औ औपचारिक शिक्षा मे भाषा कै प्रतिनिधित्व न करय वाला समूह । यी तीनव अवस्था का एकसाथ भोगय वाले लोगन पर सबसे ढेर अन्याय होत है । लैङ्गिक अनुसन्धान से यी पता चला है कि जब तक बिटियय औ मेहरारु बजार या कारखाना आदि मे काम नाही करत हीं, तबतक ऊ लोग लरिका या मर्द लोगन के तुलना मे कामकाजी भाषा से कम परिचित रहत हीं । येकर कारण यी होय कि बिटियय औ मेहरारुन कै जिनगी खाली घर औ परिवार मे सिकुडा रहत है । जहां खाली स्थानीय भाषा बोला जात है । येकर मतलब यी होय कि लरिकन के तुलना मे बिटियय स्कूल कै माध्यम भाषा बूझय मे पीछे है । बिटियन का बेटवन के तुलना मे बोलय कै कम मक्का दिहे से ऊ लोगन मे बेटवन के तुलना कम सामर्थ्य कै विकास होब मानत के, यहि असमानता का अनदेखा किहा जात है । शिक्षा मे लैङ्गिक समानता पावय के जरूरत पर बढत अन्तर्राष्ट्रिय जागरण के बावजूद स्कूल मे बिटियन कै पहुँच अबहिन तक बेटवन से कम है औ अल्पसङ्ख्यक भाषिक समुदाय कै बिटियय हरेक समुदाय मे सबसे कम लाभवन्वित है ।

बहुभाषिक शिक्षा कार्यक्रम बिटियन काँ स्तरीय शिक्षा देवय मे बेसी अवसर देत है :

बिटियन औ मेहरारुन के खातिर लैङ्गिक विचार कै तुलना करत के ..... बिटियन औ मेहरारुन कै शैक्षिक जोखिम कै अवस्था विशेष समस्याजनक स्थिति मे है । सबसे बेसी परम्परागत मातृभाषी समाज मे बिटियय औ मेहरारु खुद कै भाई, बेटवा औ पति के तुलना मे कामकाजी भाषा मे पहुँच बनावय मे अभ्यस्त न होय के नाते यी लोगन मे एकभाषी रहय कै प्रवृत्ति ढेर है ।<sup>१४</sup>

मातृभाषा पर आधारित बहुभाषिक शिक्षा अल्पसङ्ख्यक भाषिक समुदाय के बिटियन काँ विशेष फाइदा पहुचावत है ।

- समुदाय के भाषा के साथय संस्कृति औ मूल्य मान्यतन काँ सिखावय वाले स्कूल मे अभिभावक लोग बढी निहचिन्त होइकय अपने बिटियन का पढयक भेजि सकत है । यकरे साथय स्कूल मे भर्ती औ स्कूले के शिक्षा प्रक्रिया के बारे मे अभिभावक लोग अपनेन भाषा मे जानकारी पाय सकत है । कामकाजी भाषा के साथ साथय यदि अपनेव भाषा कै निरन्तर प्रयोग होई, तो बिटियन का बेसी समय तक स्कूल मे रहय कै हउसिला मिली ।

१४. युनेस्को २००३. एजुकेशन इन अ मल्टिलिंगुअल वर्ल्ड. पेरिस. युनेस्को ।

- बहुभाषिक शिक्षा कार्यक्रम स्कूल के गतिविधिन मे समुदाय कै सहभागिता बढाई, जवने से अभिभावक औ शिक्षक लोगन के बीचे सञ्चार सम्पर्क बढावय मे प्रोत्साहन मिली । येसे यी वाति सुनिश्चित होई कि समुदाय कै जरूरत औ मूल्य मान्यता के बारे मे स्कूल जिम्मेवार है ।
- विद्यार्थियु कै भाषिक औ सांस्कृतिक समुदाय कै शिक्षक होय से विटियन के उप्पर मर्द शिक्षक लोगन से होय वाला शोषण कै सम्भावन हटि जात है । काहे से कि वनलोग सामाजिक मर्यादा मे रहत हैं । साथय विद्यार्थी के परिवार से व्यवहारिक सम्बन्धव होय के नाते यइसन शिक्षक ढेरविश्वासी होत हैं । येसे पुरुष शिक्षा से विटियन के उप्पर होयवाला लैङ्गिक औ आउर दुर्व्यवहार कै खतरा कम होत है ।
- अपने घरय के भाषा मे शिक्षण सिखाई क्रियाकलाप होय के नाते विटियव बेटवनय के जइसय आपन क्षमता कक्षा कोठरी मे देखाय सकत हिन । अपने घर के भाषा मे लरिकनय के जइसय निधडक संवाद कइ सकत हिन । यही के नाते शिक्षक लोग बेटवन के जेतनय विटियनव का मवक्का देय के वाति महसूस करत हैं ।
- शिक्षक तालिम के साथय अपने समुदाय काँ पढावय कै अवसर मिलय के नाते कइउ मेहरारुन का शिक्षक बनय कै खातिर प्रोत्साहित करत है । यी छात्रा लोगन के खातिर अनुकरणीय व्यक्तित्व प्रदान करय के साथय येसे मेहरारुन का आय आर्जन कै अवसरो मिलत है ।<sup>१५</sup>



१५. बेंसन, सी २००५ मदर टड-बेस्ड टिचिङ एण्ड एजुकेशन फॉर गर्ल्स. बैंकक, युनेस्को ।

<http://unesdoc.unesco.org/images/0014/001420/142079e.pdf> (१७ नवंबर २००६ मे प्राप्त)



## सवाल ५ : का बहुभाषी शिक्षा कार्यक्रम लागू करब औ चलाइब खर्चीला है ?

कुछ लोग मातृभाषा पर आधारित बहुभाषिक शिक्षा कार्यक्रम लागू करब ओ चलाइब खर्चीला होय कै तर्क दइकै येकर विरोध करत हैं। लेकिन भाषा अर्थतन्त्र के क्षेत्र मे किहा अध्ययन औ भाषा सम्बन्धी सार्वजनिक नीति कै लागत विश्लेषण करत कै यी निष्कर्ष निकरत है कि बहुभाषिक शिक्षा कार्यक्रम से होय वाले फाइदा के तुलना मे यी खर्च बहुत कम है :

एक भाषी शिक्षा प्रणाली से बहुभाषिक शिक्षा प्रणाली मे जात कै लागय वाला खर्च जेतना सोचा जात है, वोसे बहुत कम है। जगहीं जगहीं किहा मूल्याङ्कन से खाली ३-४ प्रतिशत के हाराहारी मे बढत पावा गा है, काहे से एकभाषी शिक्षा प्रणालिउ मे तो लरिकन बिटियन का तो स्कूले भेजहिक परत है। यही नाते तुलनातमक रुप मे नाँव मात्र कै खर्च बढाये द्विभाषिक शिक्षा/बहुभाषिक शिक्षा चलावा जाय सकत है।<sup>१६</sup>

बहुभाषिक शिक्षा प्रणाली मे केतना खर्च लागत है यी कहय से अच्छा घर मे कामकाजी भाषा नबोलय वाले अधिकतर विद्यार्थिन का असफलता के ओर धकेलय वाला एक भाषी शिक्षा प्रणाली कै लागत केतना है, पूछब ठीक रही। शायद यहि मुद्दा का यही रुप मे देखब बाजिब होई। यदि हमरे बहुभाषिक शिक्षा कार्यक्रम मे लागय वाले खर्चा अल्पसङ्ख्यक भाषाभाषी विद्यार्थिन के खातिर उपयुक्त न होयवाला औ असफल शिक्षा मे होयवाला सामाजिक औ आर्थिक लागत कै तुलना करत के, जइसन कि खर्च प्रभावकारिता के बारे कुछ अध्ययन समेत देखावत है, बहुभाषिक शिक्षा कार्यक्रम एक बुद्धिमानीपूर्ण लगानी होय कै बाति स्पष्ट होइ जात है।

उदाहरण के खातिर ग्वाटेमाला के शिक्षा मन्त्रालय के तथ्याङ्क पर आधारित एक अध्ययन, जवने मे माया समुदाय के विद्यार्थिन का खाली कामकाजी भाषा (स्पेनिश) मे कक्षा चलय के नाते औ द्विभाषी शिक्षा कार्यक्रम चलावय से यहि समुदाय कै विद्यार्थिन मे कक्षा दोहरावय औ बीचय मे स्कूल छोडय वाले लोगन कै दर एक आपस मे तुलना किहा है। वोसे यी बाति पता चला है :

द्विभाषिक शिक्षा प्रणाली मे जाय से कक्षा दोहरावय के दर मे कमी आवय से ढेर खर्च कै बचत होत है। येसे सरकार का ५० हजार अमेरिकी डलर कै बचत भा है। जवन एक लाख विद्यार्थिन का एक वर्ष तक प्राथमिक शिक्षा चलावय मे लागय वाले खर्च के बराबर है।<sup>१७</sup>

ग्वाटेमाला औ सेनेगल मे किहा एक दुसरेव अध्ययन के अनुसार स्थानीय भाषा कै पाठ्य सामग्री छापत कै लागय वाला खर्च, कक्षा दोहरावत के लागय वाले शैक्षिक बजेट कै एक प्रतिशतव से कम (ग्वाटेमाला के हम मे ०.१३ प्रतिशत मात्र) होत है ओ यह शुरुवाती खर्च का दुइ से तीन बरिस के बीच उठावा जाय सकत है।<sup>१८</sup>

१६. ग्रिन, एफ २००५ इकॉनामिक कंसिडरेशन इन लैंग्वेज पालिसी, रिसेतो, टी (एड) २००५. एक इट्रोडक्शन टु लैंग्वेज पॉलिसी: थियरी एण्ड मेथड ऑक्सफॉर्ड : वेसिल ब्लैकवेल।

१७. डुचर, एन. २००४ एक्स्पैडिड एजुकेशनल ऑपचुनिटिज इन लिग्विस्टिकली डाइभर्स कट्रिज वाशिङटन डी. सी. : सेटर ऑफ एप्लाइड लिग्विस्टिक्स [http://www.cal.org/resources/pubs/fordreport\\_040501.pdf](http://www.cal.org/resources/pubs/fordreport_040501.pdf) (१७ नवंबर २००६ में प्राप्त)

१८. वावद, ए.वाई. आ पैट्रिनस, एच.ए. १९९८ कॉस्ट ऑफ प्रोड्यूसिड एजुकेशनल मटिरिअल्स इन लोकल लैंग्वेज, वाशिङशन डी.सी. : वर्ल्ड बैंक।



**सवाल ६ : एक सबल औ दीर्घकालिन बहुभाषिक शिक्षा कार्यक्रम कै विशेषता काव काव होय ?**

बहुभाषिक शिक्षा कार्यक्रम के खातिर सरोकार वाले मनई, संस्था औ निकायन के बीचे नवा सोच औ सहयोग कै जरूरत परत है। नीचे रेखाचित्र के माध्यम से सबसे सबल कार्यक्रम के खातिर जरूरी चीजिन का देखावा है :<sup>१९</sup>



१९. मेलोन, एस. २००५, 'प्लानिड कम्युनिटी-वेस्ट एजुकेशन प्रोग्राम्स इन माइन्युरिटी लैंग्वेज कम्युनिटिज रिसोर्स मैनुअल फॉर मदर टड स्पीकर्स फर माइन्युरिटी लैंग्वेज इग्रेन्ड इन प्लालिड एण्ड इम्प्लिमेंटिड एजुकेशन प्रोग्राम्स इन देयर वोन कम्युनिटिज' पर आधारित।

मातृभाषा पर आधारित बहुभाषिक शिक्षा कार्यक्रम लागू करत के सामान्य रूप में नीति निर्माता काँ सामिल नाही करावा जात है। लेकिन कार्यक्रम का दीर्घकालिक रूप में सफल बनावय के खातिर वन लोगन के सक्रिय सहयोग जरूरी है। ऊ लोग मातृभाषा पर आधारित बहुभाषिक शिक्षा के समर्थन करय के खातिर जरूरी राजनीतिक वातावरण तयार कइके अपने ओर से महत्वपूर्ण योगदान दइ सकत है। अल्पसङ्ख्यक समुदाय के भाषा बोलय वाले लोगन के साथ सबका स्तरीय शिक्षा देय खातिर भाषा औ शिक्षा नीति जरूरी है, आजकालिह अन्तर्राष्ट्रिय स्तर पर यहि विचार के कदर पहिले से बढ़त जात है।<sup>२०</sup>

सहयोगी राजनीतिक वातावरण बनावत के बहुभाषिक शिक्षा का औपचारिक औ अनौपचारिक शिक्षा प्रणाली के अङ्ग बनावय औ लागू करय के साथ सहयोग करयके स्पष्ट निर्देशन देयवाले नीति सबसे बढ़िया होत है। महत्वपूर्ण नीतिगत निर्णय में यी बात समावेश होत है :

- कार्यक्रम में प्राथमिक विद्यालय के (माध्यमिक विद्यालय के समेत भये आउर बढ़िया) कवने कवने कक्षा का सामिल करयके है, स्पष्ट रूप से उल्लेख होय के चाही।
- उपयुक्त सरकारी निकाय के मातहत में कार्यक्रम लागू करय औ समन्वय करयवाला निकाय बनाय के कार्यक्रम का संस्थागत करय के चाही।
- खास कइके बहुभाषिक शिक्षा कार्यक्रम के खातिर विशेष रूप से निरन्तर रूप के अलगू स्थानीय स्रोत के व्यवस्था करयके चाही।

नीति निर्माता लोग मातृभाषा पर आधारित बहुभाषिक शिक्षा काँ सफल बनावय के खातिर सरकारी, गैर सरकारी संस्था, विश्वविद्यालय औ आउर सहयोग संस्थान के बीच सहकार्य के वातावरण बनाय के स्थानीय समुदाय के साथे कार्यक्रम बनावय औ येकाँ दीर्घकालिक रूप देय में मदत करत है। यहि किसिम से ऊ लोग मातृभाषा पर आधारित बहुभाषिक शिक्षा कार्यक्रम का सफल बनावय में योगदान देत है। बहुभाषिक शिक्षा कार्यक्रम काँ राष्ट्रिय, प्रान्तीय औ सामुदायिक स्तर पर योजना, कार्यान्वयन औ निरन्तरता का सुनिश्चित करव तीसर औ सबसे जरूरी क्रियाकलाप होय।

२०. अलियोड, एच: बोली, ए: ब्राँक-उल्ले, बी: डिआलो, वाई, हेफ, के आ बोलफ, एच. ई २००६, ऑफ्टिमाइजिड लर्निंग एण्ड एजुकेशन इन अफ्रिका: द लैग्वेज फैक्टर अ स्टॉक-टेकिड रिसर्च ऑन मदर टुड एण्ड वाइलिंगुअल एजुकेशन इन सब-साहारन अफ्रिका पेरिस, एसोशिएशन फॉर द डिभेलप्मेंट ऑफ एजुकेशन इन अफ्रिका (एडीइए)।

**सवाल ७ : मातृभाषा पर आधारित सबल बहुभाषिक शिक्षा कार्यक्रम काँ शुरु किहा औ बोकां दीर्घकालिक बनावा जाय सकत है ?**

युनेस्को, युनिसेफ औ आउर बहुपक्षीय/द्विपक्षीय संस्थन के प्रोत्साहन औ सहयोग से विश्वभर मातृभाषा पर आधारित बहुभाषिक शिक्षा कार्यक्रम शुरु किहा है औ होत है । एशिया औ प्रशान्त क्षेत्र कै पपुवा न्यू गिनी, चीन, थाइल्यान्ड, कम्बोडिया, बङ्गलादेश, भारत, सोलोमन द्वीप लगायत आउर अधिकतर जगही मे यइसन कार्यक्रम या तो लागू होइ चुका है या योजना बनि चुका है । येसे यइसन कार्यक्रम कै जरूरत बुझि चुका लेकिन अब्बव 'सबके खातिर शिक्षा कार्यक्रम' सबके खातिर होय यी सुनिश्चित करय के ओर न लागय वालेन का रास्ता देखावय कै आशा किहा गा है ।



© ज्ञानु पौडेल, युनेस्को, के सहयोग से सञ्चालित अवधी भाषामा साक्षरता कक्षा

## भाषा औ शिक्षा सम्बन्धी युनेस्को कै सिद्धान्त<sup>२१</sup>

### सिद्धान्त १ :

युनेस्को मातृभाषा के पढाई मे विद्यार्थी औ शिक्षक के ज्ञान औ अनुभव पर आधारित रहिकै शैक्षिक गुणस्तर बढ़ावय के माध्यम के रूप मे समर्थन करत है ।

- (१) मातृभाषा मे पढाई शिक्षा के सुरुवाती माध्यम औ साक्षरता खातिर के जरूरी है । येकां जहा तक होइ पावय बादव के चरण मे बढ़ावा देवय के चाहीं ।
- (२) जवान लरिका लरिकी औ प्रौढ के साथय स्कूले के लरिकन के खातिर जरूरी पाठ्यसामग्री होय के बादय साक्षरता कायम राखि सका जात है ।
- (३) समूचा शैक्षिक योजना के हरेक अवस्था मे सुरुवाती औ अतिरिक्त तालिम के व्यवस्था करय के परी । साथय सम्बन्धित देश के मनइन के जीवन शैली से परिचित औ उहां के मातृभाषा मे पढाय पावय वाले सक्षम औ योग्य शिक्षक लोगन के पर्याप्त व्यवस्था करय के परी ।

### सिद्धान्त २ :

युनेस्को शिक्षा के समूचे तह मे सामाजिक औ लैङ्गिक समानता के प्रोत्साहन करय वाला साधन औ भाषिक विविधतायुक्त समाज के एक प्रमुख तत्व के रूप मे द्विभाषिक औ बहुभाषिक शिक्षा का समर्थन करत है ।

- (१) सुरु मे मातृभाषा औ वकरेबाद (यदि मातृभाषा कामकाजी भाषा से अलग है ।) देश के कामकाजी भाषा के साथ साथय एक या वोसे बेसी विदेशी भाषा मे संचार औ अभिव्यक्ति खातिर सुनय के औ बातचीत करय के क्षमता का बढ़ावा देवय के चाहीं ।
- (२) विद्युतीय रूप मे निःशुल्क पावा जाय वाले भाषा शिक्षा सामग्री के विकास के सहजता, कम्प्यूटर संजाल मे भाषा शिक्षण का प्रोत्साहन औ यहि क्षेत्र मे मानवीय संसाधन के साथय ओकर दक्षता बढ़ावय के उद्देश्य से (खास कइके विकासशील देशन खातिर) अन्तर्राष्ट्रिय समर्थन औ सहयोग का सबल औ बिस्तार करयवाले ढाँचा मे सबल राष्ट्रिय नीति बनावय पर जोर देवय के चाहीं ।

### सिद्धान्त ३ :

युनेस्को विभिन्न जनसमुदाय समूह के बीच समझदारी बढ़ावय औ एक आपस मे मौलिक अधिकार के सम्मान सुनिश्चित करय के खातिर अन्तर सांस्कृतिक शिक्षा मे जरूरी तत्व के रूप मे भाषा के समर्थन करत है ।

१. शिक्षा के हरेक तह से लिङ्ग, जाति, भाषा, धर्म, उमिर या अपाङ्गता के नाते होय वाला भेदभाव हटावय के खातिर हरेक उपाय अपनावा जाय के चाहीं ।
२. अल्पसङ्ख्यक या आदिवासी जनता के शैक्षिक अधिकार का पूरापूर सम्मान यहि किसिम से कइ सका जात है :
  - मातृभाषा मे पढय लिखय के अधिकार के कार्यान्वयन, संचार औ ज्ञान के हस्तान्तरण मे संस्कृति अनुकूल शिक्षण विधि प्रयोग कइके,
  - मातृभाषी का खाली मातृभाषा के माध्यम से न पढाइ के कामकाजी भाषव मे पढाये से ... येसे अल्पसङ्ख्यक औ जनजाति का बडे समुदाय के सहभागी होय औ योगदान देवय के मक्का दइ के ।
३. शिक्षा से सांस्कृतिक औ भाषिक विविधता के सकारात्मक मूल्य मान्यता के बारे मे जनचेतना बढ़ावय के खातिर :
  - पाठ्यक्रम मे अल्पसङ्ख्यक औ जनजाति के वास्तविक औ सकारात्मक इतिहास, संस्कृति, भाषा औ पहिचान का सकारात्मक रूप मे सामिल करय मे प्रोत्साहित करय के चाहीं ।
  - दुसरे संस्कृति का गहिराई से बूझय का सिखावत के औ सिखत के यकरे सांस्कृतिक तत्वन मे जोड देवय के चाहीं । भाषा, खाली एक साधारण अभ्यास भर नाही होय के चाहीं येसे तो आउर जीवनशैली, आउर साहित्य औ आउर रीतिरिवाज देखय के मक्का देवय के चाहीं ।

अलिदोउ, एच., बोली ए., ब्रोक-उत्ने, बि., डिआलो, वाइ.एस., हेफ, के. र वोलफ, एच. इ. २००६  
अप्टिमाइजिड लर्निङ एन्ड एजुकेसन इन अफ्रिका : द ल्याङ्गवेज फ्याक्टर. अ स्टक-टेकिङ रिसर्च अन मदर  
टड एन्ड बाइलिङ्गुअल एजुकेसन इन सब-साहारन अफ्रिका. पेरिस, एसोसिएसन फर द डेभलपमेन्ट अफ  
एजुकेसन इन अफ्रिका (एडिइए). [www.adeanet.org/biennial-2006/doc/document/B3\\_1\\_MTBLE\\_en.pdf](http://www.adeanet.org/biennial-2006/doc/document/B3_1_MTBLE_en.pdf). (नोभेम्बर १७,  
२००६ मा प्राप्त) ।

अवस्थी, लवदेव २००४ एक्सप्लोरिङ मोनोलिङ्गुअल स्कुल प्राक्टिसेज इन मल्टिलिङ्गुअल नेपाल. पिएचडी  
शोधग्रन्थ, कोपेनहेगेन : डेनिस युनभर्सिटी अफ एजुकेसन ।

कमिन्स, जे. २००० बाइलिङ्गुअल चिल्ड्रेन्स मदर टड : ह्वाइ इज इट इम्पोर्टेन्ट फ एजुकेसन : <http://www.iteachilearn.com/cummins/mother.htm> (१७ नोभेम्बर २००६ मा प्राप्त) ।

काफ्ले, वासुदेव, तिवारी, अरुण कुमार, पौडेल गणेश प्रसाद र पन्त हिरराम २०६३ समाहित शिक्षा र  
बालमैत्री विद्यालय : विद्यालय सहयोगी सामग्री, भक्तपुर नेपाल सरकार शिक्षा तथा खेलकुद मन्त्रालय, शिक्षा  
विभाग, समाहित शिक्षा शाखा ।

ग्रिन, एफ. २००५. इकोनोमिक कन्सिडरेसनस इन ल्याङ्गवेज पोलिसी. रिसेन्तो, टि. (एड्.) २००५ एन  
इंट्रोडक्शन टु लैंग्वेज पालिसी: थियरी एण्ड मेथड आक्सफोर्ड : बेसिल ब्लैक्वेले ।

घरगेदाघी, जे. १९८६ अ प्रोलाँग टु नेशलन डिभलपमेन्ट प्लानिङ न्यू योर्क : ग्रीनउड प्रेस ।

भिङ्गान, डी. २००५ लैंग्वेज डिसेडभान्टेस. द लर्निङ चैलेंज इन प्राइमरी एजुकेशन न्यु दिल्ली : ए.पी.एच.  
पब्लिशिङ ।

डिपार्टमेन्ट ऑफ एजुकेशन. १९९१एजुकेशन सेक्टर रिभ्यू वाइगानी, पपुआ न्यू गिनी, डिपार्टमेन्ट ऑफ  
एजुकेशन ।

डुचर, एन. २००४ एक्सप्लोरिङ एजुकेशनल अपार्चुनिटिज इन लिङ्ग्विस्टिकली डाइभर्स कंट्रिज वाशिङ्टन  
डी.सी. : सेन्टर ऑफ एप्लाइड लिङ्ग्विस्टिक्स । [http://www.cal.org/resources/pubs/fordreport\\_040501.pdf](http://www.cal.org/resources/pubs/fordreport_040501.pdf) (१७ नवंबर  
२००६ में प्राप्त)

डेलिपट, एल.डी. आ केमेलफिल्ड, जी. १९८५. एन इभैलुएशन ऑफ द भिलेस तोक प्लेस स्कूल स्कीम इन  
द नार्थ सोलोमन्स प्रोभिंस. इआरयू रिपोर्ट नं. ५१ वाइगानी, पपुआ न्यू गिनी : युनिभर्सिटी ऑफ पपुआ न्यू  
गिनी ।

थाँमस, एस. १९९५. अ सर्वे ऑफ भर्नाकुलर एजुकेशन प्रोग्रामिङ एट द प्रोभिंसिअल लेभल विदिन पपुआ  
न्यू गिनी उकारंपा : पपुआ न्यू गिनी, एसआईएल इंटरनेशनल ।

बेंसन, सी. २००५. मदर टड-बेस्ड टीचिड एण्ड एजुकेशन फॉर गर्ल्स बैकक : युनेस्को । <http://unesdoc.unesco.org/images/001420/142079e.pdf> (१७ नवंबर २००६ में प्राप्त) ।

मेलोन, एस. २००५. प्लानिड कम्युनिटी-बेस्ड एजुकेशन प्रोग्राम्स इन माइन्युरिटी लैग्वेज कम्युनिटिज रिसोर्स मैनुअल फॉर मदर टड स्पीकर्स फर माइन्युरिटी लैग्वेजेज इंगेज्ड इन प्लानिड एण्ड इंप्लिमेंटेड एजुकेशन प्रोग्राम्स इन देयर वोन कम्युनिटिज ।

युनेस्को २००० दि इएफए २००० असेमसेंट : पपुवा न्यू गिनी कंट्री रिपोर्ट <http://www2.unesco.org/wel/countryreports/papuanewguinea/contents.html>

युनेस्को : २००३. एजुकेशन इन अ मल्टिलिंगुअल वर्ल्ड. पेरिस : युनेस्को <http://www2.unesco.org/images/0012/001297/12978.pdf>.

वाइको, जे १९९७ द भैलू ऑफ ट्रेडिशनल नॉलेज इन द ट्वेंटी फर्स्ट सेंचुरी, वाइगानी सेमिनार वाइगानी, पपुवा न्यू गिनी : युनिभर्सिटी ऑफ पपुआ न्यू गिनी <http://pngbuai.com/600technology/information/waigani/w97-keynote.html>

वाटर्स, जी. डनडर्प, ए: स्टिलिड्स, आई, वेमिन, जे: केस्वा, आर: स्टेफानिव, आर, वावदा, ए वाई. आ पैट्रिनस, एच. ए. १९९८ काँस्ट ऑफ प्रोड्यूसिड एजुकेशनल मटिअरिअल्स इन लोकल लैग्वेजेज. वाशिङ्टन डी.सी. : वर्ल्ड बैंक ।

शेफर, एस. २००३ (७-९ नवंबर) लैग्वेज डिभेलप्मेंट एण्ड लैग्वेज रिभाइटलाइजेशन : एन एजुकेशनल इंप्यर टिभ इन एशिया इंटरनेशनल कन्फरेंस ऑन लैग्वेज डिभेलप्मेंट, लैग्वेज रिभाइटलाइजेशन एण्ड मल्टिलिंगुअल एजुकेशन ब्याडकक : थाइलैण्ड <http://www.sil.org/asia/idc/plenary/papers/sheldom-shaeffer.pdf>



## परिभाषिक शब्दावली - भाषा

- अलिखित भाषा :** पढाई/लेखाई में प्रयोग न आवा खाली बोलीचाली में सीमित भाषा
- अल्पसङ्ख्यक भाषा:** अल्पसङ्ख्यक सामाजिक समूह वा जाति के भाषा । कब्बव कब्बव सङ्ख्यात्मक रूप से बडा समूह में बोलीचाली के भाषा होय के बावजूद मुख्य भाषा के रूप में प्रयोग न किहा जायवाले भाषा का बूझा जात है ।
- कामकाजी भाषा :** सरकारी कार्यालय, स्कूल सहित आउर संस्थान में दैनिक कामकाज के खातिर प्रयोग होयवाला भाषा उदाहरण के रूप में : भारत में अङ्ग्रेजी औ हिन्दी का कामकाजी भाषा के रूप में मान्यता दिहा है औ राज्यन में अपनय आपन राज्य भाषा चलनचल्ती में है । नेपाल में नेपाली का सरकारी कामकाज के भाषा के मान्यता मिला है ।
- घर के भाषा :** घर में बोली जायवाली भाषा (पहिला भाषा औ मातृभाषा का देखा जाई) केहू केहू के घर के भाषा एक से ज्यादा होइ सकत है ।
- दूसर भाषा :** पहिला या घर के भाषा का छोड़ि के दूसर भाषा, व्यापक संचार सम्पर्क के भाषा या विदेशी भाषा
- सामान्य रूप में घर से बहरे व्यापक समुदाय में बोला जाय वाले भाषाका बूझा जात है । द्विभाषिक शिक्षा में पहिला भाषा के बाद पढाई में प्रयोग किहा जाय वाले भाषा का दूसर भाषा (कामकाजी औ विदेशी) बूझा जात है ।
- पहिला भाषा :** मनई के मुह से निकरा पहिला भाषा, मौलिक भाषा (मातृभाषा, घर के भाषा, स्थानीय भाषा का देखा जाई)
- पैतृक भाषा :** मनई के पुर्वज या कवनो जाति या भाषिक समुदाय के भाषा
- भाषिका :** भौगोलिक क्षेत्र या सामाजिक समूह अनुसार भाषा में होयवाला भिन्नता ('भेद' का देखा जाय ।)
- भेद :** भौगोलिक क्षेत्र औ सामाजिक समूह अनुसार भाषा में आवय वाला अन्तर
- मातृभाषा :** पहिला भाषा, मौलिक भाषा (पहिला भाषा, पैत्रिक भाषा, घर के भाषा का देखा जाय ।)
- मनई के (१) सबसे पहिला सिखा भाषा (२) अपने या दुसरे से मातृभाषी वक्ता के रूप में चिन्हावा भाषा (३) सबसे बेसी जानल भाषा (४) सबसे बेसी प्रयोग में आवय वाली भाषा
- माध्यम भाषा :** स्कूल में पढाई लिखाई के माध्यम के रूपमें प्रयोग होयवाली भाषा

- मुख्यभाषा :** मुख्य समाज कै बोलय वाली या देश कै मुख्य भाषा के रूप मे रहा भाषा, देश मे ढेर जनसङ्ख्या कै बोलय वाली भाषा न होय के बावजूद राष्ट्रभाषा या कामकाजी भाषा के रूप मे मान्यता पावा भाषा ।
- राष्ट्र भाषा :** देश के भित्तर व्यापक रूप मे बोला जायवाली भाषा, राष्ट्र से महत्वपूर्ण कहिकै किटान किहा भाषा, कब्बव कब्बव कामकाजिउ भाषा । उदाहरण : भारत मे दुई ठू कामकाजी भाषा औ बाइस ठू अनुसूचित भाषा किटान किहा है औ हरेक राज्य कै अपनय आपन राज्य भाषा चलन चल्ती मे है । नेपाल मे नेपाली का सरकारी कामकाज कै भाषा तयँ किहा है । नेपाल कै अन्तरिम संविधान, २०६३ मे नेपाल के भित्तर बोला जायवाली हरेक मातृभाषा का राष्ट्रभाषा घोषित किहा है ।
- विदेशी भाषा :** अइसन भाषा जवन वक्ता के समुदाय मे न बोला जात होय ।
- सम्पर्क भाषा :** भाषिक समुदाय के बीचे एक दुसरे से सम्पर्क करय खातिर प्रयोग किहा जाय वाली भाषा । उदाहरण : नेपाल कै पहाडी क्षेत्र मे नेपाली, तराई मधेश के विभिन्न क्षेत्र मे मातृभाषा के साथेन हिन्दी औ हिमाली क्षेत्र मे तिब्बती
- स्थानीय भाषा :** अपने समुदाय मे बोला जायवाली भाषा । सम्पूर्ण रूप मे लेखन पद्धति कै विकास न भवा भाषव होइ सकत है ।

## पारिभाषिक शब्दावली - सामान्य

- आदिवासी :** कवनो क्षेत्र वा देश मे आदिकाल से या बहुत पहिले से बसा मानव समूह/समुदाय
- कार्यान्यवयन :** कवनो नवां कानून लागू करय खातिर मनई या आउर स्रोत परिचालन करय वाला तरीका ।
- गैरसरकारी संस्था :** राष्ट्रिय सरकार कै अङ्ग न होय के बावजूद सामुदायिक विकास के खातिर काम करयवाला संस्था ।
- जनचेतना बृद्धि :** आपन जरूरत चीन्हि कै बोकां पावय खारि सहयोग देय वाला सूचना औ जानकारी देय कै काम ।
- दुईभाषी :**  
व्यक्ति : दुई भाषा बोलय औ बूझय (कव्व कव्व लिखिउ पढि सकय ।)  
समाज : दुई भाषा बोलय वाले लोग साथय साथ रहय वाली समुदाय ।
- दुइ भाषी शिक्षा :** साक्षरता औ औपचारिक लिखाई पढाई कै माध्यम के रूप मे दुइ भाषा प्रयोग कइकै दिहा (द्विभाषी शिक्षा) जाय वाली शिक्षा । यहमा व्यवहारिक रूप से साक्षरता औ पढाई लिखाई सिखावत के सबसे पहिले व्यक्ति कै पहिला भाषा/मातृभाषा से शुरु किहा जाला औ दुसरे भाषा का लिखाई पढाई कै माध्यम के रूप मे धीरे धीरे सामिल किहा जाला ।
- धारा प्रवाह :** बिना कवनो अवरोध के बोलय, पढय औ लिखय मे उच्च दक्षता ।
- निरक्षर :** खुद कै जाना सुना भाषा मे लिखय पढय कै अवसर न पावा मनई ।
- परिचालन :** कवनो कार्यक्रम कै योजना बनावय औ लागू करय खातिर समुदाय औ समुदाय के सहयोगिन का सङ्गठित करय कै काम ।
- पाठ्यक्रम :** शैक्षिक कार्यक्रम के खातिर शिक्षण योजना, पढयवाला विषय वस्तु औ सहयोगी सामान ।
- बहुभाषी :**  
व्यक्ति : दुइ से ढेर भाषा जानय बूझय वाला (लिख पढ कइ सकय वाला) ।  
समाज : दुइ से बेसी भाषा भाषी बसोबास करय वाला समाज ।
- बहुभाषिक शिक्षा :** साक्षरता औ औपचारिक शिक्षा मे दुइ से ढेर भाषा प्रयोग कइकै लिखाई पढाई (शिक्षण) करावा जायवाली शिक्षा - बच्चा या व्यक्ति के पहिला भाषा कै माध्यम से पढाई शुरु कराय कै दूसर तीसर भाषा से जोडत लइ जायवाली शिक्षा ।
- भाषा विकास :** शिक्षा मे केहू का कवनो भाषा बढिया से सुनय बोलय पढय औ लिखय कै सिखावय वाली काम ।

**भाषिक अल्पसङ्ख्यक :** कम जनसङ्ख्या होय के नाते या राजनीतिक औ आर्थिक कारण से समाज मे दुसरे के तुलना मे कमजोर रुप मे रहय वाला यक्कय भाषा बोलय वाले मनइन के समूह ।

### मातृभाषा पर आधारित

**दुइ भाषिक शिक्षा :** पहिला भाषा के माध्यम से लिखाई, पढाई औ सिकाई के प्रक्रिया शुरु कइके दूसर भाषा सिखावत जायवाला स्कूली शिक्षा प्रणाली (बहुभाषिक शिक्षा का देखा जाय ।)

**बहुभाषिक शिक्षा :** पहिला भाषा के माध्यम से लिखाई, पढाई औ सिकाई प्रक्रिया शुरु कइके दुसरे भाषा के साथेन अउरो भाषा सिखावत जायवाला शिक्षा प्रणाली (दुइ भाषिक शिक्षा देखा जाय ।)

**मुख्य समूह :** बेसी जनसङ्ख्या होय के नाते या आर्थिक औ राजनीतिक कारण से देश मे शक्ति के रुप मे रहा सामाजिक समूह ।

**मूलधार :** मुख्य समूह के भाषा औ संस्कृति (कब्बव कब्बव खाली मुख्य समूह के खातिर बनावा स्कूल औ भाषिक अल्पसङ्ख्यक लोगन के जरुरत न पूरा करयवाला स्कूल बूझा जाला ।)

**लेखन पद्धति :** लिपि हिज्जे नियम औ विराम चिन्ह सहित के लेखन के मानक प्रणाली ।

**लैङ्गिक समानता :** मेहरारु औ मर्द, बिटिया या बेटवा के मानव अधिकार का पूरा पूर जानय बूझय खातिर आर्थिक, सामाजिक, सांस्कृतिक औ राजनीतिक विकास मे योगदान करय खातिर औ वोसे लाभ लेवय खातिर समान परिस्थिति के अवस्था ।

**सल्लाहकार समिति :** बहुभाषी शिक्षा कार्यक्रम मे सामिल अगुवा लोगन के समिति, (यहमा प्रायः मातृभाषा बोलयवाले औ सहयोगी संस्था के सदस्य होत है ।)

**सहजकर्ता :** आउर लोगन का लेखपढ मे सहयोग करयवाले मनई, शिक्षक ।

**साक्षरता :** जीवन मे जरुरी व्यवहार पूरा करय खातिर पढय, लिखय औ हिसाब करय के साथेन आउर भाषिक क्रियाकलाप ठीक से करय के क्षमता ।

**साभेदार :** नवा कार्यक्रम लागू करय खातिर समुदाय से मिलि के काम करय वाला मनई, संस्था या निकाय ।

**सिखाई उपलब्धि :** स्कूल मे होय वाले पढाई के विषयवस्तु, भाषा के ज्ञान, हुनर औ दक्षता ।

**स्थायित्व :** ज्यादे समय तक समय के हिसाब से निरन्तर स्थापित गुण ।

## बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण

एशिया औ प्रशान्त क्षेत्र के  
शिक्षा नीति औ व्यवहार मे भाषा



# एशिया और प्रशांत क्षेत्र के शिक्षा नीति और व्यवहार में भाषा

## १. नेपाल के शिक्षा नीति और व्यवहार में भाषा

नेपाल भाषिक विविधता वाला देश होय । नेपाल में केतना भाषा बोली जाति है, यहि बारे में फरक फरक समय में फरक फरक तथ्याङ्क मिलत हैं । नेपाल के जनगणना २०५८ के अनुसार नेपाल में ११३ से बेसी जाति के लोग रहत हैं और ऊ लोग ९२ से ज्यादा भाषा बोलत हैं (सम्पूर्ण जानकारी के खातिर परिशिष्ट १ देखा जाय) । एथनोलाग (२००५) में दिहा सूचीअनुसार नेपाल में १२६ भाषा बोली जाति है । नेपाल में पावा जायवाले भाषा चार परिवार से है । ऊ होय भारोपीय, चिनी तिब्बती, द्रविड और आग्नेय । यी भाषन मध्ये अधिकांश अबहिनो कथ्य परम्परा में सीमित हैं । नेपाल में मातृभाषा के रूप में बोली जाय वाले भाषा दुसरेव भाषा के रूप में बोली जात हैं । यी मध्ये नेपाल के जनगणना २०५८ नेपाल में दुसरे भाषा के रूप में बोला जाय वाले १२ भाषा के तथ्याङ्क उपलब्ध कराये है । यी भाषा नेपाली, मैथिली, भोजपुरी, थारू, तामाङ, नेवार, मगर, अवधी, वान्तवा, गुरुङ, लिम्बू और वज्जिका होय । दुसरे भाषा के रूप में नेपाली बोलय वाले अधिकतर वक्ता भोट वर्मेली परिवार के मातृभाषी है ।

यहि परिवार के अधिकांश लोगन के सम्पर्क भाषा (दूसर भाषा) नेपाली होय । दुसरे भाषा के रूप में हिन्दी के प्रयोग मुख्य रूप में तराई-मधेश क्षेत्र में होत है ।<sup>१</sup>

समाज में एक से ढेर भाषा बोली जाय वाले अवस्था में सामान्य रूप में ऊ फरक फरक भाषा बोलय वालेन के बीच सञ्चार सम्पर्क सजिल नाहीं रहत । लेकिन नेपाल के स्थिति ऐसे फरक है । यही सम्बन्ध में सामान्य रूप में दुई किसिम के प्रवृत्ति देखा जात है :

१. तराई मधेश क्षेत्र में पुरुब मेची से पच्छू महाकाली तक बोली जायवाली भाषा (राजवंशी, मैथिली, वज्जिका, भोजपुरी, अवधी, थारू आदि) के सीमा स्पष्ट रूप से अलग करव कठिन है या कवने जगही एक भाषा खतम होत है और दूसर भाषा शुरु होत है यी अलगियाइव गाह है । यही नाते तराई मधेश के नकचरे के बासिन्दा एक दुसरे के बोली का सहजय बूझत हैं । कम दूरी में यइसन होय के बावजूद दूरी जेतनय बढत जात है वतनय बोली बूझय में कठिनाई होत जात है । यही नाते दुई भाषा के अन्तिम छोर के बासिन्दा एक दुसरे के बोली का नाहीं बूझि पवते । यही कारण के नाते तराई मधेश में खास कइके शिक्षित वर्ग हिन्दी का सम्पर्क भाषा के रूप में अपनावत देखा जात है ।

मेची से महाकाली तक तराई मधेश और भित्री मधेश में बोली जायवाली थारू भाषा के सम्बन्ध में यइसनय स्थिति देखा जात है ।

१. यादव, योगेन्द्र प्रसाद. २००३. लैंग्वेज, पपुलेशन मानोग्राफ ऑफ नेपाल, भोलुम १. काठमांडू सेंद्रल व्यूरो अँफ स्टैटिस्टिक्स ।

हिमाली औ पहाडी क्षेत्र मे बोली जायवाली नेपाली कै भाषिकन के बीचेव यही किसिम से तराई मधेश मे बोली जायवाली भाषिकन के जइसय सम्बन्ध मिलत है ।

२. मुख्य रुप से हिमाली औ पहाडी क्षेत्र मे बोली जायवाली औ एक दुसरे के बीचे ढेर अन्तर होयवाली भोट वर्मेली भाषा बोलय वाले एक दुसरे कै भाषा नाही बूभक्त हैं । यइसने स्थिति कै यी सब भाषा का बोलयवाले सामान्य रुप मे सम्पर्क भाषा के रुप मे नेपाली का प्रयोग करत हैं । यही किसिम से हिमाली क्षेत्र मे तिब्बती/शेर्पा भाषा काँ सम्पर्क भाषा के रुप मे प्रयोग करत देखा जात है ।

यकरे साथय नेपाली काँ छोटिकै आउर मातृभाषी लोग शिक्षा, प्रशासन आदि कामव काज के खातिर नेपाली काँ दुसरे भाषा के रुप मे प्रयोग करत है । नेपाल कै बहुभाषिक स्थिति सारे भाषन का विभिन्न किसिम से प्रभावित किहे है । यह मध्ये दुइ मुख्य अवस्था यहि किसिम से हैं :

१. अधिकतर भाषन मे एक भाषा कै विशेषता दुसरे भाषा मे जात देखा जात है । यही के नाते विभिन्न भाषा मे सम्पर्क कै कारण से यक्कय भाषव मे भिन्नता पावा जात है । मनाड कै गुरुड भाषा (मनाडवा), कास्की औ लमजुड कै गुरुड भाषा से अलग होव या रुपन्देही मे बोली जायवाली अवधी औ बाँके मे बोली जायवाली अवधी के बीच शब्द भण्डार औ संरचना मे सामान्य अन्तर होव येकर एक उदाहरण होय ।
२. कुछ जाति कै लोग अपने मातृभाषा काँ छोटिकै दुसरे भाषा काँ आपन मातृभाषा बनाये है । खास कइके नेपाली मातृभाषी बाहुल्य पहाडी क्षेत्र मे रहय वाले या वहि जगही दुसरे जगही से आइकै बसय वाले अल्पसङ्ख्यक भाषा कै वक्ता नेपाली का आपन मातृभाषा बनाय लेत हैं । येसे भाषा लोप होय कै स्थिति बनि जात है ।<sup>२</sup>

नेपाल मे ढेर अल्पसङ्ख्यक लोगन कै भाषा लोप होय के अवस्था मे है । येकर कारण बोलय वाले लोगन कै सङ्ख्या कम होव, नवां पुस्ता मे भाषा कै हस्तान्तरण न होव, बसाई सराई, लेख्य परम्परा न होव औ पढाई, सरकारी कामकाज के साथय सञ्चार माध्यम मे यी भाषन कै प्रयोग न होव होय । अइसने अवस्था मे भाषिक समुदाय, भाषाविद, सरकार औ गैरसरकारी संस्थन का मिलिकै लोपोन्मुख भाषन कै अभिलेखीकरण संरक्षण औ यी सब का फिर से जीवित बनाइव उचित होई । यकरे बादय शिक्षा औ दैनिक जीवन मे प्रयोग कइके यइसनेह भाषन का आवय वाले पुस्ता के खातिर बचावा जाय सकत है ।

नेपाल मे २०४६ साल तक एक भाषा नीति लागू किहा रहा । २०४६ साल मे प्रजातन्त्र का फिर से स्थापित करय के साथय नेपाली का छोटिकै आउर मातृभाषिन मे यी चेतना उभरि के आय कि भाषा औ संस्कृति कै आपन अस्तित्व है । वकरेबाद नेपाल अधिराज्य कै संविधान २०४७ बनावा गै । यहमा नेपाली के साथय दुसरेव भाषन का मान्यता मिला औ भाषा के बारे मे निम्न अनुसार कै व्यवस्थ किहा गै :

२. राष्ट्रीय भाषानीति सुझाव आयोग कै प्रतिवेदन, २०५०. काडमांडू राष्ट्रीय भाषानीति सुझाव आयोग, प्रजा भवन कमलादी ।

१. देवनागरी लिपि में नेपाली भाषा नेपाल के राष्ट्रभाषा होई और यी सरकारी कामकाज के भाषा रही (भाग - १, धारा ६.१)
२. नेपाल के भित्तर मातृभाषा के रूप में बोली जायवाली कुलि भाषा नेपाल के राष्ट्रिय भाषा होय । (भाग - १, धारा ६.२)
३. नेपाल अधिराज्य में बसोबास करय वाले हरेक समुदाय काँ अपने भाषा, लिपि और संस्कृति के संरक्षण सम्बर्द्धन करय के अधिकार होई । (भाग ३, धारा १८.१)
४. हरेक समुदाय का अपने लरिकन के खातिर प्राथमिक तह तक अपने मातृभाषा में शिक्षा देवय के हिसाब से स्कूल चलावय के मिली । (भाग ३, धारा १८.२)
५. विभिन्न धर्म, जात, जाति, सम्प्रदाय और भाषा भाषिन के बीच स्वस्थ और सुमधुर सामाजिक सम्बन्ध विकसित कइके हरेक भाषा, साहित्य, लिपि, कला के बीच के सुमधुर सामाजिक सम्बन्ध विकसित कइके भाषा, साहित्य, लिपि, कला और संस्कृतिक के विकास के जरिये सांस्कृतिक विविधता कायम रखत राष्ट्रिय एकता का सुदृढ करय के नीति राज्य अवलम्बन करी । (भाग ४, धारा २६.२)

यहि संविधान के सबसे बड़ा कमजोरी यहि व्यवस्थन का लागू करय के खातिर स्पष्ट नीति और योजना न होब रहा । संविधान के यहि व्यवस्थन का ध्यान में रखि के २०५० साल में सरकार राष्ट्रिय भाषा नीति सुझाव आयोग के गठन किहिस । यहि आयोग के मुख्य दुई उद्देश्य रहा : पहिला राष्ट्रिय भाषन के प्रवर्द्धन करब और दूसर स्थानीय प्रशासन, प्राथमिक शिक्षा और सञ्चार माध्यम में ओकर प्रयोग करब । वकरेबाद प्राथमिक शिक्षा और सञ्चार माध्यम में अल्पसङ्ख्यक भाषन के प्रयोग पर कुछ कामव भय । पाठ्यक्रम विकास केन्द्र १९ राष्ट्रिय भाषन में कक्षा १ से ५ तक पाठ्यपुस्तक तइयार कराय चुका और बाकिउ के खातिर तइयारी के क्रम चलत है । यी कुलि भाषन का स्कूल तक लइ जाय खातिर शुरु शुरु में भवा अइसन काम स्वागत योग्य है ।

यही भाषन मध्ये के एक भाषा अवधिउ होय । अवधी भाषा में औपचारिक शिक्षा के क्षेत्र में कक्षा १ से लइके कक्षा - ५ तक और कक्षा ९-१० के इच्छाधीन विषय के रूप में पाठ्यक्रम और पाठ्यपुस्तक बनि के लागू होइ चुका है । साथ साथय यहि भाषा में तीन ठउर बाल सन्दर्भ सामग्री (अवधी कथा, अवधी संस्कृति व्रत और तिउहार और अवधी समाज के प्रेरक व्यक्तित्व) बनि के अवधी भाषी जिलन के स्कूलन में जाय चुका है । यकरे साथय युनाइटेड मिशन टु नेपाल के सहयोग में बहुभाषिक शिक्षा के खातिर कक्षा १ के अङ्ग्रेजी और नेपाली छोडि के बाकी विज्ञान, गणित, सामाजिक शिक्षा और सिर्जनात्मक अभिव्यक्तिशील कला आदि के पुस्तक तयार होइके कपिलवस्तु जिल्ला के ५ विद्यालय में पढाई शुरु होइ चुका है ।

यही किसिम से अनौपचारिक शिक्षा के क्षेत्र में मथानी भाग - १, भाग - २ और भाग - ३ पुस्तक अनौपचारिक शिक्षा केन्द्र और युनेस्को, काठमाडौं के द्वारा संयुक्त रूप से तयार होइके साक्षरता कक्षा में लागू होइ चुका है । यकरे साथय नव साक्षर लोगन के खातिर सात ठउर स्वाध्यन सामाग्रिउ बनाय के अवधी भाषी क्षेत्र के विभिन्न सामुदायिक अध्ययन केन्द्रन और साक्षरता कक्षन का उपलब्ध करावा जाय चुका है ।



जहां तक अवधी भाषा के सवाल है, नेपाल में अवधी भाषा भाषी समाज के मुख्य बसोवास क्षेत्र तराई मधेश क्षेत्र के नारायणी नदी से पच्छी नवलपरासी, रुपन्देही, कपिलवस्तु, दाङ, बाके, वर्दिया, कैलाली और कञ्चनपुर जिला होंगे। २०५८ के जनगणना के तथ्याङ्क के अनुसार नेपाल में यह भाषा भाषी लोगन के कुल जनसङ्ख्या ५,६०,७४४ है। यकरे साथ नेपाल के यह क्षेत्र से सटा भारत के उत्तर प्रदेश राज्य अन्तरगत के लगभग सम्पूर्ण भूभाग में बसोवास करय वाले लोग यह भाषा बोलत है।

यही किसिम से अवधी शब्द का देखत के अवधी प्राचीन अवध राज्य से सम्बन्धित है। येंका नबाब लोगन के शासन काल में अवध राज्य कहा जात रहा तो वकरे पहिले यी क्षेत्र कोशल राज्य के नाँव से विश्व प्रसिद्ध रहा। यहि राज्य में वर्तमान नेपाल के शाक्य और कोलीय गणराज्य के साथ वर्तमान भारत के उत्तर प्रदेश राज्य अन्तरगत के मल्ल गणराज्य, काशी महाजनपद, कोशल महाजनपद लगायत के आठ गणराज्य आवत रहें। वर्तमान में कोशल या अवध राज्य तो नाही हैं, लेकिन आजव यहि क्षेत्र में बोली जायवाली भाषा का अवधी भाषा के नाँव से जाना जात है।

अवधी भाषा भारोपीय परिवार के आर्य इरानेली शाखा के अन्तरगत आवत है। यी भाषा देवनागरी लिपि में आधारित होय के साथ येकां लिखय के खातिर कैथी और मुण्डा लिपियव के प्रयोग किहा जात है।

नेपाल सरकार जोम्तिन कन्भेशन और डकार फोरम जइसन विभिन्न अन्तर्राष्ट्रीय सभा सम्मेलन में भाग लइके आदिवासी और अल्पसङ्ख्यक सहित हरेक लरिकन बितियन का स्तरीय प्राथमिक शिक्षा के अवसर देयक प्रतिबद्धता जनाये है। यही सन्दर्भ में 'सबके खातिर शिक्षा' के छ ठउर सार्वभौम उद्देश्य निर्धारित किहा गा है। ऊ होय: <sup>३</sup>

१. बाल विकास कार्यक्रम के विस्तार और सुधार करब।
२. समूचे लरिकन बितियन के प्राथमिक शिक्षा में पहुच के गारेन्टी करब।
३. पिछडा जाति, जनजाति और अल्पसङ्ख्यक भाषिक समुदाय के लरिकन बितियन सहित समूचे लरिके बितियन का सिखाई के जरूरत के परिपूर्ति करब।
४. प्रौढ निरक्षरता दर में कमी लाइब।
५. लैङ्गिक और सामाजिक भेदभाव मिटाइब।
६. गुणस्तरीय शिक्षा के समूचे पक्ष में सुधार लाइब।

यह उद्देश्यन के साथ नेपाल के खातिर एकठू आउर लक्ष्य निर्धारित किहा गा है - आदिवासी और भाषिक अल्पसङ्ख्यक लोगन का मातृभाषा के माध्यम से आधारभूत और प्राथमिक शिक्षा लेवय के हक सुनिश्चित करय के।

३. सबके खातिर शिक्षा २००४-२००९ मुख्य दस्तावेज २००३. काडमांडू, नेपाल सरकार शिक्षा और खेलकुद मंत्रालय, पृ. १२।

सबके खातिर शिक्षा/नेपाल (२००४-९) कै लक्ष्य पावय खातिर सङ्क्रमणीय बहुभाषिक शिक्षा नीति अपनावा गा रहा । जवने अनुसार लरिके बिटियय अपने मातृभाषा मे आधारभूत शैक्षिक कला हासिल कइ पइहैं औ क्रमिक रूप मे सम्पर्क भाषा औ कामकाजी भाषा कै प्रयोग कइ पइहैं । येसे ऊ लोग कामकाजिउ भाषव मे अपनत्व कै अनुभव करिहैं । वकरे बाद बृहत क्षेत्र मे संचार करय के खातिर, विज्ञान औ तकनीकि में पहुच बनावय कै खातिर औ पाठ्यसाग्री बूझय के खातिर अङ्ग्रेजी जइसन विदेसिउ भाषा सिखि पइहैं ।

जनआन्दोलन २ के बाद नेपाल कै अन्तरिम संविधान २०६३ प्रयोग मे आ है । यह में भाषा के बारे मे निम्नलिखित प्रावधान है :

१. नेपाल मे बोला जायवाली सारे मातृभाषा राष्ट्रभाषा होय ।
२. देवनागरी लिपि मे नेपाली भाषा सरकारी कामकाज कै भाषा होई ।
३. उपधारा (२) मे चाहे जवन लिखा होय लेकिन स्थानीय निकाय औ कार्यालय मे मातृभाषा प्रयोग करय मे कवनो बाधा पहुचब नाही माना जाई । यहि किसिम से प्रयोग किहा भाषा काँ राज्य सरकारी कामकाज के भाषा मे उल्था कराय कै अभिलेख राखी (भाग १ धारा ५) ।

शिक्षा औ संस्कृति सम्बन्धी अधिकार के सम्बन्ध मे यहि संविधान मे निम्नानुसार कै प्रावधान है :

१. हरेक समुदाय काँ कानून मे किहा व्यवस्था अनुसार अपने मातृभाषा मे आधारभूत शिक्षा पावय कै अधिकार रही ।
२. नेपाल मे बसा हरेक समुदाय काँ अपने भाषा, लिपि, संस्कृति, सांस्कृतिक सभ्यता औ सम्पदा कै संरक्षण सम्बर्द्धन करय कै अधिकार रही (भाग - ३, धारा १७) ।

कुछ समय पहिले नेपाल मे बहुभाषिक शिक्षा के क्षेत्र मे कुछ काम शुरू भय । शिक्षा मन्त्रालय फिनलैन्ड के सहयोग मे विभिन्न भाषिक परिवार के सात ठू अल्पसङ्ख्यक भाषा काँ मातृभाषा के रूप मे बोलय वाले समुदायन के बीचे बहुभाषिक शिक्षा के माध्यम से पाइलट परियोजना पूरा किहिस । वह मे तमाङ, आठपहरिया राई, संथाली, उराव, मैथिली, मगर टुट औ राना थारु भाषा भाषी समुदाय रहा । यकरेबाद कुछ दिन पहिले शिक्षा मन्त्रालय, त्रिभुवन विश्वविद्यालय, युनेस्को औ एस.आई.एल. इन्टरनेशनल के संयुक्त आयोजना मे बहुभाषी शिक्षा सम्मेलन सम्पन्न भय रहा । यी सम्मेलन आधारभूत शिक्षा मे मातृभाषा के प्रयोग के सम्बन्ध मे जनचेतना जगावय के खातिर आयोजित किहा गा रहा ।

यही किसिम से २०६५ माघ मे शैक्षिक जनशक्ति विकास केन्द्र औ शिक्षा विभाग के संयुक्त प्रयास से १५ दिन कै “वहुभाषी शिक्षा सम्बन्धी शिक्षक प्रशिक्षण सामग्री विकास” विषयक कार्यशाला गोष्ठी सम्पन्न भय । यकरेबाद अवधी भाषा मे बहुभाषी शिक्षा सम्बन्धी प्रशिक्षक सामग्री औ स्वाध्ययन सामग्री तैयार किहा गै । वकरे बाद फिर से शैक्षिक जनशक्ति विकास केन्द्र औ बहुभाषिक शिक्षा कार्यक्रम शिक्षा विभाग, सानोठिमी, भक्तपुर के आयोजना मे १२ दिन कै “वहुभाषी शिक्षा प्रशिक्षक प्रशिक्षण कार्यशाला गोष्ठी” सम्पन्न भय ।

हालय मे त्रिभुवन विश्वविद्यालय अन्तरगत कै शिक्षा विकास तथा अनुसन्धान केन्द्र बल्खु मे बहुभाषिक शिक्षासम्बन्धी विविध जानकारी देवय खातिर युनेस्को काठमाडौं के सहयोग से बहुभाषिक स्रोत केन्द्र कै स्थापना किहा गा है ।

यही क्रम मे २०६७ अषाढ २३ औ २४ गते पाठ्यक्रम विकास केन्द्र के आयोजना मे भक्तपुर मे मातृभाषा कै पाठ्यपुस्तक औ पाठ्यसामग्री कै प्रवोधीकरण औ प्रदर्शन कार्यक्रम सम्पन्न भय । कार्यशाला मे पाठ्यक्रम विकास केन्द्र के द्वारा बनावा पाठ्यपुस्तक, पाठ्यसामग्री के बारे मे सामान्य जानकारी, वह सब कै प्रयोग कै अवस्था औ भविष्य मे बहुभाषिक शिक्षा के योजना के बारे मे विचार विमर्श भय । यहमा अन्तरिम त्रिवर्षीय योजना २०६७/०६८ औ २०६९/०७० मे यहमा बहुभाषिक शिक्षासम्बन्धी प्रावधान औ बहुभाषिक शिक्षा कार्यक्रम निर्देशिका २०६६ मे रहा बहुभाषिक शिक्षा कै कार्यान्वयन सम्बन्धी प्रावधानव पर बहस बतकही चला ।

यकरे बाद यहि पाइलट परियोजना के अलावा अबहिन तक नेपाल मे राज्य के लगानी मे कवनो बहुभाषिक शिक्षा कार्यक्रम लागू भवा नाही देखात है । विभिन्न मातृभाषा काँ विषय के रूप मे पढावय कै सोच औ अभ्यासव मे राज्य के ओर से कुछ त्रुटी हैं । सम्बन्धित मातृभाषिन सहित लागू करय कै इच्छा राखय वाले स्रोत व्यक्ति, शिक्षाविद, अभिभावक लोग के ओर से दर्शावा कुछ त्रुटिन का यहि किसिम से राखा जाय सकत है ।

- नीति निर्माता लोगन के बिचवय बहुभाषी चिंतन मे खोट है । यकरे चलते बहुभाषिक शिक्षा कै नेपाल मे हाथी के दात जइसै देखावय खातिर कुछ आउर औ खाय खातिर कुछ आउर कै स्थिति है । काहे कि नीति निर्धारक लोग नीति निर्धारण करय से पहिले देश कै भुगोल, हावापानी, समकालीन भौतिक परिवेश सहित कै सम्भाव्यता अध्ययन के बिना कार्यक्रम कै तर्जुमा करत है । जेकरे चलते नीति औ कार्यक्रम फेल होइ जात है । उदाहरण के रूप मे कब्बव समूचे विषय का मातृभाषा के रूप मे पढावय कै निर्णय, तो कब्बो मातृभाषा काँ एक विषय के रूप मे पढावय कै निर्णय तो कब्बव नेपाली से लक्षित मातृभाषा मे अनुवाद करावय कै अभ्यास आदि बिसङ्गति देखा गा है ।
- सम्भाव्यता अध्ययन औ कार्यान्वयन पक्ष यतना कमजोर है कि नीति औ कार्यक्रम रहिय्य भुलाय जात है ।
- शैक्षिक सामग्री के हक मे पर्याप्त परिमाण मे उत्पादन औ वितरण नाही होत है ।
- शैक्षिक सामग्री बनवहू मे कमजोरी है । एकवाजी जवन छपि गै ऊ छपि गै । वोकां जरुरत के अनुसार परिमार्जित नाही किहा जात है ।
- मातृभाषा मे अध्ययन अध्यापन के खातिर दक्ष जनशक्ति कै उत्पादन औ आपूर्ति नाही होत ।
- मातृभाषा पर आधारित बहुभाषिक शिक्षा के महत्व के प्रति जनचेतना कै कमी है । यही नाते प्रायोजित सामुदायिक स्कूलन मे कामकाजी भाषा नेपाली औ निजी शैक्षिक संस्थन मे तो कामकाजी भाषा नेपालिउ से दूर हटि के अङ्ग्रेजिय मे पढय लिखयक शुरु करत है । परिणाम स्वरुप भाषागत कष्ट सहत रटि कै कक्षा तो पास कइ लेत हैं, बहिर अपने समुदाय औ अपने लोगन से कटि कै रहि जात है ।

- मातृभाषा विषय के अध्ययन कइउ लिहा जाय तो ऊ रोजगारीसे नाही जुडा है। विभिन्न अनुसंधानकर्ता लोगन के अनुभव के अनुसार कामकाजी भाषा से अलग रहय वाले मातृभाषी लोग सवाल करत हैं कि वनके लरिके मातृभाषा पढि के का करिहैं, काहे कि रोजगारी के खातिर या तो नेपाली या अङ्ग्रेजी चाहीं।
- ऐच्छिक विषयव के रूप में मातृभाषा पढावय के खातिर विषय के बर्गीकरण त्रुटिपूर्ण देखा जात है। काहे कि मातृभाषा विषय के विकल्प में आउर स्थानीय विषय राखय के कोशिस प्राथमिक और निम्न माध्यमिक तह में होत है। लेकिन माध्यमिक तह के कक्षा ९ और १० में ऐच्छिक विषय समूह में आजव अवधी समूह में अतिरिक्त गणित विषय राखा है। जवने के चाहिउ के अवधी भाषी विद्यार्थी अतिरिक्त गणित छोडि के अवधी भाषा नाही लइ पावत है।

## २. दक्षिण पूर्वी एशिया के शिक्षा नीति और व्यवहार में भाषा

### ब्रुनाई दारेसलाम :

ब्रुनाई में १७ ठउर भाषा बोली जाय के अनुमान किहा जात है। यिहां के कामकाजी भाषा मानक मलय होय। लेकिन देश में सबसे ढेर प्रयोग किहा जायवाला भाषा ब्रुनाई मलय होय। शिक्षा के माध्यम भाषा मानक मलय और अङ्ग्रेजी होय। यिहा स्थानीय भाषा का शिक्षा में प्रयोग नाही किहा जात है।

### कम्बोडिया :

कम्बोडिया में करिब २० भाषा बोली जात है। सबसे बडा जातीय समुदाय ख्मेर कुल जनसङ्ख्या के करिब १० प्रतिशत हैं। कम्बोडिया में हरेक तह के शिक्षा में कामकाजी भाषा ख्मेर के प्रयोग किहा जात है। हालय के कुछ पाइलट परियोजना के तहत कम्बोडिया के पूर्वी पहाडी क्षेत्र में कइउ ठू अल्प सङ्ख्यक भाषण का शिक्षा के माध्यम के रूप में प्रयोग किहा गा है। यहि परियोजनन से प्रौढ और लरिकन सबकाँ औपचारिक और अनौपचारिक दूनव तरिका से द्विभाषी शिक्षा दिहा जात है। सन् २००३ के शिक्षा सम्बन्धी कानून के मसौदा अल्पसङ्ख्यक जाति के लोगन का अपने मातृभाषा में पढय के अधिकार दिहे है। लेकिन यी कानून अवहिन तक स्वीकृत नाही भा है।

### इन्डोनेशिया :

इन्डोनेशिया एशिया भर में सबसे ढेर भाषिक विविधता वाला देश होय। यिहा ७०० से ढेर भाषा बोला जात है। भाषा इन्डोनेशिया यिहां के कामकाजी भाषा होय। यी हरेक तह के शिक्षा में माध्यम भाषा के रूप में प्रयोग किहा जात है। भाषा इन्डोनेशिया का मातृभाषा के रूप में बोलय वाले इन्डोनेशिया के कुल जनसङ्ख्या के खाली १० प्रतिशत हैं। संविधान और शिक्षा ऐन के द्वारा प्राथमिक कक्षा में विद्यार्थिन के मातृभाषा का माध्यम भाषा के रूप में प्रयोग करय पावय के बाति के समर्थन किहे है। लेकिन व्यवहार में कुछ क्षेत्र के सरकारी विद्यालयन में एक विषय के रूप में बाहेक आउर जगही स्थानीय भाषा के प्रयोग कमय किहा जात है। स्थानीय भाषण का अनौपचारिक शिक्षा अन्तर्गत प्रौढ साक्षरता कार्यक्रम में ढेर जगहीं प्रयोग किहा गा है।

### लाओ पिडिआर :

जनतान्त्रिक गणतन्त्र लाओ मे ८२ ठू भाषा बोलय कै अनुमान किहा जात है। हरेक तह मे पढाई कै माध्यम भाषा लाओ होय। यी यिहा कै कामकाजी भाषा होय औ करीब आधा जनसङ्ख्या मातृभाषा के रूप मे येकर प्रयोग करत है। अबहिन तक शिक्षा मे अउरो स्थानीय भाषा कै प्रयोग नाही किहा है। लेकिन यहि भाषन का अल्पसङ्ख्यक जातीय क्षेत्र के स्कूलन मे बोलीचाली मे ढेर प्रयोग किहा जात है।

### मलेशिया :

मलेशिया मे करीब १४० भाषा बोली जात है। उहा कै कामकाजी भाषा मलय होय। अधिकांश स्कूल मे मलय का पढाई कै माध्यम भाषा के रूप मे प्रयोग किहा जात है। राष्ट्रिय प्रकृति के प्राथमिक विद्यालयन मे मन्दारिन, तमिल औ आउर भारतीय भाषन का पढाई कै माध्यम के रूप मे प्रयोग किहा जात है। मलय भाषा का माध्यम के रूप मे प्रयोग करय वाले स्कूलन मे तमिल, मन्दारिन औ आउर आदिवासी समुदाय के भाषन का एक ठू विषय के रूप मे पढयक मिलत है। १९९० के दशक के अन्तिम अन्तिम मे पूर्वी मलेशिया कै आदिवासी समुदाय कै लोग स्थानीय भाषा मे शिक्षा कार्यक्रम कै शुरुवात किहिन। यइसनहा कार्यक्रम मे मुख्यतः स्कूल मे भाषन का माध्यम बनाई के विभिन्न विषयन कै पढाई करावा जात है। यकरे बावजूद यी प्रयासन का द्विभाषी शिक्षा के रूप मे नाही लिहा जाय सकत है। काहे कि यहि भाषन का औपचारिक रूप मे पढाई कै माध्यम नाही बनावा गा है।

### म्यानमार :

म्यानमार संघ मे १०० से ढेर भाषा बोली जात है। सरकारी शिक्षा प्रणाली मे बामा (वर्मेज) भाषा पढाई के माध्यम के रूप मे है। यी म्यानमार कै कामकाजी भाषा होय। सरकारी शिक्षा मे स्थानीय भाषा कै प्रयोग नाही किहा जात। तब्वव, खास कइके जातीय औ भाषिक अल्पसङ्ख्यक ढेर रहयवाले उत्तरी राज्यन मे नागरिक समाज संगठन औ भाषिक समुदायन का अनौपचारिक शिक्षा औ अनौपचारिक शिक्षा (प्रौढ साक्षरता) मे स्थानीय भाषा कै बहुत जगही प्रयोग होत है।

### फिलिपिन्स :

फिलिपिन्स मे करीब १७० भाषा बोली जाति है। अधिकतर भाषा मे लेख्य परम्परा है। यहि मध्ये १०० से ढेर मे लिखित साहित्यव है। अङ्ग्रेजी औ फिलिपिनो का शिक्षा औ साक्षरता मे प्रयोग करयके खातिर कामकाजी भाषा कै मान्यता मिला है। कुछ सरकारी स्कूलन मे स्थानीय भाषन का संक्रमणीय या सहायक भाषा के रूप मे शुरुवाती प्राथमिक कक्षन मे माध्यम के रूप मे प्रयोग किहा गा है। तब्वव स्थानीय भाषन का पाठ्यवस्तु कै व्याख्या करयके खातिर बेसी से बेसी मौखिक रूप कै प्रयोग किहा जात है। प्रौढ लोगन का साक्षर बनावय खातिर अधिकतर जगही अनौपचारिक शिक्षा कै प्रयोग किहा जात है।

### सिङ्गापुर :

सिङ्गापुर में २० से ढेर भाषा बोली जाती है। यहाँ के सरकार जनता जनता के बीच सामाजिक बहुभाषिकता और द्विभाषिकता संस्थागत करके लक्ष्य रखता है। जनसङ्ख्या के तीन चौथाई मनेई चीनी नया मूल के हैं। ऊ लोग चिनिया भाषा के विभिन्न भाषिका बोलत हैं। हरेक तह में शिक्षा के माध्यम भाषा अङ्ग्रेजी भर है। मातृभाषा के रूप में मान्यता पावा तीन भाषा मलय, मन्दारिन, चिनिया और तमिल दुसरे भाषा के रूप में पढावा जात है। आउर भाषा बोलय वाले स्कूल के पाठ्यक्रम में तीनव भाषा मध्ये कवनो एक का लेवय के पावत हैं। लेकिन दक्षिण पूर्वी एसिया के अधिकतर देश के जइसय यिहा स्थानीय भाषा में पढाई होय के व्यवस्था नाही है।

### थाइलैन्ड :

थाइलैन्ड में ७० से ढेर भाषा बोली जात है। यथार्थ में मानक थाई थाइलैन्ड के कामकाजी और राष्ट्रभाषा है। यी उहा के समूचे तह के शिक्षा में पढाई के माध्यम के रूप में है। 'स्थानीय पाठ्यक्रम' के जगही कुछ स्थान पर स्थानीय भाषा पढावा जात है। स्थानीय गैर सरकारी संस्थान से चलावा अनौपचारिक शिक्षा मध्ये प्रौढ साक्षरता के खातिर कुछ परीक्षण परियोजनन का सहयोग किहे है। लेकिन यी मध्ये कवनो परियोजना का वास्तविक द्विभाषी शिक्षा के रूप में नाही लिहा जाय सकत है। सन् २००४ से शिक्षा मन्त्रालय और सञ्चार माध्यमन में शिक्षा में स्थानीय भाषा के प्रयोग के बारे में बहस होय लाग है।

### भियतनाम :

भियतनाम में १०० भाषा बोली जाती हैं। भियतनामी यिहां के कामकाजी भाषा होयें। यी यिहां के करिब ९० प्रतिशत जनसङ्ख्या के द्वारा पहिला भाषा (या द्विभाषी शिक्षा मनेईन के सन्दर्भ में एकठू पहिला भाषा) के रूप में बोली जाती है। द्विभाषी और शिक्षा में स्थानीय भाषा के प्रयोग के खातिर विभिन्न नीतिगत दस्तावेजन में दृढता के साथ समर्थन किहा है। तबबव शिक्षा के हरेक तह में यिहां तक कि गैर भियतनामी भाषाभाषी के घना बस्ती वाले इलाकव में पढाई के मुख्य माध्यम के रूप में भियतनामी स्थापित है। कुछ क्षेत्र के शिक्षा में स्थानीय भाषा के प्रयोग होत है और प्राथमिक शिक्षा के पाठ्यक्रम के २० प्रतिशत पाठ यांश के रूप में खास कइके स्थानीय भाषा का विषय के रूप में पढावा जात है। सन् २००६ से, कुछ अल्प सङ्ख्यक भाषणव में नवा पाइलट परियोजना शुरु किहा गा है।

## ३. पूर्वी एसिया के शैक्षिक नीति और व्यवहार में भाषा

### जनवादी गणतन्त्र चीन :

जनवादी गणतन्त्र चीन में २०० से बेसी भाषा बोली जाती है। मन्दारिन चिनिया यिहां के कामकाजी भाषा होय। अल्पसङ्ख्यक लोगन के क्षेत्र में अल्पसङ्ख्यक भाषा का पढाई के माध्यम बनावय में सहयोग करके खातिर कानून और नीति बनावत है। लेकिन यी नीति हरेक जगही समान रूप में लागू नाही भा हैं। खाली चुना ५५ ठउर अल्पसङ्ख्यक भाषा में लागू भा हैं। शिक्षा में स्थानीय भाषा के प्रयोगव में भौगोलिक क्षेत्र और जाति भाषिक समुदाय के आधार पर बहुत विविधता है। प्राथमिक स्कूल से लइके हाईस्कूल

तक करीब आधा दर्जन स्थानीय भाषण का पढाई कै माध्यम बनावा है । यहमा मन्दारिन चिनिया का दुसरे भाषा के रूप मे पढावा जात है । स्थानीय भाषा कै प्रयोग किहा जायवाले द्विभाषिक शिक्षा के कार्यक्रम मे विद्यार्थी कै पढाई मातृभाषा से शुरु कइके जल्दी से जल्दी मन्दारिन चिनिया मे लइ जाय कै तरिका चीन मे ढेर चलनचल्ती मे है । अल्पसङ्ख्यक लोगन के बसोबास क्षेत्र मे स्थानीय भाषा काँ विभिन्न तह मे खाली एक विषय के रूप मे पढावा जात है ।

### मङ्गोलिया :

मङ्गोलिया मे १२ ठउर भाषा बोली जाय कै अनुमान है । ९० प्रतिशत जनसङ्ख्या मङ्गोल होंय औ ऊ लोग कामकाजी भाषा मङ्गोलियन कै हालह आ खाल्का मध्ये कै एक भेद बोलत है । शिक्षा के समूचे तह मे मङ्गोलियन पढाई कै माध्यम के रूप मे प्रयोग होत है, हला कि विश्वविद्यालय स्तर पर अङ्ग्रेजी कै भूमिका बढत जात है । समूचा जातीय अल्पसङ्ख्यक लोग हालह मङ्गोलियन का दुसरे भाषा के रूप मे बोलत है । १९९२ मे बना संविधान अल्पसङ्ख्यक भाषण का पढाई के माध्यम के रूप मे समर्थन किहे है । तब्वव द्विभाषी शिक्षा मे अबहिन तक खाली काजाक कै प्रयोग भवा मिलत है ।

### जापान :

जापान मे दुइ आदिवासी भाषा जापानी औ आइनु बोली जाति है । यी दूनव भाषा के अलावा युक्युआन कै ११ ठउर भाषिका बोली जाति है । यी ११ भाषिकन का कुछ लोग यक्कय भाषिक परिवार कै अलग अलग भाषव मानत हैं । करिब ९९ प्रतिशत जनसङ्ख्या के द्वारा बोला जायवाली जापानी भाषा जापान कै राष्ट्रभाषा होय । हाल के कुछ दशकन मे विदेशिन कै बसाई सराई के चलते दर्ता भवा मातृभाषा कै सङ्ख्या बढय कै सङ्केत मिला है । १.४ प्रतिशत जनसङ्ख्या यइसन भाषा बोलय वाले लोगन कै है । यिहा कै कामकाजी भाषा जापानी होय । हाल सालय जापान कै संस्कृति, खेलकुद, विज्ञान औ प्रविधि मन्त्रालय जापान मे बसाई सराई कइके आवा लरिकन औ गैर जापानिन का लक्षित कइके एक नवाँ नीति जारी किहे है । यहि नीति कै उद्देश्य स्कूलन मे जापानी का पढाई के माध्यम के खातिर दूसरे भाषा के रूप मे सुधार करत लइ जाय के जहां तक सम्भव होय समूह शिक्षण या आउर विधि मार्फत विद्यार्थी कै मातृभाषय मे पढावय औ जापानी के साथय गैर जापानी विद्यार्थिन के बीचे अन्तरराष्ट्रिय औ अन्तरसांस्कृतिक समझदारी बढावय खातिर गैरजापानी औ विदेश से लउटा जापानी लरिकन कै अनुभव प्रयोग करव होय ।

## 8. दखिखन औ पच्छू एशिया मे शिक्षा नीति औ ब्यवहार मे भाषा

### अफगानिस्तान :

अफगानिस्तान मे करीब ३० ठउर भाषा बोली जात है । वह मध्ये पश्तो, दारी, उज्वेक, तुर्कमेन, पाशी, नूरिस्तानी, बलोची औ शिग्नानी बेसी जगहिन मे बोली जात है । पश्तो औ दारी अफगानिस्थान कै राष्ट्रिय औ कामकाजी भाषा होय औ येकर शिक्षा के समूचे तह मे पढाई कै माध्यम के रूप मे प्रयोग किहा जात है । उहां कै संविधान आधारभूत शिक्षा मातृभाषा मे देवय के पक्ष मे होय के नाते शिक्षा मन्त्रालय औपचारिक

औ अनौपचारिक शिक्षा में अल्पसङ्ख्यक भाषण के प्रयोग करने के और कुछ अल्पसङ्ख्यक भाषण का विषय के रूप में पढावय के योजना बनाये है ।

### बङ्गलादेश :

बङ्गलादेश में करीब ४० भाषा बोली जाती है । बाङ्ला बङ्लादेश के कामकाजी और राष्ट्र भाषा होय । यी उहां के शिक्षा के समूचे तह में पढाई के माध्यम के रूप में है । १४ करोड जनसङ्ख्या मध्ये के ९४ प्रतिशत लोग यिहां बाङ्ला बोलत हैं । तिसरे तह के शिक्षा (विश्वविद्यालय) में अङ्ग्रेजियव का पढाई के माध्यम के रूप में प्रयोग किहा जात है । सरकारी और गैर सरकारी स्कूलों के साथ साक्षरता कक्षनव के पढाई के माध्यम बाङ्ला है । अल्पसङ्ख्यक आदिवासी भाषण का यिहां के स्कूलन में प्रयोग करने के कवनो प्रावधान नाही है । कुछ अल्पसङ्ख्यक जातीय भाषा भाषी समूह में भाषण का पाठ्यक्रम के व्याख्या के खातिर 'सङ्क्रमणीय या सहायक' भाषा के रूप में मौखिक प्रयोग होत है । यही नाते बहुत से अल्पसङ्ख्यक समुदाय आपने भाषिक और सांस्कृतिक सम्पदा लोप होय और अपने बोलय और बूझय वाले भाषा में जरूरी शिक्षा न पावय के नाते दोहरे मार में परा है ।

### भूटान :

भूटान में १८ भाषा बोली जात है । जोङ्खा यिहां के राष्ट्र भाषा होय । जेकां अद्वितीय पहिचान के एक प्रतिक रूप में देश भर में लिहा जात है । सरकारी स्कूल प्रणाली में मुख्य पढाई के माध्यम अङ्ग्रेजी है, बकिर कुछ कक्षन में जोङ्खव पढावा जात है । भूटान भर के अनौपचारिक शिक्षा जोङ्खा में चलावा जात है । सरकार कइउ भाषण में व्याकरण लिखहू के खातिर सहयोग किहे है । बकिर भाषा विकास के समूचा प्रयास जोङ्खा पर केन्द्रित है ।

### भारत :

भारत में भाषा और भाषिका के साथ वनके सङ्ख्या का लइके लगातार विवाद है । १९६१ जनगणना में भाषा के सङ्ख्या १,६५२ बताये है, जबकि १९९१ के जनगणना में यी सङ्ख्या ११४ में सीमित कइ दिहा है । एथनोलाग करीब ४३० भाषा के सूची दिहे है । आजकाल्ह २२ भाषा का संविधान के अठवा अनुसूची में दर्ज किहा है । यह में हिन्दी कामकाजी भाषा और अङ्ग्रेजी सहायक कामकाजी भाषा के रूप में सूचीकृत है ।

भारतीय संविधान के कइउ धारा भाषा से सम्बन्धित हैं । वहि मध्ये धारा ३५० (क) उल्लेखनीय है । यही धारा में कहा गा है 'हरेक राज्य और राज्य के भित्तरे के भाषिक अल्पसङ्ख्यक समुदाय के लरिक्न का प्राथमिक तह तक के शिक्षा वनके मातृभाषा के माध्यम से देवय खातिर जरूरी सुविधा देय के दायित्व सम्बन्धित राज्य और उहां के स्थानीय अधिकारी के रही ।' सन् १९५७ में केन्द्रिय शिक्षा सल्लाहकार परिषद के द्वारा एक जटिल 'तीन भाषा सूत्र' नामक प्रस्ताव का आगे बढावा गै और हरेक राज्य के मुख्यमन्त्री लोग येकां १९६१ में समर्थन किहिन । अलग अलग तह में यी तीनव राष्ट्रिय भाषा में पढाई के अवधारणा समेटा रहा । बकिर उडीसा और महाराष्ट्र जइसन कुछ राज्यन का छोटि के बाकी राज्यन में यहि सूत्र के जरूरत से ढेर उल्लंघन भय ।



राष्ट्रीय शैक्षिक अनुसंधान और प्रशिक्षण परिषद (एन सी ई आर टी) हर एक पाँच बरिस में स्कूली शिक्षा के राष्ट्रीय पाठ्यक्रम अवधारणा पत्र निकारत है। जवने में यइसन लिखा है कि 'स्कूली शिक्षा के हर एक तह में' मातृभाषा पढाई के माध्यम होय के चाही (एन सी ई आर टी २०००, पृ. ७६)। बकिर यी आधारपत्र खाली सुभाष के रूप में काम करत है, ना कि कानून के रूप में।

शिक्षा खास कइके स्थानीय, क्षेत्रीय भाषा (अनुसूची ८) या कामकाजी भाषा में दिहा जात है। पढाई के माध्यम के रूप में अङ्ग्रेजी का प्रतिष्ठित माना जात है। यही नाते राजनीतिक बहस मातृभाषा के प्रयोग से बेसी मुख्य भारतीय भाषा या अङ्ग्रेजी मध्ये कवने का चुना जाय, यही पर केन्द्रित है। उल्लेखनीय सङ्ख्या में जनजाति रहय वाले कुछ राज्य जनजाति लोगनय के भाषा में शिक्षा देवय के प्रयास किहे है। आसाम और नागालैन्ड में यह प्रयास का बढिया सफलता मिला है। राजस्थान, उड़ीसा और आन्ध्र प्रदेश में भवा यइसने प्रयास का लागू करत के शुरुवाती चरण में कुछ कठिनाई आय, लेकिन अब फिर से कुछ नवा प्रयास शुरु किहा गा है।

### पाकिस्तान :

पाकिस्तान में ६३ भाषा बोली जात हैं। पंजाबी (४४ प्रतिशत), पश्ता (१५ प्रतिशत), सिन्धी (१४ प्रतिशत), सिराइकी (११ प्रतिशत), उर्दू (८ प्रतिशत) और बलोची (४ प्रतिशत) यिहां के मुख्य भाषा होयें। बाकी ५७ ठउर भाषा बोलय वाले लोगन के जनसङ्ख्या ५ प्रतिशत है। यिहां के राष्ट्र भाषा उर्दू है, जबकि कामकाजी भाषा अङ्ग्रेजी होय। पाकिस्तान के शहरी इलाका में उर्दू के प्रयोग दुसरे भाषा के रूप में जमि के होत है। काहे कि अधिकाधिक सरकारी स्कूल और धार्मिक समारोह में माध्यम भाषा के रूप में उर्दू के प्रयोग किहा जात है। कालेज और विश्व विद्यालयय में विज्ञान और प्रविधि से जुडा विषयन के साथय बाकी विषय का पढावय के खातिर उर्दू के प्रयोग होत है। यही नाते यी आउर पाकिस्तानी भाषन के तुलना में रोजगारी खातिर बेसी उपयोगी माना जात है। चाहे निचले तह के कार्यालय और वहु में काहे न सिंध के कुछ सीमित जगहिन में होय, रोजगारी के खातिर दुसरे उपयोगी भाषा सिंधी होय। यी सिंध में शिक्षा के माध्यम होय और कुछ कार्यालयन में येकर प्रयोग होत है। पश्तो कुछ स्कूलन में कक्षा ५ तक पढाई के माध्यम के रूप में तो है लेकिन बाकी क्षेत्र में येकर प्रयोग नाही होत है। खाली २ प्रतिशत पाकिस्तानी अङ्ग्रेजी ठीक से बोलत हैं। यकर साथय १५ से १८ प्रतिशत आउर लोग काम चलाउ तरीका से अङ्ग्रेजी बोलत हैं। यकरे बादय सरकार, उच्चस्तरीय प्रशासन तन्त्र, सैनिक अधिकारी लोग, संचार, उच्च शिक्षा अनुसंधान, बाणिज्य सहित के सत्ता के सम्भ्रान्त क्षेत्र के भाषा अङ्ग्रेजियय होय। भविष्य के अप्रवासिन और उच्च तह में उन्नती करय के खातिर अङ्ग्रेजी बहुत उपयोगी है। आज के अवस्था में अङ्ग्रेजी के माग पाकिस्तान में बहुत तेजी से बढा है। यी बडा बडकवा के खातिर अङ्ग्रेजी माध्यम से चलावा जाय वाले निजी स्कूल और सैनिक लोगन के द्वारा चलावा स्कूल (उदाहरण खातिर कैडेट कालेज) मार्फत यी उपलब्ध होत आ है। अङ्ग्रेजी और उर्दू का कामकाजी भाषा के रूप में प्रश्रय देवय के सरकारी नीति के नाते देश के आउर भाषन के उप्पर बहुत दबाव है। छोट छोट भाषा या तो प्रभावशाली बडे भाषन में मिलत जात है, या तो सम्पूर्ण रूप से लोप होय के खतरा में हैं।

## ५. मध्य एशिया के शिक्षा नीति और व्यवहार में भाषा

### कजाकिस्तान :

कजाकिस्तान में ४८ प्रतिशत जनसङ्ख्या कजाख और ३४ प्रतिशत रूसी हैं। यकरी बरहेक उहां १२० जाति के लोग बसोबास करत है। यी मध्ये ८ लाख से उप्पर उक्रेनी, ५ लाख जर्मन, ४ लाख उज्बेक और ४ लाख से उप्पर ततार लोग हैं। कजाख राष्ट्र भाषा होय और रूसी कामकाजी भाषा होय (यी राष्ट्र भाषा के साथेन प्रयोग होत है)। ३,६४७ (४५ प्रतिशत), साधारण माध्यमिक विद्यालय कजाख भाषा के माध्यम से, २१२२ (२६ प्रतिशत) में रूसी भाषा के माध्यम से और २०६९ (२५ प्रतिशत) में कजाख और रूसी दूनव माध्यम में पढाई होत है। आउर ४ प्रतिशत माध्यमिक विद्यालय 'राष्ट्रीय प्रकृति' के हैं। यहमा उक्रेनी, ताजिक, उइगुर और उज्बेक भाषा के माध्यम से पढाई होत है।

### किर्गिस्तान :

किर्गिस्तान में किर्गिज और रूसी औपचारिक कामकाजी भाषा के रूप में हैं। सन् २००१ में किर्गिस्तान के संसद रसिउ भाषा का किर्गिज के तरह कामकाजी भाषा के रूप में घोषणा किहे है। यिहां के जनसङ्ख्या में ५२ प्रतिशत किर्गिज, १८ प्रतिशत रूसी, १३ प्रतिशत उज्बेक, ३ प्रतिशत उक्रेनी, २ प्रतिशत जर्मन और आउर १२ प्रतिशत हैं। यिहां के ६६ प्रतिशत विद्यालय किर्गिज भाषा में, ७ प्रतिशत विद्यालय रूसी भाषा में, ७ प्रतिशत उज्बेक भाषा में और २० प्रतिशत में रूसी और किर्गिज भाषा में पढाई होत है।

### तजाकिस्तान :

तजाकिस्तान के राष्ट्र भाषा ताजिक होय। विभिन्न जाति के लोगन के बीच के सम्पर्क भाषा रूसी होय। सारे अल्पसङ्ख्यक समुदाय काँ अपने मातृभाषा में बोलि पावयक अधिकार है। आम सञ्चार में ताजिक और रूसी भाषा के प्रयोग होत है। अल्पसङ्ख्यक लोगन के खातिरव कुछ विद्यालय खुला हैं। यहमा उज्बेक, कजाख, तुर्की और आउर भाषन के माध्यम से पढाई होत है। माध्यमिक तह में ७३ प्रतिशत ताजिक भाषा के माध्यम से, २४ प्रतिशत विद्यार्थी उज्बेक भाषा में, २ प्रतिशत रूसी भाषा में और आउर किर्गिज, कजाख और तुर्की भाषा में पढत हैं।

### उज्बेकिस्तान :

१०० से ढेर भाषा बोली जायवाली उज्बेकिस्तान बहुजातीय और बहुभाषिक मुलुक होय। उज्बेकिस्तान के संविधान के धारा १८ में 'कानूनी हैसियत, अधिकार और स्वतन्त्रता पावय खातिर लिङ्ग, जाति, भाषा, धर्म, सामाजिक पृष्ठभूमि, आस्था और सामाजिक के साथे व्यक्तिगत हैसियत के आधार पर कवनो भेदभाव नाही किहा जाई' कहा है। अल्पसङ्ख्यक जाति और भाषिक समुदाय के लरिकन के शिक्षा दिक्षा नीति निर्माण के महत्त्वपूर्ण विषय होय। अबहिन तक सरकार उज्बेक सहित सात राष्ट्रिय भाषन का आधारभूत शिक्षा देवय खातिर राजनीतिक प्रतिबद्धता जनाये है। तत्काल उज्बेकिस्तान के १० प्रतिशत विद्यालय में अल्पसङ्ख्यक जातीन के भाषा (रूसी, कजाख, ताजिक, काराकल्पक, तुर्की और किर्गिज) के माध्यम से पढाई होत है। यकरी माध्यम से आधारभूत शिक्षा लेवय के खातिर भर्ना भवा विद्यार्थिन मध्ये १५ प्रतिशत का समेटा है।

## ६. प्रशान्त क्षेत्र में शिक्षा नीति और व्यवहार में भाषा

पपुआ न्यु गिनी :

पपुआ न्यु गिनी में करीब ८५० भाषा बोली जात है। यिहां ३५०-४०० के आसपास के भाषण में पूर्व प्राथमिक और प्राथमिक शिक्षा देय के व्यवस्था है। पपुआ न्यु गिनी यतने ढेर स्थानीय भाषण के शिक्षा में प्रयोग संसार में आउर कहुँ नाहीं पावा जात है। यकरे पहिले औपचारिक शिक्षा अङ्ग्रेजी माध्यम से दिहा जात रहा। लेकिन अनौपचारिक शिक्षा में स्थानीय भाषा के प्रयोग करत के देखान उत्साह और सफलता का आधार मानि के औपचारिक शिक्षा प्रणाली के पुनर्संरचना किहा गै। नवां प्रणाली में अनौपचारिक शिक्षा के पहिला तीन बरिस तक विद्यार्थी का बनके मातृभाषा में पढावा जात है। बाद के कक्षन में पढाई के माध्यम अङ्ग्रेजी होइ जात है। स्थानीय भाषा के प्रयोग करय वाले कुलि विद्यालय स्थानीय समुदाय के द्वारा चलावा जात हैं। सबल सामुदायिक सहभागिता, विकेन्द्रीकरण, स्थानीय सांदर्भिकता, रियायत, लागत और गैर सरकारी संस्थान के सक्रिय भूमिका के नाते उहाँ के स्थानीय भाषा के प्रयोग सफल बतावा जात है।



© ज्ञान पोर्टल/यूनेस्को, के सहयोग से सञ्चालित अवधी भाषामा साक्षरता कक्षा

गुरुड, हर्क गुरुड, योगेन्द्र औ चिदी, छबिलाल २००६. नेपाल एटलस आँफ लैग्वेज ग्रप्स. आदिवासी जनजाति उत्थान राष्ट्रीय प्रतिष्ठान ।

नेपाल अधिराज्यको संविधान, २०४७ काठमाडौँ : कानुन किताब व्यवस्था समिति ।

नेपालको अंतरिम संविधान, २०६३. काठमाडौँ : कानुन किताब व्यवस्था समिति ।

यादव, योगेन्द्रप्रसाद २००३. लैग्वेज पाँपुलेशन मानोग्राफ आँफ नेपाल, भाँलुम १, काठमाडौँ : सैट्रल ब्यूरो आँफ स्टाटिस्टिक्स ।

यादव, योगेन्द्रप्रसाद २००७. लिग्विस्टिक डाइभर्सिटी इन नेपाल : पर्सपेक्टिभ्स आँन लैग्वेज पाँलिसी इंटरनेशनल सेमिनार आँन कंस्टिट्युशनलिजम एण्ड डाइभर्सिटी इन नेपाल, २२-२४ अगस्ट, २००७ में प्रस्तुत कार्यपत्र, काठमाडौँ : नेपाल तथा एशियाली अनुसन्धान केंद्र ।

राष्ट्रिय भाषा नीति सुभावा आयोगको प्रतिवेदन २०५०. काठमाडौँ : राष्ट्रिय भाषा नीति सुभावा आयोग, प्रज्ञा भवन, कमलादी ।

सबैका लागि शिक्षा (२००४-२००९) मुख्य दस्तावेज २००३. काठमाडौँ : नेपाल सरकार, शिक्षा तथा खेलकुद मन्त्रालय ।

## परिशिष्ट १

मातृभाषा के आधार में जनसंख्या (२०५८)

क्र.सं.	मातृभाषा	संख्या	प्रतिशत	सञ्चित प्रतिशत
१	नेपाली	११०५३२५५	४८.६१	४८.६१
२	मैथिली	२७९७५८२	१२.३०	६०.९२
३	भोजपुरी	१७१२५३६	७.५३	६८.४५
४	थारु (डगौरा/राना)	१३३१५४६	५.८६	७४.३१
५	तामाङ	११७९१४५	५.१९	७९.४९
६	नेवार	८२५४५८	३.६३	८३.१२
७	मगर	७७०११६	३.३९	८६.५१
८	अवधी	५६०७४४	२.४७	८८.९८
९	बान्तवा	३७०५६	१.६३	९०.६१
१०	गुरुङ	३३८९२५	१.४९	९२.१०
११	लिम्बू	३३३६३३	१.४७	९३.५७
१२	बज्जिका	२३७९४७	१.०५	९४.६१
१३	ऊर्दू	१७४८४०	०.७७	९५.३८
१४	राजवंशी	१२९८२९	०.५७	९५.९५
१५	शेर्पा	१२९७७१	०.५७	९६.५२
१६	हिन्दी	१०५७६५	०.४७	९६.९९
१७	चाम्लिङ	४४०९३	०.१९	९७.१८
१८	सन्थाली	४०२६०	०.१८	९७.३६
१९	चेपाङ	३६८०७	०.१६	९७.५२
२०	दनुवार	३१८४९	०.१४	९७.६६
२१	भाँगड/धाँगड	२८६१५	०.१३	९७.७९
२२	सुनुवार	२६६११	०.१२	९७.९०
२३	बाङ्ला	२३६०२	०.१०	९८.०१
२४	मारवाडी (राजस्थानी)	२२६३७	०.१०	९८.११
२५	माझी	२१८४१	०.१०	९८.२०
२६	थामी	१८९९१	०.०८	९८.२९
२७	कुलुङ	१८६८६	०.०८	९८.३७
२८	धिमाल	१७३०८	०.०८	९८.४५
२९	अङ्गिका	१५८९२	०.०७	९८.५२
३०	याक्खा	१४६४८	०.०६	९८.५८

३१	थुलुड	१४०३४	०.०६	९८.६४
३२	साडपाड	१०८१०	०.०५	९८.६९
३३	भुजेल/खवास	१०७३३	०.०५	९८.७४
३४	दराई	१०२१०	०.०४	९८.७८
३५	खालिड	९२८८	०.०४	९८.८२
३६	कुमाल	६५३३	०.०३	९८.८५
३७	थकाली	६४४१	०.०३	९८.८८
३८	छन्त्याल/छन्तेल	५९१२	०.०३	९८.९०
३९	नेपाली साङ्केतिक भाषा	५७४३	०.०३	९८.९३
४०	तिब्बती	५२७७	०.०२	९८.९५
४१	दुमी	५२७१	०.०२	९८.९८
४२	जिरेल	४९१९	०.०२	९९.००
४३	वाम्बुले/उम्बुले	४४७१	०.०२	९९.०२
४४	पुमा	४३१०	०.०२	९९.०४
४५	ह्योल्मो	३९८६	०.०२	९९.०५
४६	नाछिरिड	३५५३	०.०२	९९.०७
४७	दुरा	३३९७	०.०१	९९.०८
४८	मेचे	३३०१	०.०१	९९.१०
४९	पहरी	२९९५	०.०१	९९.११
५०	लेप्चार/लाप्चे	२८२६	०.०१	९९.१३
५१	बोटे	२८२३	०.०१	९९.१४
५२	बाहिड	२७६५	०.०१	९९.१५
५३	कोई/कोयु	२६४१	०.०१	९९.१६
५४	राजी	२४१३	०.०१	९९.१७
५५	हायु	१७४३	०.०१	९९.१८
५६	ब्यासी	१७३४	०.०१	९९.१९
५७	याम्फु/याम्फे	१७२२	०.०१	९९.१९
५८	घले	१६४९	०.०१	९९.२०
५९	खडिया	१५७५	०.०१	९९.२१
६०	छिलिड	१३१४	०.०१	९९.२१
६१	लोहोरुड	१२०७	०.०१	९९.२२
६२	पन्जावी	११६५	०.०१	९९.२३
६३	चिनियाँ	११०१	०.००	९९.२३
६४	अङ्ग्रेजी	१०३७	०.००	९९.२३

६५	मेवाहाड	९०४	०.००	९९.२४
६६	संस्कृत	८२३	०.००	९९.२४
६७	काङ्के	७९४	०.००	९९.२५
६८	राउटे	५१८	०.००	९९.२५
६९	किसान	४८९	०.००	९९.२५
७०	चुरौटी	४०८	०.००	९९.२५
७१	बराम/भ्रामु	३४२	०.००	९९.२५
७२	तिलुड	३२०	०.००	९९.२५
७३	जेरोड/जेरुड	२७१	०.००	९९.२६
७४	दुडमाली	२२१	०.००	९९.२६
७५	उडिया	१५९	०.००	९९.२६
७६	लिङ्खिम	९७	०.००	९९.२६
७७	कुसुन्डा	८७	०.००	९९.२६
७८	सिन्धी	७२	०.००	९९.२६
७९	कोचे	५४	०.००	९९.२६
८०	हरियान्वी	३३	०.००	९९.२६
८१	मगही	३०	०.००	९९.२६
८२	साम	२३	०.००	९९.२६
८३	कुरमाली	१३	०.००	९९.२६
८४	कागते	१०	०.००	९९.२६
८५	जोङ्खा	९	०.००	९९.२६
८६	कुकी	९	०.००	९९.२६
८७	छिन्ताड	८	०.००	९९.२६
८८	मिजो	८	०.००	९९.२६
८९	नागामी	६	०.००	९९.२६
९०	ल्होमी	४	०.००	९९.२६
९१	आसामी	३	०.००	९९.२६
९२	सधानी	२	०.००	९९.२६
	अज्ञात भाषा	१६८३४०	०.७४	१००.००
	कुल	२२७३६९३४	१००.००	१००.००

स्रोत : राष्ट्रिय जनगणना (२०५८)

## परिशिष्ट १

### नेपाल मे प्रयोग मे रहा लिपि<sup>४</sup>


क्र.सं.	लिपि	भाषा
१.	देवनागरी	नेपाली, मैथिली, भोजपुरी, अवधी, नेवार, हिन्दी आदि
२.	मिथिलाक्षररतिरहुत्ता	मैथिली
३.	कैथी	मैथिली, भोजपुरी, अवधी
४.	साम्बोटारतिव्वती	तिव्वती, शेर्पा
५.	रञ्जना	नेवार
६.	भुजिमो:	नेवार
७.	पाचुमो:	नेवार
८.	गोलमो:	नेवार
९.	लितुमो:	नेवार
१०.	कुँमो:	नेवार
११.	सिरिजङ्गा	लिम्बू
१२.	रोड	लेप्चा
१३.	वाङ्ला वा बङ्गाली	वाङ्ला वा बङ्गाली
१४.	तमु	गुरुङ
१५.	अक्खा	मगर
१६.	अरबी	उर्दू
१७.	रोमन	अङ्ग्रेजी, सन्थाल, गुरुङ

४. यादव, योगेन्द्रप्रसाद २००७. लिङ्गविस्तिक डाइभर्सिटी इन नेपाल : पर्सपेक्टिभ्स अन ल्याङ्गवेज पोलिसी. इन्टरनेसमल सेमिनार अन कन्स्टिच्युसनलिज्म एन्ड डाइभर्सिटी इन नेपाल, २२-२४ अगस्त, २००७ मे पेस कार्यपत्र, काठमाडौं : नेपाल तथा एसियाली अनुसन्धान केन्द्र ।





# The Avadhi in Nepal



## परिभाषिक शब्दावली - भाषा

**अलिखित भाषा :** पढाई/लेखाई मे प्रयोग न आवा खाली बोलीचाली मे सीमित भाषा

**अल्पसङ्ख्यक भाषा:** अल्पसङ्ख्यक सामाजिक समूह वा जाति कै भाषा । कब्बव कब्बव सङ्ख्यात्मक रूप से बडा समूह मे बोलीचाली कै भाषा होय के बावजूद मुख्य भाषा के रूप मे प्रयोग न किहा जायवाले भाषा का बूझा जात है ।

**कामकाजी भाषा :** सरकारी कार्यालय, स्कूल सहित आउर संस्थान मे दैनिक कामकाज के खातिर प्रयोग होयवाला भाषा उदाहरण के रूप मे : भारत मे अङ्ग्रेजी औ हिन्दी का कामकाजी भाषा के रूप मे मान्यता दिहा है औ राज्यन मे अपनय आपन राज्य भाषा चलनचल्ती मे है । नेपाल मे नेपाली का सरकारी कामकाज के भाषा कै मान्यता मिला है ।

**घर कै भाषा :** घर मे बोली जायवाली भाषा (पहिला भाषा औ मातृभाषा का देखा जाई) केहू केहू के घर कै भाषा एक से ज्यादा होइ सकत है ।

**दूसर भाषा :** पहिला या घर के भाषा का छोटि कै दूसर भाषा, व्यापक संचार सम्पर्क कै भाषा या विदेशी भाषा

सामान्य रूप मे घर से बहरे व्यापक समुदाय में बोला जाय वाले भाषाका बूझा जात है । द्विभाषिक शिक्षा में पहिला भाषा के बाद पढाई मे प्रयोग किहा जाय वाले भाषा का दूसर भाषा (कामकाजी औ विदेशी) बूझा जात है ।

**पहिला भाषा :** मनई के मुह से निकरा पहिला भाषा, मौलिक भाषा (मातृभाषा, घर कै भाषा, स्थानीय भाषा का देखा जाई)

**पैतृक भाषा :** मनई कै पुर्वज या कवनो जाति या भाषिक समुदाय कै भाषा

**भाषिका :** भौगोलिक क्षेत्र या सामाजिक समूह अनुसार भाषा मे होयवाला भिन्नता ('भेद' का देखा जाय ।)

**भेद :** भौगोलिक क्षेत्र औ सामाजिक समूह अनुसार भाषा मे आवय वाला अन्तर

**मातृभाषा :** पहिला भाषा, मौलिक भाषा (पहिला भाषा, पैत्रिक भाषा, घर कै भाषा का देखा जाय ।)  
मनई कै (१) सबसे पहिला सिखा भाषा (२) अपने या दुसरे से मातृभाषी वक्ता के रूप मे चिन्हावा भाषा (३) सबसे बेसी जानल भाषा (४) सबसे बेसी प्रयोग मे आवय वाली भाषा

- माध्यम भाषा :** स्कूल में पढ़ाई लिखाई के माध्यम के रूप में प्रयोग होयवाली भाषा
- मुख्यभाषा :** मुख्य समाज के बोलय वाली या देश के मुख्य भाषा के रूप में रहा भाषा, देश में ढेर जनसङ्ख्या के बोलय वाली भाषा न होय के बावजूद राष्ट्रभाषा या कामकाजी भाषा के रूप में मान्यता पावा भाषा ।
- राष्ट्र भाषा :** देश के भित्तर व्यापक रूप में बोला जायवाली भाषा, राष्ट्र से महत्वपूर्ण कहिकै किटान किहा भाषा, कब्बव कब्बव कामकाजिउ भाषा । उदाहरण : भारत में दुई ठू कामकाजी भाषा औ बाइस ठू अनुसूचित भाषा किटान किहा है औ हरेक राज्य के अपनय आपन राज्य भाषा चलन चल्ती में है । नेपाल में नेपाली का सरकारी कामकाज के भाषा तयँ किहा है । नेपाल के अन्तरिम संविधान, २०६३ में नेपाल के भित्तर बोला जायवाली हरेक मातृभाषा का राष्ट्रभाषा घोषित किहा है ।
- विदेशी भाषा :** अइसन भाषा जवन वक्ता के समुदाय में न बोला जात होय ।
- सम्पर्क भाषा :** भाषिक समुदाय के बीचे एक दुसरे से सम्पर्क करय खातिर प्रयोग किहा जाय वाली भाषा । उदाहरण : नेपाल के पहाडी क्षेत्र में नेपाली, तराई मधेश के विभिन्न क्षेत्र में मातृभाषा के साथे हिन्दी औ हिमाली क्षेत्र में तिब्बती
- स्थानीय भाषा :** अपने समुदाय में बोला जायवाली भाषा । सम्पूर्ण रूप में लेखन पद्धति के विकास न भवा भाषव होइ सकत है ।

## पारिभाषिक शब्दावली - सामान्य

- आदिवासी :** कवनो क्षेत्र वा देश मे आदिकाल से या बहुत पहिले से बसा मानव समूह/समुदाय
- कार्यान्यवयन :** कवनो नवां कानून लागू करय खातिर मनई या आउर स्रोत परिचालन करय वाला तरीका ।
- गैरसरकारी संस्था :** राष्ट्रिय सरकार कै अङ्ग न होय के बावजूद सामुदायिक विकास के खातिर काम करयवाला संस्था ।
- जनचेतना बृद्धि :** आपन जरूरत चीन्हि कै बोकां पावय खारि सहयोग देय वाला सूचना औ जानकारी देय कै काम ।
- दुईभाषी :**  
व्यक्ति : दुई भाषा बोलय औ बूझय (कब्बव कब्बव लिखिउ पढि सकय ।)  
समाज : दुई भाषा बोलय वाले लोग साथय साथ रहय वाली समुदाय ।
- दुइ भाषी शिक्षा :** साक्षरता औ औपचारिक लिखाई पढाई कै माध्यम के रूप मे दुइ भाषा प्रयोग कइकै (द्विभाषी शिक्षा) दिहा जाय वाली शिक्षा । यहमा व्यवहारिक रूप से साक्षरता औ पढाई लिखाई सिखावत के सबसे पहिले व्यक्ति कै पहिला भाषा/मातृभाषा से शुरु किहा जाला औ दुसरे भाषा का लिखाई पढाई कै माध्यम के रूप मे धीरे धीरे सामिल किहा जाला ।
- धारा प्रवाह :** बिना कवनो अवरोध के बोलय, पढय औ लिखय मे उच्च दक्षता ।
- निरक्षर :** खुद कै जाना सुना भाषा मे लिखय पढय कै अवसर न पावा मनई ।
- परिचालन :** कवनो कार्यक्रम कै योजना बनावय औ लागू करय खातिर समुदाय औ समुदाय के सहयोगिन का सङ्गठित करय कै काम ।
- पाठ्यक्रम :** शैक्षिक कार्यक्रम के खातिर शिक्षण योजना, पढयवाला विषय वस्तु औ सहयोगी सामान ।
- बहुभाषी :**  
व्यक्ति : दुइ से ढेर भाषा जानय बूझय वाला (लिख पढ कइ सकय वाला) ।  
समाज : दुइ से बेसी भाषा भाषी बसोबास करय वाला समाज ।
- बहुभाषिक शिक्षा :** साक्षरता औ औपचारिक शिक्षा मे दुइ से ढेर भाषा प्रयोग कइकै लिखाई पढाई (शिक्षण) करावा जायवाली शिक्षा - बच्चा या व्यक्ति के पहिला भाषा कै माध्यम से पढाई शुरु कराय कै दूसर तीसर भाषा से जोडत लइ जायवाली शिक्षा ।
- भाषा विकास :** शिक्षा मे केहू का कवनो भाषा बढिया से सुनय बोलय पढय औ लिखय कै सिखावय वाली काम ।

**भाषिक अल्पसङ्ख्यक :** कम जनसङ्ख्या होय के नाते या राजनीतिक औ आर्थिक कारण से समाज मे दुसरे के तुलना मे कमजोर रुप मे रहय वाला यक्कय भाषा बोलय वाले मनइन के समूह ।

### मातृभाषा पर आधारित

**दुइ भाषिक शिक्षा :** पहिला भाषा के माध्यम से लिखाई, पढाई औ सिकाई के प्रक्रिया शुरु कइके दूसर भाषा सिखावत जायवाला स्कूली शिक्षा प्रणाली (बहुभाषिक शिक्षा का देखा जाय ।)

**बहुभाषिक शिक्षा :** पहिला भाषा के माध्यम से लिखाई, पढाई औ सिकाई प्रक्रिया शुरु कइके दुसरे भाषा के साथेन अउरो भाषा सिखावत जायवाला शिक्षा प्रणाली (दुइ भाषिक शिक्षा देखा जाय ।)

**मुख्य समूह :** बेसी जनसङ्ख्या होय के नाते या आर्थिक औ राजनीतिक कारण से देश मे शक्ति के रुप मे रहा सामाजिक समूह ।

**मूलधार :** मुख्य समूह के भाषा औ संस्कृति (कव्वव कव्वव खाली मुख्य समूह के खातिर बनावा स्कूल औ भाषिक अल्पसङ्ख्यक लोगन के जरुरत न पूरा करयवाला स्कूल बूझा जाला ।)

**लेखन पद्धति :** लिपि हिज्जे नियम औ विराम चिन्ह सहित के लेखन के मानक प्रणाली ।

**लैङ्गिक समानता :** मेहरारु औ मर्द, बिटिया या बेटवा के मानव अधिकार का पूरा पूर जानय बूझय खातिर आर्थिक, सामाजिक, सांस्कृतिक औ राजनीतिक विकास मे योगदान करय खातिर औ वोसे लाभ लेवय खातिर समान परिस्थिति के अवस्था ।

**सल्लाहकार समिति :** बहुभाषी शिक्षा कार्यक्रम मे सामिल अगुवा लोगन के समिति, (यहमा प्रायः मातृभाषा बोलयवाले औ सहयोगी संस्था के सदस्य होत हैं ।)

**सहजकर्ता :** आउर लोगन का लेखपढ मे सहयोग करयवाले मनई, शिक्षक ।

**साक्षरता :** जीवन मे जरुरी व्यवहार पूरा करय खातिर पढय, लिखय औ हिसाब करय के साथेन आउर भाषिक क्रियाकलाप ठीक से करय के क्षमता ।

**साभेदार :** नवा कार्यक्रम लागू करय खातिर समुदाय से मिलि के काम करय वाला मनई, संस्था या निकाय ।

**सिखाई उपलब्धि :** स्कूल मे होय वाले पढाई के विषयवस्तु, भाषा के ज्ञान, हुनर औ दक्षता ।

**स्थायित्व :** ज्यादे समय तक समय के हिसाब से निरन्तर स्थापित गुण ।

## बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण

कार्यक्रम संचालक  
लोगन के पुस्तिका



# कार्यक्रम संचालक लोग कै पुस्तिका

## परिचय :

संसार भर मे स्कूले न जाय वाले लरिकन मध्ये ५० प्रतिशत अइसने समुदाय से रहत है, जहां घर मे स्कूल कै भाषा नहिय बोली जात है, औ बोलहू जात है तो घर मे नाही बोला जात है। सबके खातिर शिक्षा पावय मे यी स्थिति सबसे बडे चुनौती के रूप मे है। यहि अनुत्पादक अभ्यास कै निरन्तरता पढाई कै स्तर गिरावय औ स्कूल छोडय कै औ क्लास दोहरावय के दर का बढावय के दिशा मे आगे बढत जात है।<sup>१</sup>

पुस्तिका मे यही उपर के उद्घरण मे देखावा जेस गौण या अल्पसङ्ख्यक भाषा बोलयवाले लोगन कै जरुरत पूरा करयवाले यही शैक्षिक कार्यक्रम के बारे मे केन्द्रित है। यी पुस्तिका निम्नलिखित विषय पर बातचीत करय के खातिर प्रश्न औ उत्तर के ढाचा मे तयार किहा है :

- स्कूल मे कामकाजी भाषा न बोलय वालन कै शैक्षिक स्थिति
- मातृभाषा पर आधारित बहुभाषी शिक्षा कार्यक्रम कै परिभाषा औ उद्देश्य
- विद्यार्थी के मातृभाषा मे बढिया शैक्षिक पुर्वाधार बनावय कै तरीका औ स्कूल के कामकाजी भाषा तक पहुचय खातिर बढिया 'पुल्ह' कै निर्माण
- प्रभावकारी बहुभाषिक शिक्षा कार्यक्रम कै योजना औ कार्यान्वयन।

## सवाल औ जबाब :

### अल्पसङ्ख्यक भाषिक समुदाय मे भाषा औ शिक्षा

**सवाल १. : स्कूल कै कामकाजी भाषा न बोलय वालन कै स्थिति कइसन है ?**

नेपाल के सन्दर्भ मे करीब सारे सामुदायिक स्कूलन मे कामकाजी भाषा के रूप मे नेपाली प्रयोग होत है। एक अध्ययन अइसने स्कूलन मे नेपाली मातृभाषा न होयवाले लरिकन बिटियन का तीन किसिम कै समस्या देखाय परत है :<sup>२</sup>

---

१. वर्ल्ड बैंक. २००५. एजुकेशन नोट्स. इन देअर वोन लैंग्वेज : एजुकेशन फॉर ऑल, वाशिङ्टन डी.सी. : वर्ल्ड बैंक [http://siteresources.worldbank.org/EDUCATION/Resources/Education-Notes/EdNotes\\_Lang\\_of\\_Instruct.pdf](http://siteresources.worldbank.org/EDUCATION/Resources/Education-Notes/EdNotes_Lang_of_Instruct.pdf) (१७ नवंबर २००६ में प्राप्त)

२. चिराग, २००१ बाइलिंगुअल एजुकेशन : अ स्टडी रिपोर्ट काठमांडू : शिक्षा औ खेलकुद मंत्रालय, शिक्षा विभाग, अनुसंधान औ विकास शाखा।



- **उच्चारण कै समस्या :** नेपाली मातृभाषा न होयवाले विद्यार्थी लोग नेपाली का बढिया से नाही उच्चारण कइ पावत हैं । जइसय तामाङ औ गुरुङ भाषा बोलय वाले विद्यार्थिन का 'अ' औ 'आ' अलगियाय कै बोलय मे समस्या है । जवने के नाते यी भाषा बोलय वाले लरिकन बिटियन का नेपाली कै मर्नु औ मार्नु जइसन शब्द अलगियावय मे कठिनाई होई ।
- **वाक्य तह मे समस्या :** नेपाली मातृभाषा न होयवाले विद्यार्थिन का नेपाली भाषा के काल आदरार्थी, लिङ्ग, बचन, तिर्यक रूप औ पदक्रम मे समस्या होई ।
- **लिपि कै समस्या :** दूसर लिपि प्रयोग करयवाले समुदाय से आवा लरिकन का देवनागरी लिपि मे पढय लिखय मे समस्या होई । खास कइके मुस्लिम समुदाय के लरिकन बिटियन मे यइसन समस्या है ।

यइसन समस्या होय कै मुख्य रूप से तीन कारण देखा गये हैं :

- विद्यार्थिन के घर के भाषा से स्कूल के कामकाजी भाषा (नेपाली) के ओर क्रमशः लइ जाय कै स्कूल कै नीति न होब ।
- विद्यार्थिन का नवां भाषा (नेपाली) मे अभ्यास करय कै कम अवसर मिलब ।
- विद्यार्थिन के अडोस पडोस मे घर कै भाषा प्रयोग होय कै बातावरण होय के नाते नवां भाषा भुलाब ।

घर के भाषा स्कूल के कामकाजी भाषा से अलग होय के नाते लोग शिक्षा मे आपन पहुच नाही बनाय पावत हैं या स्तरीय शिक्षा से वंचित होय के पीडा सहय के खातिर मजबूर है :

- खास कइके दुर्गम क्षेत्र मे रहय वाले बहुत लोगन का या तो स्कूल तक पहुँच हइयय नाही है या स्कूल है लेकिन शिक्षक नदारद है ।
- यदि स्कूल औ शिक्षक दूनव है तो शिक्षक लोग विद्यार्थिन के सामाजिक औ सांस्कृतिक पृष्ठभूमी से न तो घुलामिला है औ न तो विद्यार्थिन कै भाषा बोलि पावत हैं ।
- शैक्षिक सामग्री औ पाठ्यपुस्तक यइसन भाषा मे है जवने का विद्यार्थी बूझि नाही पावत हैं । कुलि पाठ विद्यार्थिन कै अपने ज्ञान औ अनुभव पर आधारित न होइके मुख्य भाषा औ संस्कृति पर आधारित है ।
- विद्यार्थी लोग स्कूल कै कामकाजी भाषा बूझि न पावय के नाते पाठ कै विषयवस्तु नाही बूझि पावत हैं । यही नाते अधिकतर लोग कक्षा मे बढिया से नाही बूझि पावत हैं । जवने के नाते ऊ लोगन का कक्षा दोहरावय के परत है अन्त मे निरुत्साहित होइके ऊ लोग कुलि मिलाय कै स्कूल छोडि देत है ।

**सवाल २ : मातृभाषा पर आधारित शिक्षा काव होय औ यी विद्यार्थिन का सफल होय के खातिर कइसय मदत करत है ?**

मातृभाषा पर आधारित बहुभाषी शिक्षा कार्यक्रम विद्यार्थिन कै पहिला या घर के भाषा मे शुरु होत है । येसे विद्यार्थी के विद्यालय कै कामकाजी भाषा औ जरूरत के अनुसार कै अउरो भाषन के सिखाई मे रफतार औ आत्मविश्वास बढावय मे मदत मिलत है । यकरे साथवय स्तरीय शिक्षा पावय के खातिर ऊ लोगन मे अपने औ कामकाजी दूनव भाषा प्रयोग करय के खातिर प्रेरित करत है ।

प्रभावकारी बहुभाषी शिक्षा कार्यक्रम अल्पसङ्ख्यक भाषिक समुदाय के विद्यार्थिन का मुख्य भाषा (कामकाजी भाषा) मे पढाई होय वाले विद्यालय मे देखायमान तमाम शैक्षिक समस्यन का समाधान करय मे मदत करत है ।

**मूलधार के स्कूल कै समस्या :** पढाई शुरु करत कै विद्यार्थी सै स्कूल कै भाषा बोलय कै आशा करत है, विद्यार्थी भले ऊ नवां भाषा कबव न सुने होय ।

नेपाल के मूलधार वाले विद्यालय के कक्षा कोठरी मे भाषा प्रयोग के बारे मे एक जने विशेषज्ञ कै आखिन देखा हाल यहि किसिम कै है :

जब हम स्कूल मे देखेन तो हम्मय विद्यार्थी का मातृभाषा प्रयोग करयक न देवय खातिर किहा जाय वाले उपाय पता लाग । उदाहरण के खातिर शिक्षक कक्षा मे खाली नेपाली भाषा बोलत रहें औ खाली नेपाली भाषा सिखावत रहें । यकरे साथय विद्यालय कै हरेक काम नेपाली मे होत रहा । येसे लरिकन पर आपन भाषा छोडय खातिर मनोवैज्ञानिक दबाव परत है । अङ्ग्रेजी के कक्षा मे हम अङ्ग्रेजी का छोडि के दूसर भाषा न बोलय पावयक नियम बना पायन । यइसन नियम बना विद्यालय मे अङ्ग्रेजी बाहेक कै दूसर भाषा बोलय वाले विद्यार्थी कम अङ्क पावत है ।<sup>१</sup>

बहुभाषी शिक्षा समाधान : विद्यार्थी लोग अपने घर कै या पहिला भाषा प्रयोग कइकै पढाई शुरु करत है । यककय कक्षा मे यदि एक से ढेर भाषाभाषी समुदाय कै विद्यार्थी है तो कवनो एक स्थानीय भाषा का सम्पर्क भाषा के रूप मे प्रयोग कइ सका जात है ।

**मूलधार के स्कूल कै समस्या :** विद्यार्थी का नवां भाषा बूझय औ वहि भाषा मे नवां धारणा कै प्रयोग करय के खातिर शब्द भण्डार चाही । लेकिन जरूरत के अनुसार कै शब्द भण्डार बनावय से पहिलेन विद्यार्थिन का नवां भाषा के माध्यम से अमूर्त धारणा सिखय के परत है ।

बहुभाषी शिक्षा समाधान : शुरु के कक्षा मे शिक्षक लोग शैक्षिक धारणा सिखावय के खातिर विद्यार्थी लोगन के जानल भाषा कै प्रयोग करत है । साथय साथ विद्यार्थी लोग नवां भाषा पहिले बोलाई औ बाद मे पढाई औ लिखाई के माध्यम से सिखयक शुरु करत है । जइसै जइसै लरिके बिटियय नवां भाषा सिखत जात है, शिक्षक लोक वही हिसाब से वहि भाषा का पढाई के माध्यम के रूप मे प्रयोग

३. अवस्थी, लवदेव २००४. एकस्लोरिड स्कूलप्रेक्टिसेज इन मल्टिलिंगुअल नेपाल पीएचडी शोधग्रंथ, कोपेनहेगेन : डेनिस युनिभर्सिटी ऑफ एजुकेशन, पृ. १९७ ।

करय लागत है। बकिर ऊ लोगन का नवां बाति सिखावय के खातिर, वन लोग काव सिखिन यी बाति जाचय के खातिर औ न बूझा बाति बुझावय के खातिर शिक्षक लोग वन लोगन के घर कै भाषा प्रयोग करिहै।

विद्यार्थी का एक वाजी अपने भाषा मे कवनो बाति समझय के बाद दुसरे भाषा मे फिर उहय बाति सिखय कै जरूरत नाही परी। ऊ लोगन का वहि भाषा मे जाना बाति का दुसरे भाषा मे कहय के खातिर खाली नवा भाषा के शब्द भण्डार कै जरूरत परी। यही नाते बहुभाषिक शिक्षा कार्यक्रम से जुडा शिक्षक लोग कहत है कि 'यी पहिलावाजी होय कि हमार विद्यार्थी यहि धारणन का समझे होइहै।'

बढिया से योजना के बनाय कै चलावा मातृभाषा पे आधारित बहुभाषिक शिक्षा कार्यक्रम से नीचे दिहा जेस विद्यार्थी तयार होइ है :

- बहुभाषी : ऊ लोग स्कूल मे पढत के रोज छलफल मे दुई वा दुइ से ढेर भाषा कै प्रयोग करत है।
- बहु साक्षर : ऊ लोग दुई वा दुई से ढेर भाषा मे पढलिखि सकत है।
- बहुसांस्कृतिक : अपने संस्कृति औ समुदाय के प्रति माया मोह औ आदर कायमै राखत ऊ लोग अपने समुदाय के बहरे कै मनइन के साथे सहजय घुलमिल कइके आवश्यक काम कइ सकत है।



### सवाल ३ : लरिकन कै पहिला भाषा से स्कूल कै कामकाजी भाषा के ओर जाय कै प्रक्रिया काव होय ?

यदि शिक्षक तालिम पाये हैं औ विद्यार्थी के घर कै औ विद्यालय कै दूनव भाषा मे स्तरीय सामग्री मौजूद है तो भाषा सिखावय कै काम जल्दी होइ सकत है । बकिर एशिया औ प्रशान्त क्षेत्रके अनुभव से यी देखा गा है कि शिक्षक लोगन का पेशा अनुसार कै तालिम नाही मिला है, पढय पढावय वाला सामान सीमित है औ स्कूल से बहरे विद्यार्थिन का नवां भाषा सिखय कै मक्का कम है तो, धीरेन धीरे आगे बढव उचित रही । यइसन किहे से विद्यार्थी औ शिक्षक केहू में दुविधा नाही रही ।

मातृभाषा पर आधारित बहुभाषिक शिक्षा कै एकठू अन्तरनिहित सिद्धान्त यी होय कि विद्यार्थी लोग तब्बय बढिया से सिख पावत हैं, जब ऊ लोग नवां तथ्य, धारणा औ भाषा जानय खातिर आपन पहिलेन से जाना भाषा, ज्ञान औ अनुभव कै प्रयोग करत हैं । यही नाते बहुभाषिक शिक्षा कार्यक्रम पहिला भाषा मे मजबूत शैक्षिक आधार बनाय कै दुसरे भाषा तक पहुचय वाला पुलह बनावय मे विद्यार्थिन का मदत करत है ।

**पहिला भाषा मे सुरुवात :** बढिया बहुभाषिक शिक्षा कार्यक्रम मे विद्यार्थी लोग बढिया से बोलय औ समझय वाले भाषा मे पढाई शुरु कइके एक सबल शैक्षिक आधार बनावयक शुरु कइ देत हैं । पाठ मे विद्यार्थी के ज्ञान औ अनुभव का जोडि कै नवां विषय दिहा रहत है । पहिला भाषा मे बना यिहय आधार विद्यार्थी का दुसर भाषा बढिया से सिखय मे मदत करत है । अनुसन्धान से पता चलत है कि पहिला भाषा मे बनावे यी आधार विद्यार्थिन का नवां भाषा सफलतापूर्वक सिखय मे विशेष रूप से मदत करत है ।

*विद्यार्थिन के अपने मातृभाषा के विकास कै स्तर ऊ लोग मे दुसर भाषा विकास कै सबल सम्भावना देखावत है । अपने मातृभाषा मे मजबूत आधार बनावय वाले लरिके बिटियु स्कूलव के भाषा मे मजबूत साक्षरता क्षमता (सामर्थ्य) कै विकास करत हैं ।<sup>४</sup>*

**नवां भाषा मे जाय खातिर पुलह कै निर्माण :** अपने घर के भाषा मे शैक्षिक आधार बनावय के बाद विद्यार्थी लोग नवां भाषा मे पहिले बोलय औ फिर लिखय औ पढय के सिखत है । यकरे बावजूद ऊ लोग नवां भाषा मे आधारभूत क्षमता हासिल करतय भरेम आपन पहिला भाषा नाही छोडि देत हैं । बलुक कम्ती मे प्राथमिक तह तक के सिखाई मे दूनव भाषा प्रयोग करत है ।

४. कमिन्स, जे. २०००. वाइलिंगुअल चिल्ड्रेन्स मदर टङ : [वाई इज इट इम्पोर्टेंट फॉर एजुकेशन ?

<http://www.iteachilearn.com/cummins/mother.htm> (१७ नवंबर २००६ में प्राप्त)

विद्यार्थी लोग प्राथमिक विद्यालय मे दुई वा दुई से ढेर भाषा मे आपन क्षमता बढावत जात हैं औ ऊ लोग भाषा का गहन रूप से बूझत औ ओकरे प्रभावकारी प्रयोग कै क्षमता विकसित करत है । वन लोग भाषा प्रक्रिया कै आउर से ढेर अभ्यास करत हैं । यइसन लोग दूनव भाषा मे साक्षर होय के बाद दुई अलग अलग भाषा मे यथार्थ का कवने रूप मे व्यवस्थित किहा है, यहू कै तुलना औ विवेचना करय लायक होइ जात हैं ५

सबसे पहिले विद्यार्थी के पहिला भाषा से शरु कइकै धीर धीरे पहिले मुहजबानी औ बाद मे लिखित रूप मे नवां भाषा से परिचित करावा जात है । भाषा शिक्षण के खातिर सामान्य रूप मे चार चरण कै निर्धारण कइ सका जात है (नवां भाषा सिखय के खातिर अउरो चरण कै जरुरत परि सकत है) । हरेक चरण वकरे पहिले कै चरण पर आधारित होत है औ हरेक चरण मे शिक्षक लोग लरिकन काँ पहिले से सिखा बातीन कै सबलीकरण करत है ।

उचित भए आउर भाषा थपा जाय  
पहिला भाषा के साथय दुसरे भाषा मे  
मौखिक औ लिखित रूप कै निरन्तरता

दुसरे भाषा मे पढाई औ लिखाई सुरु  
पढावय औ सिखावय के खातिर पहिला  
के साथय दुसरे भाषा कै प्रयोग शुरु

मौखिक रूप मे कामकाजी (दूसर) भाषा के प्रयोग कै सुरुवात  
पहिले भाषा का मौखिक औ लिखित दुनव रूप मे निरन्तर प्रयोग,  
पढावय औ सिखावय मे पहिला भाषा कै निरन्तर प्रयोग

पहिला भाषा मे पढावय औ लिखावय कै सुरुवात  
पहिला भाषा मे मौखिक विकास कै निरन्तरता  
पढावय औ सिखावय मे पहिला भाषा कै प्रयोग

पहिला भाषा मे मौखिक रूप से सुनय औ बोलय के खातिर क्षमता के साथय आत्मविश्वास कै विकास  
(सुरु सुरुमे स्कूल जाय वाले लरिकन बिटियन के खातिर)

प्राथमिक तह में शिक्षा कै चरण ७

५. कमिन्स, जे. २००० वाइलिंगुअल चिल्ड्रेन्स मदर टड : ट्वाई इज इट इम्पोर्टेंट फार एजुकेशन  
<http://www.iteachilearn.com/cummins/mother.htm> (१७ नवंबर २००६ मे प्राप्त)

६. पहिला भाषा : लरिकन बिटियन घर कै/पैतृक भाषा, ऊ लोग कै सब से बेसी जाना भाषा दूसर भाषा : लरिकन बिटियन कै दूसर/कामकाजी/राष्ट्र भाषा

७. मेलोन, एस. २००५ प्लानिड कम्युनिटी-बेस्ड एजुकेशन प्रोग्राम्स इन माइनारिटी लैंग्वेज कम्युनिटिज रिसोर्स मैनुअल फार मदर टड स्पीकर्स ऑफ माइनारिटी लैंग्वेजेज इंगेज्ड इन प्लानिड एण्ड इम्प्लमेंटेड एजुकेशन प्रोग्राम्स इन देअर वोन कम्युनिटिज पर आधारित ।

**सवाल ४: मातृभाषा पर आधारित बहुभाषिक शिक्षा का प्रभावकारी रूप से लागू करय के खातिर काव काव चाहीं ?**

संसार भर के बहुभाषिक शिक्षा कार्यक्रम पर किहा एक अध्ययन के अनुसार सफल औ दीर्घजीवी कार्यक्रमन मे यहि किसिम के कुछ समान रूप के विशेषता पावा गा है :

१. अल्पसङ्ख्यक भाषिक समुदाय कार्यक्रम के योजना बनावयक, लागू करयक, मूल्याङ्कन करयक औ वोकां स्थायित्व देवय के साभा जिम्मेवारी लेत है ।
२. सरकारी निकाय, गैरसरकारी संस्था, विश्व विद्यालय औ आउर इच्छुक सङ्घ संस्थन के कार्यक्रम मे मिलिकै काम करत है ।
३. कार्यक्रम के सम्पूर्ण पक्ष खास कइके तालिम, सामग्री औ स्थानीय शिक्षक के पारिश्रमिक के खातिर जरूरी रकम का छुटियावा जात है ।
४. विद्यार्थी अभिभावक औ ऊ लोगन के समुदाय आपन शैक्षिक लक्ष्य पावय खातिर सहयोग करय वाले कार्यक्रमन से होय वाले फाइदा के बारे मे जाने रहत है ।

यइसन कार्यक्रमन का लागू करय औ कायम राखय के खातिर कुछ यहि किसिम के सामान्य क्रियाकलाप किहा जात है :



उप्पर के रेखा चित्र मे दिहा समूचा क्रियाकलाप कार्यक्रम लागू करय वाले लोगन के जिम्मेवारी मे भित्तर नहियव परि सकत है । उदाहरण के खातिर बहुभाषिक शिक्षा कार्यक्रम के खातिर सहयोग नीति बनावय मे औ सुरक्षित कोष खडा करय मे ऊ लोग सहभागी नहियव होइ सकत है । बकिर आउर क्रियाकलाप मे ऊ लोग बेसी से बेसी सहभागी होइ है । यहि क्रियाकलापन के बारे के छोट औ सामान्य परिचय नीचे दिहा है ।

**सहयोगी राजनीतिक वातावरण निर्माण :** मातृभाषा पर आधारित बहुभाषिक शिक्षा कार्यक्रम में राजनीतिक और आर्थिक सहयोग लेवय के खातिर नीति निर्माता और आउर निकायन का परिचालित करय के परत है। यकरे खातिर ऊ लोगन का कार्यक्रम और फाइदा के बारे में स्पष्ट जानकारी देय के चाहीं। कार्यक्रम संचालक लोग मिलि कै अनुकूल राजनीतिक वातावरण बनावय खातिर लरिकन काँ पूर्व प्राथमिक शिक्षा और स्कूल छोड़य के बाद दिहा जाय वाला शिक्षा कै छोट छोट अनौपचारिक कार्यक्रम बनाय कै शुरू कइ सकत है। यी काम औपचारिक नीति बनय से पहिलवय कइ सका जात है। यइसन छोट छोट निजी कार्यक्रम का सफल होय के बाद वोसे बहुभाषिक शिक्षा कार्यक्रम कै महत्व स्पष्ट होत है और कार्यक्रम खातिर जरूरी राजनीतिक सहयोग जुटावय में मदत पहुचत है।

कार्यक्रम सञ्चालक लोगन कै ऊँच तह कै सरकारी अधिकारी तक पहुच या ऊ लोगन के नीति निर्माण के तह में आवाज पहुचावय के स्थिति नहियव होइ सकत है। यकरे बाबजूद आउर भाषिक समुदाय, सरकारी निकाय, गैरसरकारी संस्थान के साथे सरकारी सम्बन्ध कै विकास कइ सका जात है। अकेलय से अच्छा मिली कै काम किहे पर यइसन समूह कै आवाज बेसी शक्तिशाली होत है। यही नाते उप्पर कहा परिवर्तन लावय खातिर और वोकां कायम राखय के खातिर सम्बन्ध बढ़ावय के काम का हरदम प्राथमिकता देवय के चाहीं।



© बिक्रम मणि त्रिपाठी

**योजना के खातिर सूचना संकलन :** सफल कार्यक्रम बढ़िया योजना से सुरु होत है और बढ़िया योजना के खातिर बढ़िया सूचना चाहीं। नीचे दिहा सवाल कै जवाफ बढ़िया बहुभाषिक शिक्षा कार्यक्रम कै योजना बनावय के खातिर कुछ जरूरी सूचना देवय में मदत करी :

भाषिक समुदाय कै लोग आपन अबहिन तक के शैक्षिक अवस्था के बारे मे का कहत है ? (अपने लरिकन बिटियन कै शिक्षा के खातिर ऊ लोगन कै लक्ष्य का है ? वन लोगन कै समस्या औ जरुरत कइसन कइसन है ?)

- बहुभाषिक शिक्षा कार्यक्रम शुरु करय खातिर कवन कवन अल्पसङ्ख्यक समुदाय तयार है । (शिक्षा सम्बन्धी उद्देश्य के खातिर ऊ लोग अपने भाषा के विकास कै अटोट लिहे है ? वन लोग शिक्षक औ लेखक लोगन कै खोजी किहे है ? वन लोगन के लगे कक्षा चलावयक जगह है ? ऊ लोग यइसन कार्यक्रम लागू करयक औ मिलिकै चलावयक इच्छुक है ?
- स्थानीय भाषा कै स्थिति कइसन है ? (येकर मातृभाषी वक्ता, शिक्षविद, औ सरकारी अधिकारिकन कै मान्यता दिहा लेखन पद्धति है ?)
- कवन कवन स्रोत प्रयोग कइ सका जात है ? (तालिम कहा होत है ? तालिम के देत है ? कक्षा कै निरीक्षण के करत है ? बहुभाषिक शिक्षा पाठ्यक्रम बनावय मे के मदत करत है ?, विद्यार्थिन के भाषा मे पाठ्य सामग्री के बनावत है ?)
- कार्यक्रम लागू करय औ येकां दीर्घकालिक बनावय मे कवन कवन बाति बाधा पुरियाय सकत है औ समस्या है तो समाधान का होइ सकत है ? (तालिम, निरीक्षण औ सामग्री का बाटय खातिर यातायात कै समस्या है कि ? स्थानीय तहय मे तालिम दइ सका जात है कि ? आउर शिक्षक लोगन के निरीक्षण करय के खातिर वही आसपास से केहू का मुख्य शिक्षक के रुप मे राखि सका जात है कि ?)
- मिला प्रतिवेदन औ आउर अभिलेख के आधार पर भाषा औ शिक्षा कै स्थिति आज के दिन मे कइसन देखात है ? (हरेक भाषिक समुदाय कै केतना प्रतिशत लरिके स्कूले जात है ? वहि मध्ये केतना लोग कक्षा ६ औ केतना लोग कक्षा १० तक पढे है ? केतना प्रतिशत प्रौढ लोग छपा सामान पढि सकत है ? कवने कवने भाषा मे पढि सकत है ?






## भाषा प्रयोग के बारे में भाषिक समुदाय कै धारणा<sup>८</sup>

नेपाल के भाषिक विविधता के स्थिति के बारे में किहा एक अध्ययन के अनुसार विभिन्न मातृभाषी लोग अपने अपने मातृभाषा के बारे में सकारात्मक धारणा राखत हैं। नेपाल के ७८ ठउर भाषा कै भाषिक संस्था कै प्रतिनिधि औ आउर लोगन का पूछा गै रहा 'आपका मुख्य भाषा कै वक्ता के आगे आपन मातृभाषा/पहिला भाषा बोलत के गौरव लागत है/दुःख लागत है/कवनो अनुभव नाही है ?' बहिमध्ये ७६ ठू (९७ प्रतिशत) भाषा कै वक्ता अपने मातृभाषा का बोलत के गौरव लागत है बताइन तो दुई भाषा (बराम औ संस्कृत) कै वक्ता लोग हमरे नेपाली भाषा का पहिला भाषा के रूप में प्रयोग करय लागा गा है। यही नाते हम्मन का कवनो अनुभव नाही है' कहिकै तटस्थ जबाफ दिहिन। येसे यी स्पष्ट होत है कि नेपाल कै लगभग हरेक मातृभाषी वक्ता अपने भाषा का प्रतिष्ठापूर्ण मानत है।

### मातृभाषा प्रयोग करत के कइसन लागत है ?

सङ्ख्या - ७८

- गौरव लागत है।
- कवनो अनुभव नाही होत।



८. यादव, योगन्द्रप्रसाद औ आउर लोग (तैयारी के क्रम में) लिंग्विस्टिक डाइभर्सिटी इन नेपाल : सिचुएशन एण्ड पॉलिसी प्लानिङ।

## अनौपचारिक प्रौढ शिक्षा कार्यक्रम के खातिर प्रारम्भिक अनुसंधान<sup>९</sup>

फिलिपिन्स कै अनौपचारिक शिक्षा ब्यूरो विभिन्न भाषिक समुदाय मे “पहिला भाषा पहिले” नाँव कै द्विभाषिक कार्यक्रम शुरु किहिस । बकिर पाठ्य सामग्री औ तालिम प्राप्त सहजकर्ता लगायत कै स्रोत सामाग्रिन कै कमी के नाते, सोचे जइसन सारा कार्यक्रम योजनाबद्ध ढंग से लागू नाही होइ पाय । वहि मध्ये कै एक दीर्घकालिक रूप मे चला वतान कै मोरोड्मा मक्विकिन भाषिक समुदाय के आदिवासी जनतन कै शिक्षा कार्यक्रम होय । यहि कार्यमूलक अनुसन्धान परियोजना कै दुइ चरण हैं । पहिले चरण मे सिखाई के खातिर जरुरी चीज कै पहिचान करयक औ स्थानीय पाठ्यक्रम के साथे पाठ्य सामग्री बनावय मे जोड दिहा है । दुसरे चरण मे पाठ्य सामग्री कै उत्पादन, क्षमता विकास औ विद्यार्थिन कै समूह बनावयक काम भय । कार्यक्रम कै सहजकर्ता लोग भाषिक समुदाय कै लक्ष्य औ जरुरत के बारे मे वनही लोगन से पता लगावय के खातिर ढेर रणनीति प्रयोग किहे रहें । यहि कार्यक्रम के प्रतिवेदन मे वहि अनुसन्धान कै रणनीतियव सामिल किहा है । ऊ यहि किसिम कै है :

- कार्यमूलक अनुसंधान के माध्यम से सूचना एकट्ठा करय खातिर परियोजना कै उद्देश्य औ प्रक्रियन पर अभिमुखीकरण सत्र केन्द्रित किहा जाय ।
- समुदाय कै नेता औ आउर सदस्य लोगन के साथे सम्बन्ध बढावय के खातिर समुदाय के साथे संवाद कार्यक्रम किहा जाय ।
- समुदाय के बारे मे सूचना लेय खातिर खास खास बिषय मे समूहगत छलफल चलावा जाय ।
- समूह छलफल से मिला सूचना का प्रमाणित औ आउर सूचना जोडय खातिर दुआरे मोहारे कार्यक्रम चलावय औ समुदाय के खास खास सदस्य लोगन कै अन्तर्वाता लेय ।

यी कार्यक्रमन के माध्यम से समुदाय से मिला सूचनन के आधार पर वन लोगन के जरुरत औ समस्या के बारे मे जानकारी मिला । फिर वहि जरुरत औ समस्या का बर्गीकृत किहा गय औ प्राथमिकता क्रम मे राखा गय । कार्यक्रम कै सहजकर्ता यहि जरुरतन औ समस्यन का अनौपचारिक शिक्षा कार्यक्रम मे खास समुदाय के खातिर पाठ्यक्रम बनावत कै ध्यान दिहिन ।

**जनचेतना अभिवृद्धि औ साभेदार लोगन कै परिचालन :** बहुभाषिक शिक्षा कार्यक्रम मे जेसे जेसे सहयोग लेय के है, ऊ लोगन का बहुभाषिक शिक्षा कै उद्देश्य औ फाइदा के बारे मे जानकारी देय कै जरुरत है । जनचेतना बढाइ कै औ विभिन्न कार्यक्रम कइके वन लोगन का बहुभाषिक शिक्षा कार्यक्रम मे मिलिके योजना बनावयक, लागू करयक औ वोका मदत करयवाले हिसाब से उत्साहित बनावय वाला सूचना देवय

९. भाल्लेस, एम.सी. २००५. एक्शन रिसर्च ऑन द डिभेलप्मेंत ऑफ एक इंडिजेनस पीपुल्स एजुकेशन प्रोग्राम फॉर द माग्विकिन ट्राइब इन मोरोड, बतान, फिलिपिंस, युनेस्को, फर्स्ट लैंग्वेज फर्स्ट : कम्युनिटी - वेस्ड लिटरसी प्रोग्राम्स फॉर माइनारिटी लैंग्वेज कंटेक्स्ट इन एशिया बैकक, युनेस्को, पृ. १८१-१९५ ।

के चाहीं, जवने के माध्यम से वन्हय कार्यक्रम कै योजना लागू करय औ सहयोग करय वाले लोगन के साथे मिलिकै काम करयक उत्प्रेरित करी । अइसन क्रियाकलाप समुदाय, जिल्ला, प्रान्त या राष्ट्रिय स्तर पर चलावा जाय सकत है ।

**समुदाय मे जनचेनता अभिवृद्धि औ परिचालन :** अल्पसङ्ख्यक समुदाय जे सालव साल से भेदभाव औ अपहेलना का भेलत आ है, समझि सकत है कि वनके भाषा औ संस्कृति कै कवनो मोल नाही है । वन लोग यिहव मानि सकत है कि जेतना जल्दी होइ पावय लरिकन का 'सत्ता कै भाषा' सिखाइव फाइदेमन्द रही । वन लोगन का डेर है कि यदि कक्षा मे हमरही लोगन कै भाषा प्रयोग भय तौ वन लोगन के लरिकन का कामकाजी या मुख्य भाषा सिखय कै बहुत कम अवसर मिली ।

अइसने सोच का बदलय के खातिर, जनचेतना वृद्धि कार्यक्रम कै बहुभाषिक शिक्षा कै शैक्षिक औ सांस्कृतिक दूनव के महत्व पर केन्द्रित होय के चाहीं । अइसने क्रियाकलाप मे बहुभाषिक शिक्षा के बारे मे अभिभावक औ समुदाय के आउर सदस्यन से बातचीत, वहि लोगन के तयार पाठ्य सामग्री कै प्रदर्शन, नाटक या हास्यव्यङ्ग्य (उदाहरण के रूप मे विद्यार्थिन के न बूझय वाले भाषा कै प्रयोग करत के कक्षा मे पढावत कै दृश्य औ विद्यार्थिन के घर के भाषा मे शिक्षक के पढावत कै दृश्य) औ वकरे बाद मे हास्य व्यङ्ग्य से मिला सनेस पर बातचीत, अउरो समुदाय के बहुभाषिक शिक्षा कक्षा कै अवलोकन भ्रमण या अन्तरक्रियात्मक बहुभाषी कक्षा कै श्रव्य दृश्य सामग्री (भिडियो) प्रदर्शन जइसन क्रियाकलाप कइ जाय के चाहीं ।



## प्राथमिक स्कूल कार्यक्रम के खातिर समुदाय स्तर पर जनचेतना वृद्धि अभियान<sup>10</sup>

फिलिपिन्स मे शिक्षा के क्षेत्र मे काम करय वाले लोग एकठू स्थानीय समुदाय मे भ्रमण किहिन । ऊ लोग विद्यालय मे चला बहुभाषिक शिक्षा कार्यक्रम के बारे मे अभिभावक लोगन से बातचीत किहिन । कुछ अभिभावक लोग अबहिन तक बहुभाषिक शिक्षा कार्यक्रम के बारे मे पूरा पूरा जानि नाही पाये रहें । यकरे साथय ऊ लोग यहू बाति का लइकै चिन्तित रहें कि कहुँ ऊ लोगन कै लरिके देश कै कामकाजी भाषा फिलिपिनो औ अङ्ग्रेजी का बढिया से सिखय मे पीछे न रहि जाय । भ्रमण मे जाय वालेलोग वन लोगन का बहुभाषिक शिक्षा कार्यक्रम के बारे में बढिया से बताइन कि यी कार्यक्रम ऊ लोगन के लरिकन ब्रिटियन का वनही लोगन के घर के भाषा मे सबल शैक्षिक आधार बनावय में औ कामकाजी भाषा तक पहुचय के खातिर बढिया से पुल्ह बनावय मे मदत करी । भ्रमणकर्ता लोग अभिभावक लोगन के सवाल कै सावधानीपूर्वक जवाफ दिहिन औ देश के आउर जगहिन कै उदाहरणव दिहिन । बैठक के अन्त में अभिभावक लोग कहिन कि हमरे कार्यक्रम चलाइब । लेकिन आप लोग मनला जाव औ यहि बाति कै ग्यारेन्टी करय खातिर तयार करौ कि वन लोग हम्मन के लरिकन के खातिर सबल शैक्षिक आधार औ कामकाजी भाषन तक पहुचय के खातिर मजबूत पुल्ह बनावय मे मदत करिहैं ।

**जिल्ला औ प्रान्तीय तह में जनचेतना वृद्धि औ परिचालन :** यदि स्थानीय, जिल्ला औ प्रान्तीय स्तर कै शिक्षा अधिकारी लोग प्राथमिक स्कूलन मे गैर कामकाजी भाषा के प्रयोग कै कारण नाही बूझे है तो ऊ लोगन का बहुभाषिक शिक्षा मे सहयोग करय मे कठिनाई होई । यही नाते स्थानीय, जिल्ला औ क्षेत्रिय तह कै शिक्षा अधिकारिन का बहुभाषिक शिक्षा कार्यक्रम कै काहे जरूरत है ? येकर उद्देश्य का होय ? औ येसे का फाइदा होत है ? यहि बाति कै जानकारी देय के चाहीं । वन लोगन का बहुभाषिक शिक्षा कार्यक्रम लागू करय औ येकां सहयोग करब जरूरी है, यहि बाति पर पूर्ण रुप से आश्वस्त बनावइब जरूरी है ।

**परिचालन कार्यक्रम मे यी कुलि बाति परत है :**

- स्कूल कै कामकाजी भाषा न बोलय वाले विद्यार्थिन कै शैक्षिक समस्यन के बारे मे वहि विद्यार्थिन का अल्पसङ्ख्यक समुदाय के सदस्य लोगन से बातचीत करावा जाय,
- ऊ लोगन का अपनेन साथे शिक्षा कक्षन कै भ्रमण करयक औ यइसन कक्षन कै भिडियो देखाइ के वहि बारे मे छलफल किहा जाय,
- सुरुवाती अनुसन्धान, तालिम, कार्यशाला औ पाठ्यक्रम विकास मे वन लोगन का सामिल करावा जाय, औ
- कइसय सफल कार्यक्रम बनाववा जाय के चाहीं, यहि विषय पर नवां सिरा से सोचय के खातिर ऊ लोगन का उत्साहित करय के चाहीं ।

## पूर्व प्राथमिक शिक्षा के खातिर प्रान्तीय तह मे जनचेनता वृद्धि कार्यक्रम<sup>99</sup>

जब काउगेल भाषिक समुदाय कै सदस्य लोगन अपने लरिकन बिटियन के खातिर पूर्व प्राथमिक मातृभाषा शैक्षिक कार्यक्रम शुरू किहिन, तो सबसे पहिले ऊ लोग अपने भाषा कै शिक्षा सङ्गठन खडा किहिन औ एकठू गैरसरकारी संस्था के रूप मे सरकारी निकाय मे दर्ता कराइन। कार्यक्रम कै सङ्योजक, जे कि एक स्कूल कै पूर्व शिक्षक रहें, यी बाति बूझिन कि यदि स्थानीय कार्यक्रम शुरू करय के है, तो प्रान्तीय शिक्षा कार्यालय के अधिकारिन के ओर से स्वीकृत औ अनुमोदित होय के परा। सङ्योजक कार्यक्रम के खातिर तैयार किहा कक्षा अनुसार कै काउगेल भाषा कै पाठ्यसामग्री कै नमूना लइकै प्रान्तीय राजधानी के शिक्षा कार्यालय मे पहुचें। वन तालीम कै कार्यशाला औ कक्षन का अवलोकन करय के खातिर प्रान्तीय शिक्षा अधिकारी का नेवता दिहिन औ शिक्षा कार्यालय मे नियमित रूप से कार्यक्रम सम्बन्धी प्रतिवेदन भेजत गयें। यकरे साथय साथ काउगेल सङ्योजक पूर्व प्राथमिक कार्यक्रम चलावय के इच्छा राखय वाले अउरो भाषिक समुदाय के लोगन का तालीम देवय मे सहयोग करय खातिर प्रान्तीय शिक्षा अधिकारी से सहयोग करय के कहिन। काउगेल कार्यक्रम औ प्रान्तीय शिक्षा कार्यालय के बीच कै यहि सम्बन्ध से दोहरा फायदा भय। काउगेल प्रशिक्षक लोग शिक्षक तालिम कार्यशाला मे सहयोग किहिन तो शिक्षा कार्यालय काउगेल कार्यक्रम का कक्षा कोठरी खातिर सामान दिहिस। सन् १९८४ मे शुरू भवा काउगेल भाषा मे पूर्व प्राथमिक शिक्षा कार्यक्रम बीस बरिस तक बढिया से चलत आ है। आज 'काउगेल पहिला' कार्यक्रम पपुआ न्युगिनी के शिक्षा मे समेटा है।

**राष्ट्रीय तह मे जनचेतना बढाइब औ परिचालन :** नीति बनावय वाले औ आउर सरकारी अधिकारिन का देश के भित्तर औ बहरे उम्दा कार्यक्रमन कै भ्रमण करावय के चाहीं। यी सबसे बढिया जनचेतना बढावय वाला क्रियाकलाप होय। बहुभाषिक शिक्षा पर केन्द्रित राष्ट्रिय या क्षेत्रीय स्तर कै सम्मेलन औ कार्यशाला कै आयोजना दुसरे रणनीति के रूप मे आय सकत है।

११. काउगेल भाषा कै कार्यक्रम मे सन् १९८२ से १९८७ तक काम करत के लेखक के अनुभव पर आधारित ?

## बहुभाषिक शिक्षा के बारे मे राष्ट्रिय तह मे जनचेतना बढावय खातिर बहुभाषिक शिक्षा सम्मेलन

नेपाल मे शिक्षा तथा खेलकूद मन्त्रालय, त्रिभुवन विश्व विद्यालय (भाषा विज्ञान केन्द्रिय, विभाग औ नेपाली तथा एशियाली अनुसन्धान केन्द्र) युनेस्को औ एस आइ एल इन्टरनेशनल के आयोजना मे अक्टूबर १२, २००७ मे बहुभाषिक शिक्षा सम्मेलन शुरु भा रहा । येकर मुख्य उद्देश्य बहुभाषिक शिक्षा कार्यक्रम के औचित्य, सिद्धान्त औ ब्यवहार के बारे मे साझा अवधारणा बनावय के खातिर मुख्य साभेदार लोगन का एक जगही लावयक रहा । यकरे साथय सम्मेलन कै लक्ष्य सहभागिन मे नेपाल का बहुभाषिक शिक्षा के खातिर विचार निर्माण के साथय योजना औ दृष्टिकोण विकास करय के खातिर ब्यवसायिक अन्तरक्रिया कै बातावरण बनाइव रहा । यी सम्मेलन खास कइके बहुभाषिक शिक्षा कार्यक्रम कै योजना कइसन बनावे जाय, कइसय लागू किहा जाय यहि बारे मे रुची लेवय वाले मनईन के खातिर बढी उपयोगी देखान ।

सम्मेलन कै मुख्य विषय यहि किसिम कै रहा :

- काहे हरेक अनुसंधान अल्पसङ्ख्यक भाषिक समुदाय के लरिक्न बिटियन का शिक्षा के दृष्टि से पाछे परा देखावत है ?
- बहुभाषिक शिक्षा से कवन कवन फाइदा है ?
- अनुसन्धान बहुभाषिक शिक्षा के बारे मे काव काव कहत है ?
- बहुभाषिक शिक्षा कार्यक्रम के सफलता औ दीर्घजीवीपना के खातिर काव काव चाही ?

अन्तमे सहभागिन कै सयुक्त प्रयास से नेपाल के सन्दर्भ मे बहुभाषिक शिक्षा कै विस्तार सम्बन्धी निम्नलिखित सुझाव आय रहे :

का करय के चाही ?	कइसय करय के चाही ?	केका करय के चाही ?
<b>बहुभाषी कक्षा खातिर</b>		
शिक्षक लोग का जरूरत वाले जगही एक से बेसी भाषा कै प्रयोग करय के चाही, या मातृभाषी सहायक लोग कै व्यवस्था करय के चाही ।	शिक्षक लोगन का मूल्यांकन औ तालीम कै व्यवस्था औ बहुभाषी शिक्षण-सिखाई सामग्री कै विकास होय के चाही ।	शिक्षक/विश्वविद्यालय/आउर निकाय का करय के चाही ।
विद्यार्थी केन्द्रित शिक्षण-सिखाई सामग्री (विद्यार्थिन कै बनावा) कै प्रयोग करय के चाही ।	विद्यार्थी के नवा सामग्री बनावय के औ अपने रचनात्मक इलिम कै उपयोग करय के चाही ।	विद्यार्थिन का करय के चाही ।
ढेर समूह बनावा नाही जाय सकय तब्वव कक्षा कै भाषा के आधार पर विभिन्न समूह मे बाटय के चाही ।	कक्षा में कुल भाषा कै पहिचान कइके सहायक शिक्षक लोगन कै व्यवस्था करय के चाही ।	स्कूल व्यवस्थापन समिति का करय के चाही ।
<b>समूचे विद्यार्थिन के खातिर उपयुक्त स्कूल बनावय के खातिर</b>		
मातृभाषा पर आधारित शिक्षा में शिक्षक के दक्ष होय के चाही । (दक्ष शिक्षक औ जरूरत अनुसार कै साधन सब कै व्यवस्था करय के चाही)	तालीम, अनुभव, पुरस्कार औ डंड कै व्यवस्था करय के चाही ।	शिक्षक का करय के चाही ।
मातृभाषा पर आधारित बहुभाषी शिक्षा के प्रति सचेत होय के चाही औ शिक्षण-सिखाई में शामिल होय के चाही ।	अभिभावकका शिक्षा दइके समुदाय के जानकारी कै स्तर बढ़ावय के चाही ।	समुदाय औ स्कूल व्यवस्थापन समिति का करय के चाही ।
समावेशी शिक्षा देवय के खातिर सरकारी निकायन का योजना बनावय के, बजेट कै व्यवस्था करय के, मानव स्रोत कै विकास करय के, कार्यक्रम लागू करय के औ अनुगमन करत रहय के चाही ।	समुदाय, विशेषज्ञ, गैरसरकारी संस्था औ समुदाय पर आधारित संगठन सब से अंतरक्रिया करय के चाही ।	सरकारी संरचना (शिक्षा मंत्रालय, शिक्षा विभाग, जिल्ला शिक्षा कार्यालय, पाठ्यक्रम विकास केन्द्र, शैक्षिक जनशक्ति विकास केन्द्र, श्रोत व्यक्ति का करय के चाही ।
<b>कार्यक्रम कै मूल्यांकन</b>		
समूचा पक्ष कै मूल्यांकन करय के खातिर जरूरी उपकरण बनावय के चाही ।		जिल्ला शिक्षा कार्यालय स्कूल निरीक्षक, श्रोत व्यक्ति का करय के चाही ।

शिक्षक तालीम के मूल्यांकन करय के चाही ।	संलग्नता, सिखाई उपलब्धी के प्राप्ति, विद्यार्थी मूल्यांकन उपकरण के सदुपयोग, आलोचनात्मक दृष्टिकोण औ समस्या समाधान, शिक्षण, कक्षा कोठरी के व्यवस्थापन, शिक्षक अभिवृत्ति औ संप्रेषण के इलिम, शिक्षक के ज्ञान औ विशेषज्ञता के मूल्यांकन करय के चाही ।	शिक्षक सहजकर्ता औ अनुसंधानकर्ता का करय के चाही ।
<b>स्थानीय मानव श्रोत के एकीकरण</b>		
भाषा सर्वेक्षण करय के चाही ।	लागू करै के खातिर समुदाय सिखाई केंद्र का उत्तरदायी होय के चाही ।	स्थानीय मानव श्रोत का करय के चाही ।
सर्वे पर आधारित होइके कार्यक्रम बनावय के चाही ।	समुदाय सिखाई केंद्र के श्रोत का उपयोग करय के चाही ।	गाँव विकास समिति/समुदाय पर आधारित संगठन, शिक्षक राजनीतिक दल औ लरिकन विटियन का करय के चाही ।
लागू करय के खातिर श्रोत केंद्र के स्थापना करय चाही ।	समुदाय सिखाई केंद्र के लागू करय के चाही ।	त्रिभुवन विश्वविद्यालय के विद्यार्थी का करय चाही ।
<b>सामग्री के विकास करय के</b>		
पाठ्यक्रम विकास (चालू पाठ्यक्रम के संशोधन) औ आवश्यकता मूल्यांकन करय के चाही ।	आवश्यकता मूल्यांकन के प्रचार करय के औ विभिन्न तह में पृष्ठपोषण कइके प्रतिवेदन तैयार करय के चाही ।	समुदाय, स्कूल व्यवस्थापन समिति, शिक्षक-अभिभावक संघ, शिक्षक, अभिभावक, विशेषज्ञ, शिक्षाविद्, राज्य के बहुभाषीक शिक्षा नीति, मंत्रालय, विभाग, पाठ्यक्रम विकास केन्द्र, अनौपचारिक शिक्षा केन्द्र, शैक्षिक जनशक्ति विकास केन्द्र, भाषा विज्ञान समाज, स्कूल समाज औ विद्यार्थिन का करय के चाही ।
औपचारिक औ अनौपचारिक दूनव शिक्षा के खातिर केंद्रीय औ क्षेत्रीय का अलग अलग पाठ्यक्रम, पाठ्यपुस्तक, शिक्षक निर्देशिका औ हरेक भाषा में संदर्भ/सहायक पुस्तक तैयार करय के चाही ।	पाठ्यक्रम के खाका बनावय के, (राष्ट्रीय उद्देश्य, सिखाई उद्देश्य, मूल्यांकन) पूर्वपरीक्षण, नमूना अध्ययन औ तालीम, पुनरावलोकन, तैयारी सामग्री/पाठ्यपुस्तक, नीचे से राष्ट्रिय स्तर तक हरेक तह मे क्षमता विकास कार्यक्रम जइसन काम सब करय के चाही ।	समुदाय, स्कूल व्यवस्थापन समिति, शिक्षक-अभिभावक संघ, शिक्षक अभिभावक, विशेषज्ञ, शिक्षाविद् राज्य के बहुभाषी शिक्षा नीति मंत्रालय,



<b>समुदाय के सहयोग लेवय के</b>		
आधारभूत सूचना (जनसंख्या, सांस्कृतिक मूल्य, आर्थिक स्तर, राज(नीतिक और सामाजिक मूल्य) संकलन करय के चाही ।	समुदाय के अगुवा लोग का परिचालन करय मे उपलब्ध सूचना और तकनीकी के उपयोग करय के चाही ।	विभाग, पाठ्यक्रम विकास केन्द्र, अनौपचारिक शिक्षा केन्द्र, शैक्षिक जनशक्ति विकास केन्द्र, भाषा विज्ञान समाज, स्कूल समाज और विद्यार्थिन का करय के चाही ।
हरेक तह में लैंगिक समानता बढावय के चाही ।	भ्रमण करय के नीति बनावय के चाही ।	समुदाय पर आधारित संगठन, स्थानीय गैरसरकारी संस्था, धार्मिक समूह, शिक्षक अभिभावक संघ, स्कूल व्यवस्थापन समिति और नेता लोग का करय के चाही ।
साभेदार के परिचालन कइके और अभिभावक और साभेदार के जानकारी दइके जनचेतना बढावय के चाही ।	स्कूल व्यवस्थापन समिति/शिक्षक अभिभावक संघ का तालीम देवय के चाही ।	समुदाय पर आधारित संगठन, स्थानीय गैरसरकारी संस्था, धार्मिक समूह, शिक्षक अभिभावक संघ, स्कूल व्यवस्थापन समिति और नेता लोग का करय के चाही ।
<b>प्रारंभिक अनुसंधान करय के</b>		
वैधानिक बनावय के चाही/सरकार और राजनीतिक दल सब के स्वीकृत लेवय के चाही ।	सरकार के ओर से नेपाल बहुभाषी शिक्षा कार्यदल/प्रबंध समिति बनाव जाय के चाही ।	समूचे भाषिक समूह के प्रतिनिधि विशेषज्ञ और साभेदार लोगन का करय के चाही ।
राष्ट्रीय स्तर पर भाषिक सर्वेक्षण करय के चाही ।	श्रोत वितरण करय के चाही ।	हरेक समूह का करय के चाही ।
शैक्षिक व्यवस्थापन सूचना प्रणाली और समुदाय - शैक्षिक व्यवस्थापन सूचना प्रणाली बनावय के और शिक्षक सर्वेक्षण करय के चाही ।	दातुसंस्था, एसआईएल और नागरिक समाज के निरंतर पक्षपोषण, समर्थन और सहकार्य करय के चाही ।	हरेक साभेदार और विशेषज्ञ के सहकार्य मे शिक्षा मन्त्रालय, शिक्षा विभाग, जिल्ला शिक्षा कार्यालय और राष्ट्रिय और अन्तराष्ट्रीय गैरसरकारी संस्थन का करय के चाही ।
मानवीय, आर्थिक और भौतिक श्रोत के पहिचान करय के चाही ।	सहभागितामूलक विधि से करय के चाही ।	समुदाय का करय के चाही ।

यही किसिम से नेपाल मे सङ्क्रमणीय बहुभाषिक शिक्षा नीति के सम्बन्ध मे प्रा.डा. योगेन्द्र प्रसाद यादव यहि किसिम कै सुझाव दिहे है :

क्र.सं.	योजना	क्रियाकलाप	कैफियत
१.	बहुभाषी शिक्षा संबधी तथ्यांक तैयार करय के	१. शिक्षा विभाग औ आउर संबधित संस्थन के सहयोग मे मातृभाषी स्कूल निर्धारण करय के २. जीआइएस डेटाबेस कै सर्वेक्षण	बहुभाषी शिक्षा कै डेटाबेस के किसिम से जीआइएस डेटाबेस मे राखय मे जवन जनसंख्या वितरण औ पठन पाठन कै नीति के खातिर महत्वपूर्ण है ? यह संबध मे सुझाव दिहा जाई तो हमरे आभारी रहा जाई ।
२.	बहुभाषी शिक्षा के खातिर मातृभाषा कै चयन करय के	१. भाषिक समुदाय, अभिभावक लोग लरिके, औ शिक्षक सहित आउर सरोकारवाला लोगन के खातिर जागरुकता बढाइब । २. सहयोगी सामग्री जइसै बहुभाषी शिक्षा विस्तार के खातिर तरफदारी सामग्री औ पहिला भाषा पहिले जइसन सामग्रिन कै अनुवाद औ अनुकूलन करब ।	
३.	बहुभाषी शिक्षा के खातिर राष्ट्रिय कार्यक्रम कै ढाँचा तैयार करब	१. नीचे के क्रम कै अनुशरण किहा जाय मातृभाषा > (प्रान्तीय भाषा)> (केंद्रीय भाषा)> अंतराष्ट्रीय भाषा	विज्ञान प्रविधि औ विश्वव्यापीकरण औ संचार के खातिर उच्च शिक्षा, कार्यालय कै लेनदेन औ अंतराष्ट्रीय भाषा में (स्पष्ट रूप मे अंग्रेजी औपनिवेशिक दान जइसय है ।) बृहत संचार कै दक्षता हासिल करयके खातिर मातृभाषा के अलावा आउर भाषा के शुरुवात में देरी होब ठीक है ।
४.	मातृभाषा का मा(ध्यम भाषा के रूप मे स्थापना करब	१. लरिकन के सुरुवाती विकास से मातृभाषा का माध्यम के रूप में स्थापना कइके औ बाद में क्रमशः व्यापक संचार के भाषा मे औ अंतराष्ट्रीय भाषा में	
५.	मातृभाषा का विषय के रूप में स्थापना करब	१. येका के बहुभाषी शिक्षा के बाद में शुरू किहा जाय ।	
६.	बहिर लरिकन के खातिर सांकेतिक भाषा कै स्थापना	१. नेपाली सांकेतिक भाषा कै आधारभूत अध्ययन किहा जाय । २. सांकेतिक भाषा के माध्यम से पढावय के खातिर उचित नीति औ योजना बनावा जाय ।	

७.	भाषा पुनर्जीवन कार्यक्रम के स्थापना करब	१. यह कार्यक्रम का वहि लरिकन के खातिर स्थापना करय परी जवन भाषिक बदलाव के कारण आपन मातृभाषा नाही सिखि पाये है । जइसै बराम औ नेपाल के आउर अल्पसंख्यक भाषिक समुदायन के लरिके बिटियय लोग ।	टिप्पणी : १. कुछ अवस्था में लोगन का अपने पैतृक भाषा मे पर्याप्त या नगण्य दक्षता होई । २. यकरे बावजूद ऊ लोग आपन मातृभाषा बूझत है । ३. मातृभाषा का यहि किसिम से पुनः परिभाषित करय के परत है कि मातृभाषा खाली पहिला भाषा ना होइके यी पैतृक भाषा होय जवन ऊ लोग नाही बुझत है ।
८.	शिक्षण सामग्री तैयार करब	१. स्थानीयबासिन के साथय बातचीत कइके स्थानीय रीतिरिवाज चालचलन के विवरण तैयार करब । २. स्थानीय संस्कृति का प्रतिबिंबित कइके शैक्षिक सामग्री के विकास करब । ३. लोककथा, कविता, गीत आदि के प्रयोग कइके सहायक पाठ्यसामग्री के विकास करब ।	
९.	शिक्षक	१. सम्बन्धित भाषिक समुदाय के मातृभाषा / सांकेतिक भाषा के शिक्षक नियुक्त करब । २. वहि लोगन के खातिर उचित तालिम के व्यवस्था करब । ३. स्थानीय भाषिक समुदाय के सदस्यन का पूर्णकालीन या आंशिक शिक्षक के रूप में सहभागी कराइब ।	
१०.	मूल्यांकन	१. निर्माणत्मक मूल्यांकन करब । २. लेख्य परंपरा में मातृभाषा के खातिर लिखित परीक्षा संचालन करब औ मातृभाषा में कथ्य परंपरा के खातिर मौखिक परीक्षा औ तिउ तिउहार के जानकारी के माध्यम से मूल्यांकन करब । ३. विद्यमान कानूनी प्रावधान के तदनुसार अनुकूलन करब ।	

११.	संयुक्त व्यवस्थापन निर्माण	१. सरोकारवाला लोगन के बीच संयुक्त साभेदारी औ प्रभुत्व स्थापन करब जइसै कि स्कूल व्यवस्थापन समिति, अभिभावक शिक्षक संघ, मातृभाषी शिक्षक संघ ।	
१२.	निरीक्षण औ सहयोग प्रणाली निर्माण	१. येकर संयुक्त प्रभुत्व औ स्थानीय क्षमता के उपस्थिति के साथेन विचार करब । २. बहुभाषी शिक्षा केंद्र के साथेन स्थानीय स्तर पर श्रोत केंद्र के स्थापना करब जइसै कि शिक्षा विभाग में उच्च निकाय है । ३. मातृभाषी स्कूल सीमा निर्धारणद्वारा स्थापित मातृभाषी स्कूल के समूह के उचित स्थान पर स्थानीय श्रोत केंद्र के स्थापना करब । ४. बहुभाषी शिक्षा के शैक्षणिक औ व्यावहारिक पक्ष का जोड़य के खातिर बहुभाषी शिक्षा के सिद्धांत औ भाषा विज्ञान केंद्रय विभाग औ शिक्षाशास्त्र केंद्रीय विभाग, त्रि.वि. औ आउर विश्वविद्यालयन मे होय वाले अभ्यासन के बीच संबंध स्थापन करब । ५. गैरसरकारी संस्था औ अन्तर्राष्ट्रीय गैरसरकारी संस्था (जइसै युनेस्को/युनिसेफ आदि) से सहयोग के आशा करब	
१३.	आर्थिक श्रोत के खोजी	१. सरकारी, गैरसरकारी/अंतराष्ट्रीय गैरसरकारी संस्था औ स्थानीय समुदाय से आर्थिक श्रोत के खोजी करब ।	स्थानीय समुदाय का नेतृत्व के भूमिका निर्वाह करय के परी । जइसै: बहुभाषी शिक्षा वही लोगन के इच्छानुसार चलत है ।
१४.	स्रोत केंद्र के स्थापना करब	१. बहुभाषी शिक्षा के विधान के संचालन के खातिर केंद्रीय औ स्थानीय बहुभाषी शिक्षा श्रोत केंद्र के स्थापना करय के परी । वही किसिम से बहुभाषी शिक्षा के योजनन के प्रभावकारी कार्यान्वयन के खातिर अतिरिक्त श्रोत साधन के परिचालन करय के परी ।	यी बहुभाषी शिक्षा योजना में संस्थागत आधार पर कार्यान्वयन करय में एकरूपता लावय के इच्छा रहत है ।

## बहुभाषी शिक्षा करतीन पर राष्ट्रिय तहपर जनचेतना बढावके खातिर जनचेतना वृद्धि कार्यक्रम<sup>१३</sup>

सन् २००५ मे भारत के मैसूर मे आदिवासी शिक्षा का केन्द्रविन्दु मा राखि के बहुभाषिक शिक्षा कार्यक्रम के आयोजना किहा गय रहा । तीन दिन के यी कार्यशाला युनेस्को, युनिसेफ, शिक्षा तालिम अनुसंधान परिषद औ भारतीय भाषा संस्थान के द्वारा आयोजित रहा ।

कार्यशाला के उद्देश्य अल्पसङ्ख्यक भाषिक समुदाय के सदस्य, शिक्षा के क्षेत्र मे काम करयवाले लोग, विद्वान औ नीति निर्माता लोगन का छलफल के खातिर एक जगही लाइके यहि विषय पर विचार विमर्श कराइव रहा । कार्यशाला मे भाषिक समुदाय के जरुरत के अनुसार के औ विद्यार्थी के भाषा औ संस्कृति का सबल बनावय वाला शिक्षा कार्यक्रम के योजना के बारे मे छलफल करय के रहा । छलफल के क्रम मे सहभागी लोगन के बीचे एक आपस मे अनुभव औ ज्ञान के साटफेर करय के मक्का मिलय के अपेक्षा आयोजक लोग किहे रहे ।

भारत मे प्रान्त तह पर नीति बनाव जात है । यह नाते यहि कार्यशाला के मुख्य मनसाय वही तह के सरकारी अधिकारिन के बीचे चेतना बढाइव रहा । अल्पसङ्ख्यक भाषाभाषी लोग, बहुभाषी शिक्षा कार्यक्रम मे सहयोग करयवाले गैरसरकारी संस्थान के सदस्य औ राष्ट्रिय स्तर के कइउ विद्वान औ सरकारिउ अधिकारिन का नेवता दिहा गा रहा । समुदाय मे काम करय वाले लोग, विद्वान औ नीति निर्माता लोगन के बीचे सन्तुलन कायम करब येकर लक्ष्य रहा ।

कार्यशाला के अन्त मे सहभागी लोग भारत मे मातृभाषा पर आधारित बहुभाषिक शिक्षा कार्यक्रम खातिर अति आवश्यक चारसूत्रीय कडी के पहिचान किहिन :

- लेखन पद्धति के विकास के काम के शुरुवात के साथे समुदाय के सहभागिता होय के चाही ।
- पाठ्यक्रम मे स्थानीय विषयवस्तु सामिल करय के परी ।
- बेटवन लरिकन के भाषिक समुदाय के शिक्षक होय के परी ।
- लरिकनय के घर के भाषा मे विभिन्न किसिम के पाठ्य सामग्री बनाव के देय के परी ।

**लेखन पद्धति के विकास :** अबहिन तक न लिखा भाषा के खातिर लेखन पद्धति के विकास करब जरुरी है । लेखन पद्धति के विकास मे भाषा के महत्वपूर्ण अङ्ग के रूप मे वक्रे उच्चारण के प्रतिनिधित्व करय वाले लेख्य चिन्ह या अक्षर औ वर्णविन्यास के नियम (पूरा आधा औ हलन्त लिखय के नियम, बडा औ छोट अक्षर लिखय के नियम, बिराम चिन्ह के प्रयोग के नियम, विभक्ति जोडि के या छोडि के लिखय के नियम आदि) आदि का चयन करय के औ परिक्षण के काम परत है । लेखन पद्धति के विकास के दुइ ठउर लक्ष्य होत है १) लेखन पद्धति का भाषा का बोलय वाले मानत है औ वोकां यक्कय किसिम से प्रयोग करत है । औ २) सम्बन्धित सरकारी निकाय वहि लेखन पद्धति का मानत है ।

१३. लेखक के अनुभव पर आधारित ।

लेखन पद्धति के विकास मे निम्न किसिम के क्रियाकलाप समेटा रहत है :

१. **भाषा के सर्वेक्षण** : भाषा के बारे में भाषा के वक्ता के सङ्ख्या, बोली जायवाली भौगोलिक क्षेत्र, भाषिक भेद के सङ्ख्या औ वन लोगन के बीच के समानता औ भिन्नता के स्थिति, अपने भाषा के प्रति मनइन के धारणा औ सामाजिक, आर्थिक, राजनीतिक, धार्मिक, सांस्कृतिक आदि सूचना एकट्ठा किहा जाय ।
२. **भाषा के विश्लेषण** : भाषा मे अक्षर या चिन्ह के द्वारा प्रतिनिधित्व किहा जाय वाले वर्ण, शब्द आदि के एकाइन के पहिचान किहा जय ।
३. **परिक्षात्मक लेखन पद्धति** : एकठू लेखन पद्धति के विकास के कार्यशाला आयोजित किहा जाय । यह मा भाषाविद लोगन के सहयोग से मातृभाषा बोलय वाले लोग अपने भाषा का लिखय के खातिर अक्षर औ चिन्ह बनावत है औ एकठू कामचलाउ लेखन पद्धति के विकास करत है ।
४. **परीक्षण** : विकसित किहा परीक्षात्मक लेखन पद्धति के औपचारिक औ अनौपचारिक दूनव किसिम से परीक्षण किहा जाय । औपचारिक परीक्षण के क्रम मे भाषाभाषी लोग वहि काम चलाउ पद्धति मे लिखा भाषा का देखयँ औ वहमा देखान समस्या के टिपोट करयँ । अनौपचारिक रूप मे परिक्षण करत के सकभर ढेर मनइन का वहि लेखन पद्धति के प्रयोग करयँ औ वन लोगन से सुभाव लेय ।
५. **पुनरावलोकन** : मूल वा संशोधन किहा लेखन पद्धति मे समस्या देखाय परे वकरे बिकल्प मे प्रयोग किहा जाय सकय वाले अक्षर या चिन्ह के पहिचान किहा जाय ।
६. **स्वीकृति** : दूसर लेखन पद्धति के कार्यशाला आयोजित किहा जाय औ वहमा संशोधित लेखन पद्धति मातृभाषा बोलय वाले वक्ता लोगन के सामने स्वीकृति के खातिर पेश किहा जाय । सम्बन्धित सरकारी निकायव से स्वीकृति के खातिर अनुरोध किहा जाय ।

लेखन पद्धति के विकास करत के सबसे पहिले भाषा के विश्लेषण करय के परत है । भाषा के विश्लेषण मे वर्ण, शब्द जइसन एकाइन के पहिचान करय के खातिर पहिले से अलिखित रूप मे रहा भाषा मे अक्षर औ चिन्ह प्रयोग कइके लिखा जायवाले एकाइन का अलगियावा जात है । कब्बव कब्बव समुदाय के सदस्य लोग भाषा के विश्लेषण बिना किहे बहुभाषी शिक्षा कार्यक्रम शुरू करय चाहत है । वन लोगन का यी लागि सकत है कि भाषा के विस्तृत विश्लेषण करय के समय नाही है । यकरे खातिर सबसे बढिया तरीका भाषाविद लोगन के सहयोग लइके मातृभाषा बोलय वाले अपने भाषा के लेखन पद्धति के विकास कइ सकत है । यकरे बादव यी ध्यान देब जरुरी है कि जेतना जल्दी वर्णमाला बनाव जाय, वतनय सावधानी से येकर परिक्षणव करय के चाही । यकरे साथय जबतक मातृभाषा के वक्ता औ सम्बन्धित सरकारी निकाय वर्णमाला के स्वीकृति नाही देत है, तब तक महड पाठ्यसामग्री न बनइवय उचित रही ।

## टेर भाषन के खातिर लेखन पद्धति कै विकास

वर्णमाला निर्माण कार्यशाला अल्पसङ्ख्यक समुदाय काँ अपने भाषा के लेखन पद्धति (वर्णमाला) कै विकास करयमे मदत करत है। कार्यशाला कै योजना मनई काँ आपन भाषा कइसय बोलय के चाहीं औ लिखय के चाहीं, यहि बाति कै बढिया ज्ञान होत है, यही आधार पर बनावा होत है।

अइसन वर्णमाला निर्माण कार्यशाला एकठू भाषिक समुदाय के खातिर सामान्य रूप मे दस दिन तक चलत है। कार्यशाला मे वर्णमाला बनावय वाले विशेषज्ञन कै प्रेरणा औ सहयोग मे मातृभाषा कै वक्ता लोग कथा लिखत हैं औ सम्पादन करत हैं। अपने भाषा के ध्वनि कै विशेषता पहिचान करत है औ वर्णमाला, हिज्जे कै नियम औ संक्षिप्त शब्दकोष सम्मिलित एक परीक्षणात्मक हिज्जे निर्देशिका तयार करत हैं। कार्यशाला मे लिखा कथन कै अलगै किताब बनावे जात है औ बाद मे वहु काँ समुदाय महिया परिक्षात्मक वर्णमाला कै परिक्षण करय के खातिर प्रयोग किहा जात है। यहि क्रियाकलापन के माध्यम से सहभागी लोगन का अपने भाषा के संरचना औ वर्णमाला के विकास मे ध्यान देवय वाली बिषयन कै बढिया से जानकारी होत है :

वर्णमाला निर्माण कार्यशाला मे निम्नअनुसार के आधारभूत ढाँचा कै अनुसरण किहा जात है :

१. सहभागी लोग अपने भाषा मे पहिले कथा लिखत हैं औ बाद मे पढत है।
२. लिखय औ पढय कै प्रक्रिया पूरा करय के बाद वन लोग वर्णमाला के समस्या कै पहिचान करत हैं।
३. ऊ लोग वहि समस्यन के समाधान के विकल्पन पर बातचीत करत हैं।
४. कवन कवन अक्षर या चिन्ह प्रयोग किहा जाय, यहि बारे मे निर्णय लेत हैं, औ
५. ऊ लोग अपने निर्णय कै परीक्षण करत हैं।

निर्णय प्रक्रिया के क्रम मे जबतक जरूरत होत है, यी पाचव चरण दोहरावा जात है। यी क्रियाकलाप सहभागिन काँ अपने नवाँ वर्णमाला कै मूल्याङ्कन करयक औ जरूरत अनुसार कै परिवर्तन करयक उत्साहित करत है। यी प्रक्रिया वन लोगन का यहिब समझय के खातिर प्रेरित करत है कि ऊ लोगन कै लेखन पद्धति अचल या अपरिवर्तनीय नाही है, बलुक यी एक उपकरण होय, जवने का भाषिक समुदाय कै जरूरत अनुसार प्रयोग औ परिमार्जन किहा जाय सकत है।

१४. इस्टोन, सी. २००६. (७-९ नवंबर) अल्फाबेट डिजाइन वर्कशाप्स इन पपुआ न्यू गिनी : अ कम्प्युनिटी-बेस्ड अप्रोच टु ऑर्थोग्राफी डिभेलप्मेंट इंटरनेशनल कन्फ्रेंस ऑन लैंग्वेज डिभेलप्मेंट, लैंग्वेज रिभाइटलाइजेशन एण्ड मल्टिलिंगुअल एजुकेशन बैकक। [http://www.sil.org/asia/lc/parallel/\\_papers/catherine\\_easton.pdf](http://www.sil.org/asia/lc/parallel/_papers/catherine_easton.pdf) (१७ नवंबर २००६ में प्राप्त)

१५. पपुआ न्यू गिनी में वर्णमाला निर्माण कार्यशाला एसआईएल इंटरनेशनल आयोजन किहा रहा। देखा जाय इस्टोन, सी. २००३ (७-९ नवंबर) अल्फाबेट डिजाइन वर्कशाप्स इन पपुआ न्यू गिनी : अ कम्प्युनिटी-बेस्ड अप्रोच टु ऑर्थोग्राफी डिभेलप्मेंट, इंटरनेशनल कन्फ्रेंस ऑन लैंग्वेज डिभेलप्मेंट, लैंग्वेज रिभाइटलाइजेशन एण्ड मल्टिलिंगुअल एजुकेशन, बैकक। [http://www.sil.org/asia/lc/parallel/\\_papers/catherine\\_easton.pdf](http://www.sil.org/asia/lc/parallel/_papers/catherine_easton.pdf) (१७ नवंबर २००६ में प्राप्त)।

पपुआ न्यु गिनी मे ८०० सौ से बेसी भाषा बोला जाला आ उहां के कुल जनसङ्ख्या साठ लाख है । वर्णमाला निर्माण कार्यशाला उहां के ढेर जरूरत का पूरा किहे है । जब उहां के राष्ट्रिय शिक्षा विभाग सन् १९९० के दशक मे बहुभाषिक शिक्षा कार्यक्रम शुरु किहिस, तो ढेर भाषिक समुदाय कार्यक्रम मे प्रवेश करय खातिर लेखन पद्धति के विकास के जरूरत महशुस किहिन । सन् १९९८ से लइके २००२ तक के बीचे मे ४७ ठउर वर्णमाला निर्माण कार्यशाला के आयोजना किहा गय, जेह मा १०० से ढेर भाषिक समुदाय के लोग परिक्षणात्मक वर्णमाला तयार किहिन ।

**बहुभाषिक शिक्षा कार्यक्रम के पाठ्यक्रम निर्माण :** कम से कम ६ बरिस तक मातृभाषा काँ पढाई के माध्यम के रूप मे प्रयोग करयवाला कार्यक्रम मातृभाषा पर आधारित एक सबल बहुभाषिक शिक्षा कार्यक्रम होय । यहि कार्यक्रम के तहत विद्यार्थी लोगन का तीन ठउर सामान्य सिखाई उपलब्धी हासिल करय के अपेक्षा किहा जात है :

१. वन लोगन काँ मूल विषयन मे कक्षा अनुसार के शैक्षिक अवधारणा समझय औ प्रयोग करय के सामर्थ्य हासिल करय के चाही ।
२. वन लोगन का स्कूल के कामकाजी भाषा के प्रयोग करय मे सामर्थ्य औ आत्मविश्वास के विकास करव शुरु करय के चाही ।
३. वन लोगन काँ अपने लिखि के औ बोलि के सिखय के साथय आउर काम करयक क्षमता औ आत्मविश्वास विकास कइ लेय के चाही । बहुभाषिक शिक्षा कार्यक्रम के विषयवस्तु उहय होय के चाही, जवन मूल पाठ्यक्रम मे है ।

ये से प्राथमिक स्कूल पूरा करय के बादव या पहिले भाषा मे शिक्षा के खातिर सहयोग बन्द भयेव पर विद्यार्थी लोग आसानी से मूल धार के कक्षा में समाहित होइ सकय के चाही । (बकिर यी ध्यान राखय के चाही कि पहिला भाषा के प्रयोग काँ जल्दी न हटावा जाय ।) बहुभाषिक शिक्षा पाठ्यक्रम मे 'भाषा विकास' काँ विशेष प्राथमिकता के साथ सामिल करय के चाही (उप्पर के सूत्र २ औ ३ का देखा जाय ।) । शिक्षक लोगन का विद्यार्थिन के घर के भाषा औ कामकाजी भाषा दूनव में सुनाई, बोलाई, पढाई औ लिखाई मे सामर्थ्य औ आत्मविश्वास बनावय मे मदत करय वाला उचित रणनीति अपनावय के चाही ।

बहुभाषिक शिक्षा कार्यक्रम के पाठ्यक्रम बनावय खातिर कुछ चरणवद्ध सुझाव नीचे दिहा है :

१. पहिले, मूलधार के पाठ्यक्रम मे हरेक विषय मे दिहा सिखाई क्षमता का सूचीकृत करय के चाही । याद राखा जाय कि यी स्कूल के कामकाजी भाषा का अपने मातृभाषा के रूप मे बोलय वाले विद्यार्थिनवका क्षमता हासिल करय खातिर लिखा गा रहा ।
२. हरेक विषय मे अइसने क्षमतन के अध्ययन किहा जाय औ विद्यार्थिन के सिखय वाले जरुरी धारणा गणित, विज्ञान, सामाजिक शिक्षा, स्वास्थ्य औ आउर विषयन के क्षेत्र मे खाली 'खास भाषय' मे सिमित नाही है, ताकि यी धारणा हरेक भाषा मे लिखा जाय सकय । बहुभाषिक शिक्षा यहि जरुरी धारणन पर केन्द्रित औ मूलधार मे न आय पावय वाले भाषा औ संस्कृति मे आवा विद्यार्थिनव खातिर पर्याप्त रूप के बहुभाषिक शिक्षा सामर्थ्य विकास करी ।



३. वक्रे बाद, बहुभाषिक शिक्षा केन्द्रित लरिकन के घर कै भाषा औ कामकाजी भाषा दूनव मे भाषा शिक्षा सिखाई कै विकास किहा जाय । (भाषा विकास कै विभिन्न चरण उप्पर दिहा है ।) यी सुनिश्चित किहा जाय कि अइसन सिखाई दैनिक बातचीत औ शैक्षिक विषयन के पढाई खातिर दूनव भाषा केन्द्रबिन्दु मे है ।
  - बातचीत के खातिर प्रयोग होयवाली भाषा प्रयोग से जुडा सिखाई, नवां भाषा मे शैक्षिक शब्द भण्डार बनावय पर केन्द्रित होत है । जइसय : गुणा औ भाग के खातिर गणितीय शब्द औ जमाव या प्रकाश संश्लेषण खातिर वैज्ञानिक शब्द) । अइसन शब्द अमूर्त होत है औ सीमान्तकृत भाषाभाषी विद्यार्थी का सिखब, याद करब औ प्रयोग करब बहुत कठिन होत है । यही नाते यी सबके सम्बन्ध मे ऊ लोगन के खातिर विशेष शिक्षण रणनीति कै जरूरत परत है ।
४. सिखाई क्रियाकलाप के खातिर सुझाव दिहा किहा जाय ताकि बहुभाषिक शिक्षा कै शिक्षक लोग हरेक तरह कै सिखाइ क्षमता हासिल करय में विद्यार्थिन का मदत कइ सकयँ । पाठ्यक्रम के साथय भाषा सिखावय के खातिर शिक्षक का इन्टरनेट या आउर स्रोत सामग्रिन कै जरूरत परि सकत है ।
५. हरेक पाठ में स्थानीय विषयवस्तु काँ समावेश करय के खातिर शिक्षक लोगन काँ आसानी होय के हिसाब से कुछ खाका सहित कै शिक्षक निर्देशिका तयार किहा जाय । उदाहरण के रुप मे र्वास्थ्य के पाठ मे स्थानीय जनता के बारे मे घर के भाषा मे लिखा स्वास्थ्य से सम्बन्धित कथा कै शीर्षक होइ सकत है ।) मूलधार कै पाठ्यपुस्तक प्रयोग करय में विद्यार्थिन का क्षमता हासिल होय के बादव शिक्षक लोगन कां पाठ से सम्बन्धित स्थानीय विषय वस्तु का थपि कै पढाइब जारी राखय के चाहीं । येसे विद्यार्थी लोगन खातिर अपने अनुभव पर आधारित दूनव भाषा मे ज्ञान आर्जन करयक जारी राखय मे आसानी होई ।



## प्राथमिक स्कूल में भाषा पुनर्जीवन कार्यक्रम खातिर

### बहुभाषी शिक्षा केन्द्रित शिक्षण सामग्री निर्माण

थाइलैण्ड के छन्ताबुरी प्रान्त के छोड़ भाषिक समुदाय के सदस्य वनके लरिकन विटियन का आपन भाषा औ संस्कृति भुलात जाव देखिके चिन्तित रहें । ऊ लोग नियमित थाई भाषा के प्राथमिक विद्यालय कार्यक्रम मे छोड़ भाषा के खातिर अलगय समय मिलावय चाहत रहें । यकरे खातिर समुदाय के अगुवा लोग विद्यालय के नियमित पाठ्यक्रमय मे 'स्थानीय अध्ययन' कक्षा प्रयोग करय खातिर शिक्षा अधिकारी से अनुमती माडिन औ ऊ लोग अपने भाषा औ संस्कृति का सिखावय खातिर अनुमती पाइन ।

समुदाय के सदस्य लोग छोड़ भाषा औ संस्कृति के कक्षा के खातिर पाठ्यक्रम बनावय लागें । वन लोग मौखिक भाषा पाठ के खातिर विषयसूची बनाइन, हरेक के खातिर शिक्षण सामग्री औ पाठ्यसामग्री तयार किहिन औ शिक्षक के रूप मे स्वयंसेवक शिक्षक का पढाइन । छोड़ कार्यक्रम के खातिर बना पाठ्यक्रम के दुई उद्देश्य रहा: घरेलु बातावरण मे छोड़ लरिक का वनके भाषा बूझय, बोलय औ पढय लिखय का सिखय मे मदत करब, औ अपने भाषा के सम्मान करय के साथय अपने सांस्कृतिक धरोहर का पुनर्जिवित करय खातिर सामिल होय मे अपने का गौरवान्वित मानय मे लोगन का मदत करब ।

छोड़ भाषा बूढ पुरनिया लोग के एक समूह छोड़ भाषा सिखाइ क्रियाकलाप में प्रयोग करय खातिर आधारभूत शब्दावली बनाइस । बूढ पुरनिया लोगन के एक दूसर समूह छोड़ संस्कृति औ मौखिक इतिहास पर आधातिर कथा लिखिस । यहि सामग्री से छोड़ पाठ्य पुस्तक के श्रद्धखला तयार किहा गय । अभिभावक लोगन के तिसरा समूह सत्ताइस ठउर बडा किताब लिखिस । यी बडा किताब शिक्षक लोगन का कुल विद्यार्थिन के साथय पढय वाला 'समूह पठन' क्रियाकलाप के खातिर लिखा गा रहा । माध्यमिक विद्यालय के छोड़ विद्यार्थी लोग वहि बडे किताबिन के खातिर चित्र बनाइन । बूढ पुरनिया छोड़ वक्ता लोग लरिकन विटियन का कक्षा मे सिखय खातिर परम्परागत गीतव लिखिन । पहिलेन से थाइभाषा लिखय पढय के जानय वाले छोड़ लरिकन विटियन का आपन पैतृक भाषा सिखय खातिर पुल्ह के रूप मे एकठू स्थान्तरण पुस्तक तयार किहा गय ।

यहि अनुभव से बहुभाषिक शिक्षा कार्यक्रम के खातिर पाठ्यक्रम विकास करय में अल्पसङ्ख्यक भाषिक समुदाय के सदस्य लोग सबसे महत्वपूर्ण स्रोत होय, यहि बाति के पुष्टि किहे है ।

१६. मेलोन, डी. आ सुविलाई, पी. २००५ लैंग्वेज डिभेलप्मेंट एण्ड लैंग्वेज रिभाइटलाइजेशन इन एशिया। मोन ख्मेर स्टडिज, भॉलुम ३५, पृ. १०१-१२०

१७. यह कार्यक्रम में आउर विषय पढावै खातिर लरिकन विटियन का पहिले भाषा के प्रयोग शामिल नाही रहा ।

**तहगत पाठ्यसामग्री निर्माण :** पढाई साइकिल चलइबय जेस होय, खाली एकबाजी हमरे सिखि लिहा जाय बस । अपने भाषा मे एकबाजी पढाइ सिखय के बाद विद्यार्थी आपने ज्ञान का नवां भाषा मे आराम से बदलि सकत है । यिहां तक कि नवां भाषा कै लिपि अलग होय के बाबजूद समस्या नाही होत । विद्यार्थी का अपने भाषा औ कामकाजी भाषा दूनव मे धारा प्रवाह रुप से पढय मे मदत करयके खातिर सबसे महत्वपूर्ण बाति वहि दूनव भाषा मे विविध किसिम कै पाठ्यसामग्री उपलब्ध होत होय ।

विद्यार्थिन का महड पाठ्यसामग्री नाही चाहीं । यी बाति अधिकतर बहुभाषी शिक्षा कार्यक्रम कै अनुभव देखावत है । खास कइके कार्यक्रम कै शुरुवाती चरण मे कडा कागज कै जिल्द औ एक रड्ग मे चीन्हा खीचि कै साफ सुथरा रुप तरिका से छपा किताबव भये काम चलि जाई । यहि शैक्षिक सामाग्रिन कै विशेषता कुछ यहि किसिम से है । १) विषय वस्तु रोचक होय के चाहीं । २) भाषा स्पष्ट औ बूझय लायक होय के चाहीं औ ३) उदाहरण पाठ से सम्बन्धित औ स्थानीय परिवेश के अनुकूल होय के चाहीं ।



© एम एल ई नेपाल

यइसनहा सामग्री बहुभाषी शिक्षा कार्यक्रम का फाइदा पहुचावत है । यी सब जनता कै इतिहास औ कथा आदि लिपिवद्ध करत है । साथय मुलुक के विभिन्न भाषा मे साहित्य कै विकास कइके राष्ट्रिय सम्पदा काँ आउर धनी बनावत है ।

## तहगत पाठ्यसामग्री निर्माण<sup>१८</sup>

चीन के गूड्झौ प्रान्त के ग्रामीण हिमाली भूभाग मे काम<sup>१९</sup> भाषा बोलय वाले १६ लाख मनई रहत है । सन् २००० मे काम समुदाय कै अगुवा लोग अपने क्षेत्र मे द्विभाषी शिक्षा कै पाइलट परियोजना शुरु किहिन । परियोजना मे कक्षा १ मे मौखिक चीनिया भाषा मे पढावय से पहिले ५-६ वर्ष उमिर के लरिकन काँ पूर्व विद्यालय मे राखा जात है । वहि शुरु मे दुई बरिस तक बच्चन का खाली काम भाषा मे पढावा जात है ।

बढिया से पढय कै सिखय के खातिर लरिकन का अधिकतर विभिन्न विषय कै रोचक पाठ पढय के पावयूक चाहीं । यी जवने भाषा मे लिखित साहित्य थोरय है, या लिखित साहित्य हइयय नाही है, यइसनहे अल्पसङ्ख्यक भाषन के खातिर चुनौती बनि जात है । काम परियोजना कै अगुवा लोग यहि परियोजना के खातिर जरूरी पाठ्यसामग्री बनावय कै काम तुरन्त शुरु करय औ कडा मिहनेत कै जरूरत महशूस किहिन । पाठ्यसामग्री बनावय के खातिर लेखक लोगन कै कार्यशाला शुरु भय । अन्त मे काम सांस्कृतिक पत्तरा औ सांस्कृतिक विषयवस्तु कै सूची के आधार पर मातृभाषा कै लेखक लोग काम भाषा मे किताब तयार किहिन । वहमा १६० ठउर पढय मे सजिल कथन का पूर्व विद्यालय कै पहिले वर्ष के खातिर औ १६० कथा दुसरे वर्ष के खातिर बनावय गय । लरिकन का कक्षा १ से लइकय ६ तक पढत जाय के क्रम मे वन लोगन आउर ढेर कथा औ पाठ चाहीं, यी बाति काम भाषा शिक्षा मे काम करय वाले लोग पता पाइन । लरिके चीनिया लिखय औ पढयूक सिखत रहें, यी बनहू कै काम भाषा मे आपन क्षमता बढावय मे मदत किहिस । यही नाते काम भाषा के लेखक लोग हरेक सालि के खातिर ४०-४० ठउर कथा तयार किहिन । यहि कथा कै विषयवस्तु लरिकन से सम्बन्धित औ वनके खातिर रोचक रहें । यकरे बाहेक काम भाषा बोलयवाले लोग लरिकन काँ स्वतन्त्र रूप से पढय के खातिर आउर १२० पाठ्यक्रम इतर कथा तयार किहिन ।

काम समुदाय के विद्यार्थिन का प्रशस्त पाठ्यसामग्री मिलय के नाते वन लोगन का अपने भाषा मे बढिया सिखाई उपलब्धि हासिल करय मे मदत पहुचा । साथय वन लोगन का चीनिया भाषा मे सिखाई पढाई औ लिखाई काँ अपने भाषा मे लावय मे आत्मविश्वास बढा । शुरुवाती अवलोकन से प्राथमिक विद्यालय के शुरु के तह में काम समुदाय कै विद्यार्थी लोग चीनिया पढाई औ लिखाई पहिले से बहुत अच्छा किहा बाति कै सङ्केत मिला है ।

१८. जेरी, एन. आ पान, वाई. २००१ (१९-२१ सेप्टेंबर) एट हंड्रड स्टोरिक फॉर दोड डिभेलप्मेंट : अ बाइलिगुअल एजुकेशन पाइलट प्रोजेक्ट इन गुड्झोउ प्रोभिंस, चाइना. छठा ऑक्सफोर्ड इंटरनेशनल कन्फ्रेन्स ऑन एजुकेशन एण्ड डिभेलप्मेंट ऑक्सफोर्ड : यूनाइटेड किङडम ।

१९. 'काम' कै उच्चारण 'गम' जइसय सुनात है आ यी जातिउ कै नाम होय चीन में रहयवाला आउर लोग यह समुदाय का 'दोड' कहव पसन करत है ।

**बहुभाषिक शिक्षा के खातिर चयन औ तालीम :** प्रेरक औ प्रतिष्ठित लोगन काँ जरूरी जनशक्ति के रूप में चयन कइके वहि लोगन के खातिर निर्धारित भूमिका के खातिर जरूरी ज्ञान, हुनर, सृजनशीलता औ प्रतिबद्धता के संचार करयवाला बहुभाषी शिक्षा कार्यक्रम सबसे सफल माना जात है । यइसने जनशक्ति खातिर नीचे दिहा दूनव किसिम के क्रियाकलाप करव जरूरी है :

द्वे भाषण के खातिर	एक भाषा के खातिर
<ul style="list-style-type: none"> <li>- कार्यक्रम के योजना औ सङ्गोजन</li> <li>- पाठ्यक्रम निर्माण</li> <li>- शिक्षक सहित कार्यक्रम में सामिल जन( शक्ति का प्रशिक्षण (प्रशिक्षक सहित)</li> <li>- हरेक भाषा के सामग्री विकास औ उत( पादन के निरीक्षण</li> <li>- कक्षा के निरीक्षण (अवलोकन)</li> </ul>	<ul style="list-style-type: none"> <li>- कार्यक्रम के योजना औ सङ्गोजन</li> <li>- कक्षा में शिक्षण</li> <li>- पाठ्यसामग्री के विकास</li> <li>- कार्यक्रम का सहयोग (बहुभाषिक शिक्षा सहयोग समिति निर्माण)</li> </ul>

अल्पसङ्ख्यक भाषिक समुदाय में विगत में शिक्षा के अभाव या बढ़िया शिक्षा न पावय के नाते पेशागत दक्षता वाले मातृभाषिक वक्ता लोगन के सङ्ख्या बहुत कम होइ सकत है । यइसने अवस्था में बहुभाषिक शिक्षा कार्यक्रम काँ चलावत के आवय वाले चुनौतीन मध्ये के यी एक प्रमुख चुनौती होय । जइसय जइसय प्रभावकारी बहुभाषिक शिक्षा कार्यक्रम लागू होई या होत चला जाई यह अवस्था में सुधार होत जाई । परिवर्तन न आवय तक स्थानीय भाषा का बेरोकटोक बोलि पावय वाले, स्थानीय संस्कृति जाना सुना औ ओकर कदर करयवाले समाज में सम्मानित मनई का शिक्षक बनाइव उचित होत है । प्रयोग करयूम सजिल सिखाई सामग्री, बढ़िया पूर्वसेवाकालीन औ सेवाकालीन तालिम औ सहयोगात्मक निरीक्षण (अवलोकन) पाये गैर व्यवसायिक शिक्षकव बढ़िया से पढाय सकत है । यी बाति विभिन्न मुलुक के अनुभव बतावत है । यदि स्थानीय शिक्षक कामकाजी भाषा में दक्ष नाही है तो शिक्षक तालिम के समय में एकठू भाषा सिखाई सम्बन्धी पाठयांशव का सामिल करय के चाही । एक प्रभावकारी अभ्यास के रूप में पावा जाय वाला 'समूह शिक्षणव' के उपयोग करय के चाही । यह मा स्थानीय समुदाय के एक सहयोगी शिक्षक औ समुदाय के बहरे के प्राथमिक विद्यालय के नियमति शिक्षक एक साथ काम करयँ औ अपने अपने भाषा के कक्षा में दूनव जने जिम्मेवार होय वाले हिसाब से काम किहा जात है ।

## शिक्षक के चयन और प्रशिक्षण<sup>20</sup>

कम्बोडिया के रतनकिरी प्रान्त में 'हाइल्याण्ड चिल्ड्रेन्स एजुकेशन परियोजना' चलत है। यह परियोजना के उद्देश्य शिक्षा और आउर आधारभूत सरकारी सेवा में नाव मात्र के पहुच पावय वाले अल्पसङ्ख्यक भाषिक समुदायन के बीचे ग्रामीण स्कूल स्थापना करव होय। प्रणालीगत हिसाबय से ढेर समय से शिक्षक के कमी, स्कूल में अनियमित उपस्थिति और संस्कृति अनुसार के पढय पढावय वाले सामाग्रिन के कमी होय के नाते यह दुर्गम पहाडी क्षेत्र में शिक्षा पहुचाइव बहुत चुनौतीपूर्ण है। अपने स्कूल के व्यवस्थापन और शिक्षक चयन करय के जिम्मेवारी ग्रामीण स्कूल समितियय के है। शिक्षक लोग स्थानीय भाषा के साथय कामकाजिऊ भाषा 'ख्मेर' बोलत हैं। शिक्षक लोग लरिकनय के समुदाय के होय के नाते ऊ लोग लरिकन विटियन के ज्ञान और हुनर और अनुभव का बूझत हैं। जइसन कि उपरय कहा है, चुनौती यी है कि विगत में शिक्षा में सीमित पहुच होय के नाते ग्रामीण विद्यालय में पढावय के खातिर चुना लोगन मध्ये केहू प्राथमिकव स्कूल तक के शिक्षा नाही पूरा किहे हैं। यी परियोजना यइसने लोगन के खातिर दुर्गम द्विभाषिक और द्विसांस्कृतिक परिवेश के शिक्षक बनावय के खातिर शिक्षक तालिम पाठ्यक्रम तयार किहे है। पाठ्यक्रम के लक्ष्य निम्नलिखित क्रियाकलाप का कइके अल्पसङ्ख्यक समूह में आवा सहभागिन का संस्कृति अनुकूल के शिक्षक के तालिम देव होय :

- सहभागी लोगन काँ अपने प्राज्ञिक ज्ञान के विकास और विस्तार करय में सक्षम बनाव जाय।
- वन लोगन काँ शिक्षणविधि के ज्ञान और हुनर से सुसज्जत बनाव जाय।
- ऊ लोगन का अपनेव का निरन्तर रूप से सुधार करय में लागि परयवाला और पारस्परिक कक्षा अभ्यासकर्ता बनय खातिर तयार करव।
- ऊ लोगन का सहभागिता मूलक सङ्गठन और विद्यालय शिक्षा के माध्यम से सामुदायिक विकास में योगदान पहुचावय खातिर स्रोत सम्पन्न बनाव।
- समुदाय में ऊ लोगन के सामाजिक स्तर बढावय में सहयोग करव।
- शिक्षा में आदिवासी दृष्टिकोण विकास करय में सहयोग करव। शिक्षक तालिम 'सिखाई चक्र' में चलत है। यह में प्रशिक्षार्थी लोग तुरन्त अभ्यास और मूल्याङ्कन करयवाले सघन प्रशिक्षण चक्र में सहभागी होत हैं। यी खास कइके शिक्षा क्षेत्र में काम करयवाले लोगन के द्वारा प्रभावकारी सिखाई का प्रोत्साहन और सबल अभ्यास के विकास के खातिर एक रणनीति के रूप में पहिचाना 'कार्यमूलक अनुसंधान' अभियान होय।

**कार्यक्रम के अभिलेख और मूल्याङ्कन :** बढिया बहुभाषिक कार्यक्रमन में मूल्याङ्कन और अभिलेखन, योजना के चरण से शुरु होत है और कार्यक्रम अवधि तक चलत रहत है । कार्यक्रम के अभिलेखन और मूल्याङ्कन करयवाले विषय और यहि प्रक्रिया का मदत पहुचावय खातिर पूछा जाय वाले सवाल यहि किसिम से है :

**पाठ्यक्रम/शिक्षण विधि :** सिखाई के उपलब्धी स्पष्ट है ? शिक्षक लोगन का शिक्षण विधि सजिल लाग है ? पाठ के विषयवस्तु स्थानीय संस्कृति अनुकूल है ? पाठ्यक्रम मे कइसय सुधार कइ सका जात है ?

**शिक्षक और आउर जनशक्ति :** शिक्षक निर्देशिका के योजना के अनुसार चलत हैं ? निरिक्षक और प्रशिक्षक लोग स्थानीय शिक्षक सहित के जनशक्ति का प्रोत्साहन और सहयोग करत हैं ? कवने किसिम से कार्यक्रम के जनशक्ति का काम पूरा करय के खातिर समूचे तह में क्षमता, आत्मविश्वास और सिर्जनशीलता हासिल करय मे मदत किहा जाय सकत है ?

**तालिम :** शिक्षक तालिम कार्यशाला मे सहभागी भवा शिक्षक का शिक्षण विधि बूझे हैं ? लेखन कार्यशाला मे सहभागी लेखक लोग अपने लोगन के खातिर मातृभाषा मे सामग्री बनावय, चित्र राखय, सम्पादन करय और मूल्याङ्कन करय के काम कइ सकत हैं ? तालिम का कइसै सुधारा जाय सकत है ?

**सामग्री :** गैर पेशेवर शिक्षक लोगन के खातिर बना सिखाई सामग्री स्पष्ट और प्रयोग करय मे आसान हैं ? मातृभाषा के वक्तालोग पाठ्य सामग्री का उचित मानत हैं ? का विद्यार्थी लोग वहि सबका पढि सकत हैं ? पढत के वन लोगन का बढिया लागत है ? पाठ्य सामग्री के उत्पादन प्रणाली जइसन होय के चाही, वइसन है ? वितरण प्रणाली प्रभावकारी और विश्वसनीय है ? कवनो कवनो पक्ष मे सुधार के जरूरत है ?

**विद्यार्थी के प्रगति :** विद्यार्थी लोग अपने स्तर अनुसार के निर्धारित सिखाई के परिणाम हासिल होत देखि सकत हैं ? एक तह से दुसरे तह तक ऊ लोग सफलता पूर्वक प्रगति करत है ? विद्यार्थी और अभिभावक लोग वन लोगन के प्रगति से संतुष्ट हैं ? विद्यार्थी लोगन का आउर सफल बनावय के खातिर का कइ सका जात है ?

**कार्यक्रम के विस्तार और गुणस्तर :** योजना अनुसार के कार्यक्रम के विस्तार होत है ? भाषिक समुदाय के सदस्यन के साथ कार्यक्रम के खातिर जिम्मेवार लोग कार्यक्रम के विस्तार के तरिका से संतुष्ट है ? कार्यक्रम के विस्तार के साथ साथ येकर गुणस्तर कायम राखय के खातिर का कइ सका जात है ?

**लागत प्रभावकारिता :** मिला फायदा का देखत के कार्यक्रम के लागत सार्थक है कहिके साभेदार लोग सन्तुष्ट हैं ? यदि कार्यक्रम नवां हैं तो कार्यक्रम के गुणस्तर से बिना सम्भौता किहे यकरे लागत के हिसाब से आउर प्रभावकारी बनावय के उपाय है ?

**कार्यक्रम के दीर्घकालीन असर :** अल्पसङ्ख्यक भाषिक समुदाय और वृहत समाज मे कार्यक्रम कवने कवने किसिम से अपेक्षित और अनपेक्षित बदलाव लाये है ?

बढिया मूल्याङ्कन उपकरण, परिणाम के अभिलेखन और जरूरत के अनुसार के परिमार्जन के खातिर सूचना के प्रयोग से यी सुनिश्चित होइ जात है कि यी कार्यक्रम यकरे खातिर जिम्मेवारी लेय वालें और लगानी करय वाले लोगन के अपेक्षा का पूरा करी ? बहुत महत्व के साथ यी अल्पसङ्ख्यक भाषिक समुदाय के लक्ष्य और अपेक्षा पूरा करय के विश्वास देवावत है । यकरे अलावा, चालू कार्यक्रम के सफल और कमजोर पक्षन के अभिलेख से नवा कार्यक्रम के योजना बनावय वाले लोगन का महत्वपूर्ण सूचना देत है ।

बहुभाषिक शिक्षा कार्यक्रमन के अभिलेखन औ मूल्याङ्कन के उदाहरण

## दीर्घकालीन अनुसन्धान परियोजना

बहुभाषिक शिक्षा कार्यक्रम के बारे में यूरोप और अमेरिका में भवा दीर्घकालीन अध्ययन आदि से यी पता चलत है कि जैसे होयवाला फाइदा कुछ समय के बाद आउर बढ़िया देखात है। यही नाते बहुभाषिक शिक्षा कार्यक्रमन के सही मूल्याङ्कन के खातिर कार्यक्रम के दौरान और वक्रे बादव यी देखव जरूरी है कि अल्पसङ्ख्यक भाषा के विद्यार्थी कार्यक्रम अवधि और वक्रे बादव वही समुदाय के मातृभाषी विद्यालय में शिक्षा न पावा विद्यार्थी के तुलना में कइसन है (या कइसन करत है)। अबहिन तक एशिया, प्रशान्त या अफ्रिका में यहि किसिम के अध्ययन बहुत कम भा है। एस.आई.एल. सन् २००३ में एकठू दीर्घकालीन अनुसन्धान परियोजना (एल.आर.पी.) शुरु किहे है। यहमा दस वर्ष से उप्पर के अवधि तक चला बहुभाषिक कार्यक्रमन से सूचना एकट्ठा करयक और विश्लेषण करयक काम किहा जात है साथय यहि क्षेत्र से नीति निर्माता और शिक्षा क्षेत्र में काम करयवाले लोगन का बहुभाषी शिक्षा के बारे में सूचना प्रवाह किहा जात है।

एल आर पी प्राथमिक के साथय माध्यमिक तह तक प्रायोगिक (बहुभाषिक शिक्षा) और मूलधार (गैर मातृभाषी) के कक्षन के अवलोकन करी। खास कइके विद्यार्थिन के उपस्थिति और स्कूल छोडय के तथ्याङ्क, स्थानीय जिल्ला, प्रान्तीय और राष्ट्रिय परिक्षा के दौरान विद्यार्थिन के क्षमता प्रदर्शन के परिणाम, शिक्षण सामग्री और विधि, शिक्षक अभिवृत्ति, तालीम और निरिक्षण के मूल्याङ्कन पर विशेष ध्यान दिहा जाई।

**सहयोगी निकाय के बीच सम्बन्ध :** अल्पसङ्ख्यक भाषिक समुदाय के सहभागिता बिना खाली सरकारी तवर से बढ़िया बहुभाषिक शिक्षा कार्यक्रम के योजना और कार्यान्वयन नाही कइ सका जात है। समुदाय का गैरसरकारी संस्थान से सहयोग मिलय के बावजूद सरकारी सहयोग के बिना वनके कार्यक्रम हरेक तह में दीर्घकालीन रूप में टिकाउ नाही होइ सकत है। यही नाते सबल और टिकाउ बहुभाषिक शिक्षा कार्यक्रम के योजना, कार्यान्वयन और मूल्याङ्कन करय खातिर समुदाय के साथे काम करय वाले सरकार, विश्वविद्यालय अनुसन्धान केन्द्र, गैरसरकारी संस्था और आउर विभिन्न निकायन के समन्वय और सहयोग चाहीं। सहयोगी निकायन के सहयोग से हरेक साभेदार के अनुभव और विशेषज्ञता लगायत के स्रोत के सदुपयोग होत है।



## सवाल ५ : ढेर भाषन मे बहुभाषिक शिक्षा कार्यक्रम लागू करय के खातिर जरूरी खर्चा जुटाय पावा जाई ? अइसन प्रयास सार्थक होई ?

यहि जगह पर बढिया सवाल यी होइ सकत है “का हमरे अल्पसङ्ख्यक भाषा कै वक्ता लोगन का उपयुक्त शिक्षा से बचित राखय के खातिर खर्च पहुचाय सकित हन् ?”

हम्मन के लगे कुछ सौ बरिस कै परिणाम है कि दुसरे भाषा से शिक्षा देब केतना ढेर अनुपयुक्त है या कहा जाय तो पूरा नष्टकारी औ भेदभाव पूर्ण है । काहे कि यइसने स्कूल प्रणाली मे विद्यार्थी भर्ना दर, कक्षा दोहरावय औ स्कूल छोडय कै दर ढेर, स्कूली शिक्षा पूरा करय वालो लोगन कै दर कम होत है । उत्पादन मूलक खेती किसानी औ पारिवारिक काम छोडिके स्कूले जायवाले लोग यदि असफलता औ तिरस्कार भेलत है तो निश्चित रूप से वन लोगन के खातिर यइसन शिक्षा मङ्गनियव मे महड है । यहि अवस्था मे समाज के खातिर समग्र लागत स्पष्ट रूप से भविष्यवाणी कइ सका जात है कि कम से कम यहि उत्तर औपनिवेशी देशन मे शासन व्यवस्था अबहिनव समावेशी औ सहभागिता मूलक नाही बनि पाये है ।<sup>२१</sup>

शैक्षिक औ दीर्घकालिक आर्थिक लाभ के साथेन बहुभाषी शिक्षा कार्यक्रम वृहत्तर उद्देश्य का पूरा करत है । बहुभाषी शिक्षा कार्यक्रम के खातिर सरकारी सहयोग अपने समूचा नागरिक काँ यी आभास देवावत है कि अल्पसङ्ख्यक भाषा औ अइसन जनता सम्मानित है । बहुभाषिक शिक्षा कार्यक्रम विद्यार्थी काँ अपने घर कै भाषा औ कामकाजी भाषा के बीचे बढिया पुलह बनावय मे मदत करत है । जवन कि वन लोगन का अपने विशिष्ट भाषिक औ सांस्कृतिक सम्पदा का छोडय खातिर बिना दबाव दिहे राष्ट्रिय एकता कायम करय मे मदत करत है । संसारभर कै अनुभव यी देखाय दिहे कै कि जनता के भाषिक औ सांस्कृतिक विरासत कै अनदेखा करब या दबाइव विभाजन औ विग्रह कै कारण बनि चुकी है । बहुभाषिक शिक्षा विविधता के बदला मे न होइकै विविधता का स्वीकार करत एकता कै समर्थन करत है ।

बहुभाषिक शिक्षा सार्थक है ? यहि सवाल कै जबाब देवय वाले सबसे उपयुक्त व्यक्ति अल्पसङ्ख्यक समुदाय कै सदस्य खुद है । समुदाय कै आवाज के साथे यहि पुस्तिका कै अन्त्य करय खातिर यिहां पपुवा न्युगिनी के एक अभिभावक कै दृष्टिकोण पेस है :

जब लरिके विटियय स्कूले जात है तो ऊ लोग एक वीरान जगही पर पहुचत है । वन लोग अपने महतारी बाप औ घर परिवार का छोडत है, आपन बाग बगैचा, आपन सबकुछ छोडि कै चलत है । ऊ लोग कक्षा कोठरी मे बइठत है औ यइसन कुछ सिखत है, जवने कै वनके गाँव ठाँव से कवनो सम्बन्ध नाही है । बाद मे यी लोग खाली बाहिरी बाति जाना होय के नाते अपने बाति का ठुकुराय देत है ।

ऊ लागे काउकाउ (आलू, सकरकन्द, कान) खनय नाही चहते यी तो गन्हाउर है, कहत है । महतारी का पानी लावय मे सहयोग नाही करते । यइसन काम करत के ऊ लोगन का लाज

२१. बेंसन, सी. २००१ (२० एप्रिल) रिअल एण्ड पोटेन्शियल बेनिफिट्स ऑफ वाइलिंगुअल प्रोग्राम्स इन डिभेलपिड कट्रिज थर्ड इंटरनेशनल सिंपोजिअम ऑन वाइलिंगुअलिजम, ब्रिस्टॉल : इड्लैड ।

लागत है। आज लरिकन मे बहुत बदलाव आ है। वन लोग अपने अभिभावक का नाही टेरत हैं, बदमास हैं। ऊ लोग विद्यालय जाय के नाते औ हम्मन कै बाति छोडय के नाते यइसन भा है।

आजकाल्हि हमार लरिका तोक स्कूल मे है। ऊ आपन जगहि नाही छोडे है। विद्यालय मे ऊ आपन चालचलन सिखे है। आज ऊ अपने इच्छाअनुसार कै हरेक चीजि तोक प्लेस मे लिखि सकत है। ऊ जवन चीज देखि पावत है उहय भर नाही, जवन सोचि सकत है उहव। ऊ अपने जगही के बारे मे लिखत है। ऊ अपने महतारी का पानी लावय मे सहयोग करय, काउ काउ खनय औ बगिया मे जाय के बारे मे लिखत है।

जब ऊ यी कुलि बाति लिखत है तो यी चीज वकरे खातिर महत्वपूर्ण होइ जात है। ऊ बहरे के बातीन के बारे मे पढत औ लिखत भर नाही है, पढाई औ लिखाई से अपने जीवनशैली के प्रति गर्ब करहुक सिखत है। जब ऊ बडा होई तो हम्मन का अस्वीकर नाही करी। हम्मन के लरिकन कै पढव औ लिखव सिखाइव महत्वपूर्ण बाति होय। लेकिन वहू से महत्वपूर्ण बाति अपने औ हम्मन के प्रति गर्ब करयूक सिखाइव होय।<sup>२२</sup>

२२. डेलिपट, एल. डी. आ केमेलफिल्ड, जी. १९८५ एक इभैलुएशन ऑफ द भिलेस तोक प्लेस स्कूल स्कीम इन द नॉर्थ सोलोमंस प्रोभिंस इआरयू रिपोर्ट नं. ५१ वाइगानी, पपुआ न्यू गिनी, युनिभर्सिटी ऑफ पपुआ न्यू गिनी, पृ २९-३०।

अवस्थी, लवदेव २००४. एक्स्लोरिड स्कूलप्रैक्टिसेज इन मल्टिलिंगुअल नेपाल पीएचडी शोधग्रंथ, कोपेनहेगेन : डेनिस युनिभर्सिटी ऑफ एजुकेशन, पृ. १९७।

इस्टोन, सी. २००६. (७-९ नवंबर) अल्फावेट डिजाइन वर्कशाप्स इन पपुआ न्यू गिनी : अ कम्युनिटी-बेस्ड अप्रोच टु ऑर्थोग्राफी डिभेलपमेंट इंटरनेशनल कन्फ्रेंस ऑन लैंग्वेज डिभेलपमेंट, लैंग्वेज रिभाइटलाइजेशन एण्ड मल्टिलिंगुअल एजुकेशन बैकक। [http://www.sil.org/asia/lc/parallel/\\_papers/catherine\\_easton.pdf](http://www.sil.org/asia/lc/parallel/_papers/catherine_easton.pdf) (१७ नवंबर २००६ में प्राप्त)

कमिन्स, जे. २००० वाइलिंगुअल चिल्ड्रेन्स मदर टड : हवाई इज इट इम्पार्टेंट फॉर एजुकेशन <http://www.iteachilearn.com/cummins/mother.htm> (१७ नवंबर २००६ में प्राप्त)

चिराग, २००१ वाइलिंगुअल एजुकेशन : अ स्टडी रिपोर्ट काठमांडू : शिक्षा औ खेलकुद मंत्रालय, शिक्षा विभाग, अनुसंधान औ विकास शाखा।

जेरी, एन. आ पान, वाई. २००१ (१९-२१ सेप्टेबर) एट हंड्रड स्टोरिक फॉर दोड डिभेलपमेंट : अ वाइलिंगुअल एजुकेशन पाइलट प्रोजेक्ट इन गुइभोउ प्रोभिंस, चाइना. छठा ऑक्सफोर्ड इंटरनेशनल कन्फ्रेंस ऑन एजुकेशन एण्ड डिभेलपमेंट ऑक्सफोर्ड : यूनाइटेड किडडम।

डेलिपट, एल. डी. आ केमेलफिल्ड, जी. १९८५ एक इभैलुएशन ऑफ द भिलेस तोक प्लेस स्कूल स्कीम इन द नार्थ सोलोमंस प्रोभिंस इआरयू रिपोर्ट नं. ५१ वाइगानी, पपुआ न्यू गिनी, युनिभर्सिटी ऑफ पपुआ न्यू गिनी, पृ २९-३०।

बेंसन, सी. २००१ (२० एप्रिल) रिअल एण्ड पोर्टेशियल बेनिफिट्स ऑफ वाइलिंगुअल प्रोग्राम्स इन डिभेलपिड कट्रिज थर्ड इंटरनेशनल सिंपोजिअम ऑन वाइलिंगुअलिजम, ब्रिस्टॉल : इड्लैंड।

बेंसन सी. २००५. मदर टड वेस्ड टिचिड एण्ड एजुकेशन फॉर गर्ल्स, बैकक, युनेस्को जतत

<http://unesdoc.unesco.org/images/0014/001420/142079e.pdf> (१७ नवंबर २००६ में प्राप्त)

भाल्लेस, एम.सी. २००५. एक्शन रिसर्च ऑन द डिभेलपमेंट ऑफ एक इंडिजेनस पीपुल्स एजुकेशन प्रोग्राम फॉर द माग्बिकिन ट्राइब इन मोरोड, बतान, फिलिपिंस, युनेस्को, फर्स्ट लैंग्वेज फर्स्ट : कम्युनिटी - बेस्ड लिटरसी प्रोग्राम्स फॉर माइनारिटी लैंग्वेज कंटेक्ट इन एशिया बैकक, युनेस्को, पृ. १८१-१९५।

मेलोन, एस. २००५ प्लानिड कम्युनिटी-बेस्ड एजुकेशन प्रोग्राम्स इन माइनारिटी लैंग्वेज कम्युनिटिज. रिसोर्स मैनुअल फॉर मदर टड स्पीकर्स ऑफ माइनारिटी लैंग्वेज इंगेज्ड इन प्लानिड एण्ड इम्प्लेमेंटिड एजुकेशन प्रोग्राम्स इन देअर वोन कम्युनिटिज।

मेलोन, डी. आ सुविलाई, पी २००५ लैंग्वेज डिभेलप्मेंट एण्ड लैंग्वेज रिभाइटलाइजेशन इन एशिया. मोन  
छमेर स्टडिज, भॉलमु ३५, पृ. १०१-१२०

मिडलबार्ग, जें २००५ हाइलैड चिल्ड्रेंस एजुकेशन प्रोजेक्ट : गुड लेशंस लर्नर्ड ई वेसि एजुकेशन बैकक :  
युनेस्को ।

यादव, योगन्द्रप्रसाद औ आउर लोग (तैयारी के क्रम मे) लिंग्विस्टिक डाइभर्सिटी इन नेपाल : सिचुएशन  
एण्ड पॉलिसी प्लानिड ।

वर्ल्ड बैक. २००५. एजुकेशन नोट्स. इन देअर वोन लैंग्वेज : एजुकेशन फॉर ऑल, वाशिङ्टन  
डी.सी. : वर्ल्ड बैक. [http://siteresources.worldbank.org/EDUCATION/Resources/Education-Notes/EdNotes\\_  
Lang\\_of\\_Instruct.pdf](http://siteresources.worldbank.org/EDUCATION/Resources/Education-Notes/EdNotes_Lang_of_Instruct.pdf) (१७ नवंबर २००६ में प्राप्त)

## परिभाषिक शब्दावली - भाषा

- अलिखित भाषा :** पढाई/लेखाई मे प्रयोग न आवा खाली बोलीचाली मे सीमित भाषा
- अल्पसङ्ख्यक भाषा:** अल्पसङ्ख्यक सामाजिक समूह वा जाति कै भाषा । कब्बव कब्बव सङ्ख्यात्मक रूप से बडा समूह मे बोलीचाली कै भाषा होय के बावजूद मुख्य भाषा के रूप मे प्रयोग न किहा जायवाले भाषा का बूझा जात है ।
- कामकाजी भाषा :** सरकारी कार्यालय, स्कूल सहित आउर संस्थान मे दैनिक कामकाज के खातिर प्रयोग होयवाला भाषा उदाहरण के रूप मे : भारत मे अङ्ग्रेजी औ हिन्दी का कामकाजी भाषा के रूप मे मान्यता दिहा है औ राज्यन मे अपनय आपन राज्य भाषा चलनचल्ती मे है । नेपाल मे नेपाली का सरकारी कामकाज के भाषा कै मान्यता मिला है ।
- घर कै भाषा :** घर मे बोली जायवाली भाषा (पहिला भाषा औ मातृभाषा का देखा जाई) केहू केहू के घर कै भाषा एक से ज्यादा होइ सकत है ।
- दूसर भाषा :** पहिला या घर के भाषा का छोडि कै दूसर भाषा, व्यापक संचार सम्पर्क कै भाषा या विदेशी भाषा
- सामान्य रूप मे घर से बहरे व्यापक समुदाय में बोला जाय वाले भाषाका बूझा जात है । द्विभाषिक शिक्षा में पहिला भाषा के बाद पढाई मे प्रयोग किहा जाय वाले भाषा का दुसर भाषा (कामकाजी औ विदेशी) बूझा जात है ।
- पहिला भाषा :** मनई के मुह से निकरा पहिला भाषा, मौलिक भाषा (मातृभाषा, घर कै भाषा, स्थानीय भाषा का देखा जाई)
- पैतृक भाषा :** मनई कै पुर्वज या कवनो जाति या भाषिक समुदाय कै भाषा
- भाषिका :** भौगोलिक क्षेत्र या सामाजिक समूह अनुसार भाषा मे होयवाला भिन्नता ('भेद' का देखा जाय ।)
- भेद :** भौगोलिक क्षेत्र औ सामाजिक समूह अनुसार भाषा मे आवय वाला अन्तर
- मातृभाषा :** पहिला भाषा, मौलिक भाषा (पहिला भाषा, पैत्रिक भाषा, घर कै भाषा का देखा जाय ।)
- मनई कै (१) सबसे पहिला सिखा भाषा (२) अपने या दुसरे से मातृभाषी वक्ता के रूप मे चिन्हावा भाषा (३) सबसे बेसी जानल भाषा (४) सबसे बेसी प्रयोग मे आवय वाली भाषा

- माध्यम भाषा :** स्कूल में पढ़ाई लिखाई के माध्यम के रूप में प्रयोग होयवाली भाषा
- मुख्यभाषा :** मुख्य समाज के बोलय वाली या देश के मुख्य भाषा के रूप में रहा भाषा, देश में ढेर जनसङ्ख्या के बोलय वाली भाषा न होय के बावजूद राष्ट्रभाषा या कामकाजी भाषा के रूप में मान्यता पावा भाषा ।
- राष्ट्र भाषा :** देश के भित्तर व्यापक रूप में बोला जायवाली भाषा, राष्ट्र से महत्वपूर्ण कहिके किटान किहा भाषा, कब्वव कब्वव कामकाजिउ भाषा । उदाहरण : भारत में दुई ठू कामकाजी भाषा औ बाइस ठू अनुसूचित भाषा किटान किहा है औ हरेक राज्य के अपनय आपन राज्य भाषा चलन चल्ती में है । नेपाल में नेपाली का सरकारी कामकाज के भाषा तयँ किहा है । नेपाल के अन्तरिम संविधान, २०६३ में नेपाल के भित्तर बोला जायवाली हरेक मातृभाषा का राष्ट्रभाषा घोषित किहा है ।
- विदेशी भाषा :** अइसन भाषा जवन वक्ता के समुदाय में न बोला जात होय ।
- सम्पर्क भाषा :** भाषिक समुदाय के बीचे एक दुसरे से सम्पर्क करय खातिर प्रयोग किहा जाय वाली भाषा । उदाहरण : नेपाल के पहाडी क्षेत्र में नेपाली, तराई मधेश के विभिन्न क्षेत्र में मातृभाषा के साथे हिन्दी औ हिमाली क्षेत्र में तिब्बती
- स्थानीय भाषा :** अपने समुदाय में बोला जायवाली भाषा । सम्पूर्ण रूप में लेखन पद्धति के विकास न भवा भाषव होइ सकत है ।

## पारिभाषिक शब्दावली - सामान्य

- आदिवासी :** कवनो क्षेत्र वा देश मे आदिकाल से या बहुत पहिले से बसा मानव समूह/समुदाय
- कार्यान्यवयन :** कवनो नवां कानून लागू करय खातिर मनई या आउर स्रोत परिचालन करय वाला तरीका ।
- गैरसरकारी संस्था :** राष्ट्रिय सरकार कै अङ्ग न होय के बावजूद सामुदायिक विकास के खातिर काम करयवाला संस्था ।
- जनचेतना बृद्धि :** आपन जरूरत चीन्हि कै बोकां पावय खारि सहयोग देय वाला सूचना औ जानकारी देय कै काम ।
- दुईभाषी :** व्यक्ति : दुई भाषा बोलय औ बूझय (कव्वव कव्वव लिखिउ पढि सकय ।)  
समाज : दुई भाषा बोलय वाले लोग साथय साथ रहय वाली समुदाय ।
- दुइ भाषी शिक्षा :** साक्षरता औ औपचारिक लिखाई पढाई कै माध्यम के रूप मे दुइ भाषा प्रयोग कइकै दिहा (द्विभाषी शिक्षा) जाय वाली शिक्षा । यहमा व्यवहारिक रूप से साक्षरता औ पढाई लिखाई सिखावत के सबसे पहिले व्यक्ति कै पहिला भाषा/मातृभाषा से शुरु किहा जाला औ दुसरे भाषा का लिखाई पढाई कै माध्यम के रूप मे धीरे धीरे सामिल किहा जाला ।
- धारा प्रवाह :** बिना कवनो अवरोध के बोलय, पढय औ लिखय मे उच्च दक्षता ।
- निरक्षर :** खुद कै जाना सुना भाषा मे लिखय पढय कै अवसर न पावा मनई ।
- परिचालन :** कवनो कार्यक्रम कै योजना बनावय औ लागू करय खातिर समुदाय औ समुदाय के सहयोगिन का सङ्गठित करय कै काम ।
- पाठ्यक्रम :** शैक्षिक कार्यक्रम के खातिर शिक्षण योजना, पढयवाला विषय वस्तु औ सहयोगी सामान ।
- बहुभाषी :** व्यक्ति : दुइ से ढेर भाषा जानय बूझय वाला (लिख पढ कइ सकय वाला) ।  
समाज : दुइ से बेसी भाषा भाषी बसोबास करय वाला समाज ।
- बहुभाषिक शिक्षा :** साक्षरता औ औपचारिक शिक्षा मे दुइ से ढेर भाषा प्रयोग कइकै लिखाई पढाई (शिक्षण) करावा जायवाली शिक्षा - बच्चा या व्यक्ति के पहिला भाषा कै माध्यम से पढाई शुरु कराय कै दूसर तीसर भाषा से जोडत लइ जायवाली शिक्षा ।
- भाषा विकास :** शिक्षा मे केहू का कवनो भाषा बढिया से सुनय बोलय पढय औ लिखय कै सिखावय वाली काम ।

**भाषिक अल्पसङ्ख्यक :** कम जनसङ्ख्या होय के नाते या राजनीतिक औ आर्थिक कारण से समाज मे दुसरे के तुलना मे कमजोर रुप मे रहय वाला यक्कय भाषा बोलय वाले मनइन के समूह ।

### मातृभाषा पर आधारित

**दुइ भाषिक शिक्षा :** पहिला भाषा के माध्यम से लिखाई, पढाई औ सिकाई के प्रक्रिया शुरु कइके दूसर भाषा सिखावत जायवाला स्कूली शिक्षा प्रणाली (बहुभाषिक शिक्षा का देखा जाय ।)

**बहुभाषिक शिक्षा :** पहिला भाषा के माध्यम से लिखाई, पढाई औ सिकाई प्रक्रिया शुरु कइके दुसरे भाषा के साथेन अउरो भाषा सिखावत जायवाला शिक्षा प्रणाली (दुइ भाषिक शिक्षा देखा जाय ।)

**मुख्य समूह :** बेसी जनसङ्ख्या होय के नाते या आर्थिक औ राजनीतिक कारण से देश मे शक्ति के रुप मे रहा सामाजिक समूह ।

**मूलधार :** मुख्य समूह के भाषा औ संस्कृति (कब्बव कब्बव खाली मुख्य समूह के खातिर बनावा स्कूल औ भाषिक अल्पसङ्ख्यक लोगन के जरूरत न पूरा करयवाला स्कूल बूझा जाला ।)

**लेखन पद्धति :** लिपि हिज्जे नियम औ विराम चिन्ह सहित के लेखन के मानक प्रणाली ।

**लैङ्गिक समानता :** मेहरारु औ मर्द, बिटिया या बेटवा के मानव अधिकार का पूरा पूर जानय बूझय खातिर आर्थिक, सामाजिक, सांस्कृतिक औ राजनीतिक विकास मे योगदान करय खातिर औ वोसे लाभ लेवय खातिर समान परिस्थिति के अवस्था ।

**सल्लाहकार समिति :** बहुभाषी शिक्षा कार्यक्रम मे सामिल अगुवा लोगन के समिति, (यहमा प्रायः मातृभाषा बोलयवाले औ सहयोगी संस्था के सदस्य होत हैं ।)

**सहजकर्ता :** आउर लोगन का लेखपढ मे सहयोग करयवाले मनई, शिक्षक ।

**साक्षरता :** जीवन मे जरूरी व्यवहार पूरा करय खातिर पढय, लिखय औ हिसाब करय के साथेन आउर भाषिक क्रियाकलाप ठीक से करय के क्षमता ।

**साभेदार :** नवा कार्यक्रम लागू करय खातिर समुदाय से मिलि के काम करय वाला मनई, संस्था या निकाय ।

**लिखाई उपलब्धि :** स्कूल मे होय वाले पढाई के विषयवस्तु, भाषा के ज्ञान, हुनर औ दक्षता ।

**स्थायित्व :** ज्यादे समय तक समय के हिसाब से निरन्तर स्थापित गुण ।



## बहुभाषिक शिक्षा विस्तार के खातिर उपयोगी सामग्री :

स्कूल के पहुच से बहरे रहै वाले लोगन के समावेशीकरण

समुदाय के सदस्य  
लोगन के खातिर पुस्तिका



# समुदाय के सदस्य लोगन के खातिर पुस्तिका

## परिचय

अल्पसङ्ख्यक भाषिक समुदाय के ढेर लरिकन विटियन के खातिर स्कूल एक अपरिचित जगह होय, जहां अपरिचित धारणा अपरिचित भाषा मे पढावा जात है। लरिकन विटियन का आपने महतारी बाप औ नाते रिस्तेदार से सिखा ज्ञान औ अनुभव के स्कूले मे कवने काम के नाही रहत। स्कूले मे जवने भाषा मे वनके लरिकन का शिक्षा दिहा जात है, ऊ वनके महतारी बाप नाही बूझत है तो वनहू लोग अपने लरिकन विटियन का पढावय मे सहभागी नाही होइ पावत है। पपुआन्युगिनी के मूलधार (मुख्य भाषा) के स्कूल सम्बन्धी आपन अनुभव एक जने अभिभावक यहि किसिम से सुनाइन :

जब लरिके विटियन स्कूले जात है, तो ऊ लोग एक बीरान जगही पहुँचत है। ऊ लोग अपने जीवन के अभिन्न हिस्सा अपने माइबाप, बाग बगैचा, जीवनशैली सब कुछ छोडि देत है। वन लोग कक्षा कोठरी मे बइठत है औ कुछ यइसन वाति सिखत है, जवने के वन लोगन के अपने गाँव ठाँव मे कवनो मूल्य नाही है। बाद मे, ऊ लोग खाली अउरय चीज सिखत है, यही नाते अपने मूल्य मान्यतन का अस्वीकृत कइ देत है।<sup>1</sup>

यी पुस्तिका विद्यार्थी केन्द्रित औ समुदाय केन्द्रित शिक्षा के बारे मे है। जेह मा लरिके अपने घरके भाषा मे शिक्षा के सुरुवात करत है औ स्कूल के कामकाजिउ भाषा (जरुरत के अनुसार अउरव भाषा) सिखत जात है। यहि कार्यक्रमन मे अपने अभिभावक औ समुदाय से लरिकन का मिला ज्ञान औ अनुभव के सम्मान होला औ आगे के पढाई के आधार तइयार होला।<sup>1</sup> मातृभाषा पर आधारित बहुभाषिक शिक्षा के नांव से जाना जायवाला यी कार्यक्रम खास कइके समुदाय के खातिर चलावा माना जात है, जहां विद्यार्थी लोग औपचारिक शिक्षा के भाषा न बोलिके अपने घर के भाषा मे बोलत है। यही नाते यहि प्रक्रिया मे विद्यार्थिन का वनके घर के भाषा औ संस्कृति का छोडय के खातिर दबाव दिहे बिना वन लोगन का शैक्षिक लक्ष्य पावय मे मदत किहा जात है। यी काहे जरुरी है ? यी कवने तरिका से काम करत है ? यी कवने तरिका से विद्यार्थी का फाइदा पहुचावत है ? येका लागू करय खातिर काव काव चाहीं ? बहुभाषिक शिक्षा के बारे मे अभिभावक, शिक्षक, प्रशासक औ समुदाय के आउर सदस्यन के द्वारा पूछा जायवाले अइसनय किसिम से सवालन के आधार पर यी पुस्तिका बनावा गा है।

१. डेलिपट, एल.डी. आ केमेलफिल्ड, जी. १९८५. एन इन्वैलुएशन ऑफ द भिजेस स्कूल स्कीम इन नॉर्थ सोलोमंस प्रोविंस, इआरयू रिपोर्ट नं. ५१. वाइगानी, पपुआ न्यू गिनी : यूनिवर्सिटी ऑफ पपुआ न्यू गिनी. पृ. २९-३०।

## सवाल औ जवाफ

### अल्पसङ्ख्यक भाषिक समुदाय कै भाषा औ शिक्षा

सवाल १ : अल्पसङ्ख्यक भाषिक समुदायन कै बहुसङ्ख्यक लरिकन कै शैक्षिक अवस्था कइसन होत है ?

लरिकन विटियय स्कूले जाय कै शुरु करय के बाद ढेर नवां बाति सिखय के परत है । वन लोग न का :

- विद्यालय के व्यवहार के बारे मे सिखयक परत है ।
- पढय औ लिखय के सिखयक परत है ।
- गणित विज्ञान, सामाजिक अध्ययन औ आउर विषय मे नवां सूचना औ धारणा के बारे मे सिखय के परत है ।
- ऊ लोग नवा जानकारी औ धारणा समझि चुका है औ ऊ सब कै प्रयोग कइ सकत हैं, यी देखावय के परत है ।

स्कूल कै कामकाजी भाषा न बोलय वाले लरिकन का स्कूल शुरु करत के विशेष चुनौतीन कै सामना करय के परत है :

- वन लोगन का स्कूल कै कामकाजी भाषा सिखय के परत है । साथय साथ वही समय ऊ लोगन का शिक्षक लोगन के द्वारा सिखावा नवां बाति बूझय कै कोशिस करय के परत है ।
- स्कूल के कामकाजी भाषा मे लिखा पाठ्यपुस्तक (किताब) के पाठ का वन लोगन का बूझय के कोशिस करय के परत है । वन लोगन का पाठ का बूझय के हिसाब से जरूरत अनुसार कै भाषा नाही सिखे है तो जवने अनुसार शिक्षक पढाये है, उहय सुनिकय शब्द, पदावली औ पूरे वाक्यव का रटय के परी । लेकिन रटब औ बूझव यककय बाति नाही होय । यही नाते सिखाई मे ऊ लोग आउर ढेर पीछे जाय कै अवस्था आवत है ।
- ऊ लोगन का नवां भाषा मे लिखयक जानि चुकय के चाहीं । वनलोग बढिया से भाषा नाही बूझि पाइन, तो ऊ लोगन का ब्याकबोर्ड, किताब, आदि से अक्षर, शब्द औ वाक्य उतारय के परत है, लेकिन यइसन लिखाई से आपन विचार व्यक्त करयम कवनो किसिम कै मदत नाही पहुचत है ।

भारत के एक जने शिक्षा अधिकारी खुद कै देखा एक कक्षा कोठरी के समस्या का यहि किसिम से बताये है :

विद्यार्थी लोगन काँ शिक्षक कै पढावा बाति पर एक रत्ती ध्यान देत नाही देखयक मिला । ऊ लोग शून्य भाव से शिक्षक के ओर औ कब्बव कब्बव ब्लैकबोर्ड मे लिखा कुछ चीजिन का देखत रहे । विद्यार्थी लोग कुछ नाही बूझि पाये हैं, यहि बाति का अच्छा तरिका से जानयवाले शिक्षक महोदय आउर कर्कस अवाजि मे वोकर लम्मा ब्याख्या करत रहें ।

बाद मे बोलत बोलत थकि जाय के बाद औ छोट छोट लरिके राष्ट्र कै बिटियय दुबिधा मे परा जानि कै वन विद्यार्थिन का ब्लैकबोर्ड देखिकै लिखय के कहिन । 'हमार लरिके बिटियय ब्लैकबोर्ड देखि कै उतारय मे बडा चतुर हैं । पांच कक्षा तक पहुचत पहुचत वन लोग हरेक चीजि देखि कै लिखय औ कन्ठ कइ लिहैं । लेकिन बाद मे वनही बताइन कि कक्षा पाँच कै खाली दुइ जने विद्यार्थी स्कूले के कामकाजी भाषा (हिन्दी) का वास्तव मे बोलि पावत हैं ।<sup>२</sup>



पपुवा न्युगिनी कै एक जने शिक्षक स्कूल कै कामकाजी भाषा न बुझय वाले लरिकन के दुबिधा औ त्रास के बारे मे यहि किसिम से बताये है :

हम कक्षा मे पढावत के अधिकतर लरिकन बिटियन का असमंजस मे परा पायन । ऊ लोग अपने बाप महतारी से घर कै भाषा बोलत रहे औ ऊ गाँव कै भाषा छोटछोट बहरे आ रहें औ हम वहि छोटछोट लरिकन के आगे राक्षस घत खडा होइकै वन सबका न आवय वाले भाषा मे बाति करत रहेन । हम वन लोगन का कुछ सिखावय के जगही डेरवावत रहेन ।<sup>३</sup>

यी वास्तविकता होय कि अल्पसङ्ख्यक भाषिक समुदाय से आवा कुछ लरिके स्कूले कै कामकाजी भाषा बढिया से सिखि सकत हैं । कुछ अपने शिक्षा का पूरा कइके सफलतापूर्वक समाज के मूलधार मे घुलमिल कइ लेत हैं । यइसने अवस्था मे वन लोगन कै अपने समुदाय से कइसन सम्बन्ध है ? बहुत दुखदाई । यथार्थ यी है कि जो कक्षा कोठरी मे खाली मुख्य भाषा कै प्रयोग होत है औ पाठ मे खाली वही प्रभावी भाषा भाषी लोगन के समाज का राखा है तो येकर परिणाम का होत है कि अल्पसङ्ख्यक लरिके बिटियय आपन भाषा भुलाय जात हैं साथय अपने संस्कृति औ समुदाय के ज्ञान, माया, मोह औ आदर वनके संगत से खिसकि सकत है ।

संक्षेप मे, लरिकन का जवन भाषा मालुम नाही है, ऊ भाषा प्रयोग न होयवाले विद्यालय मे अल्पसङ्ख्यक भाषिक समुदाय के विद्यार्थिन का शैक्षिक, सामाजिक औ आउर विभिन्न समस्या पैदा होत है :

२. फ्रिग्रान, डी. २००५. लैंग्वेज डिसेडभान्टेज. द लर्निङ चैलेंज इन प्राइमरी एजुकेशन. न्यू दिल्ली : ए.पी.एच. पब्लिशिङ ।
३. मेलोन, डी. २००४. दी इन बिट्वीन पीपुल. डलास : युनाइटेड स्टेट्स, एसआईएल इंटरनेशनल. पृ. १७ ।

- कक्षा दोहरावय औ विद्यालय छोडय वालन कै सङ्ख्या दर ढेर होत है । काहे कि, ऊ लोग अपने न बूझय वाले भाषा मे पढाई होय के नाते पढावा औ सिखावा बाति नाही सिखि पावत हैं ।

विद्यालय छोडय, फेल होय औ कक्षा दोहरावय कै कारण यी होइ सकत है :

अधिकतर प्रधानाध्यापक लोग बताइन कि मातृभाषा मे शिक्षा के खातिर शिक्षक भर्ना करय कै कवनो नीति नाही है । एकतिस जनेमध्ये पच्चीस जने शिक्षक लोग विद्यार्थी का विद्यालय मे मातृभाषा प्रयोग करय मे प्रोत्साहित न करयवाली बाति स्वीकर किहिन । अधिकतर शिक्षक लोग यी बाति बूझत है कि नेपाली मे जरूरी ज्ञान न होय के नाते नेपाली भाषा न बोलय वाले लरिके विटियय विद्यालय छोडय, असफल होय औ कक्षा दोहरावत है । यहि बाति पर जोर दिहिन कि ऊ लोग नेपाली भाषा न बोलय वाले क्षेत्र मे द्विभाषी औ बहुभाषिक शिक्षा जरूरी है । यी कुलि के बावजूद विद्यालय मे मातृभाषा प्रयोग करय के बारे मे ऊ लोगन कै व्यवहार औ विचार नाही मिलत है ।<sup>४</sup>

- अपने शिक्षक औ अभिभावक के आशा अनुसार कै उपलब्धी न होय के नाते विद्यार्थिन मे खुद पर आत्मविश्वास कायम न होय कै स्थिति आय सकत है ।
- खाली मुख्य भाषा, संस्कृति औ समाज का महत्वपूर्ण बतावय कै सनेश स्कूल मे मिलय के नाते विद्यार्थिन का अपने भाषा, वंशाणुगत संस्कृति के प्रति स्नेह के साथय घर औ समुदाय के प्रति आदर मे कमी आय सकत है ।
- विद्यार्थी लोग काम पावय के खातिर जरूरी ज्ञान औ हुनर हासिल करय मे असफल होइ सकत हैं ।
- अपने समुदाय औ राष्ट्र कै राजनीतिक विकास मे सक्रिय रूप से भाग लइ सकयम के खातिर जरूरी ज्ञान औ आत्मविश्वास पावय मे असफल होइ सकत हैं ।

पपुवा न्यु गिनी कै शिक्षा विभाग यही किसिम के बात का यहि रूप मे लिखे है :

औपचारिक रोजगारी के क्षेत्र मे प्रवेश न करावय वाली शिक्षा प्रणाली अधिकतर लरिकन का आम जनता के जीवन शैली से पराई बनावत है, औ समुदाय या राष्ट्र के विकास मे सकारात्मक योगदान देवय के खातिर जरूरी ज्ञान, हुनर औ जीवन वृत्ति पावय मे बाधा पहुचावत है ।<sup>५</sup>

४. अवस्थी, लवदे २००४. एक्सप्लोरिड मोनोलिंगुअल स्कूल प्रैक्टिसेज इन मल्टिलिंगुअल नेपाल, पीएचडी शोधग्रंथ, कोपेनहेगेन : डेनिस युनिभर्सिटी ऑफ एजुकेशन, पृ. २०३  
 ५. डिपार्टमेंट ऑफ एजुकेशन. १९९१. एजुकेशन सेक्टर रिभ्यू. वाइगानी : पपुआ न्यु गिनी. पृ. ७ ।

**सवाल २ : मातृभाषा पर आधारित बहुभाषिक शिक्षा लरिकन का स्कूल मे बढिया प्रगति करय मे कइसय मदत करत है ?**

हरेक भाषा मे प्रभावकारी शिक्षा दुई आधारभूत सिद्धान्त से निर्देशित होत है :

१. सिखाई कै अर्थ होत है : हमरे कण्ठ कइ लिहा जाई । लेकिन जवन हम्मन के खातिर कवनो अर्थ नाही राखत, ऊ हमरे नाही सिखि पावा जाई ।
२. सिखाई जान से अन्जान के ओर जात है: हम्मन का नवाँ विचार औ जानकारी का बूझय औ प्रयोग करय के खातिर सबसे पहिले जाना बाति से शुरु किहा गय तो बढिया से सिखा जाई ।

लरिके विद्यालय जाय से बहुत पहिले सार्थक सिखाई कै अनुभव कइ चुका होत है । वन लोग अपने मातापिता औ आउर लोगन से बतुआत के नातागोता के सम्बन्ध के बारे मा जानि चुकत है । वन लोग अपने आसपास के संसार कै अवस्था औ वातावरण के बारे मे सिखत हैं । खुद कै दैनिक क्रियाकलाप के माध्यम से ऊ लोग कवनो वस्तु कै क्रम निर्धारण औ वर्गीकरण करत है । साथय वजन औ दूरी कै तुलना करत हैं । वन लोग अपने बुझाई अनुसार दुसरे कै कहा बाति बढिया औ खराब, उपयोगी औ हानिकारक, उचित अनुचित आदि के मूल्याङ्कन करत हैं औ वही अनुसार व्यवहार करत हैं । यिहय ज्ञान औ अनुभव जीवनभर सिखय के खातिर जग कै काम करत है । भाषव के सन्दर्भ मे यिहय बाति लागू होत है ।



© ज्ञानु पौडेल / यूनेस्को, के सहयोग से सञ्चालित अवधी भाषामा साक्षरता कक्षा

लरिके विद्यालय शुरु करय से ढेर पहिले बातचीत औ सिखाई के खातिर एक औजार के रुप मे घर कै भाषा प्रयोग करत है :

- ऊ लोग अपने माई बाप औ अपने से बडा लोगन कै बाति सुनत है,
- ऊ लोग जवन नाही समझि पावत है, वहि बाति का पूछत हैं औ ओकर जवाफ सुनत है,
- ऊ लोग कहे अनुसार करत है,
- ऊ लोग अपने विचार के बारे मे बाति करत हैं,
- ऊ लोग खुद कै देखा औ सोचा बाति कहत हैं औ जवन सोचत है वोकर व्याख्या करत है,
- ऊ लोग सामान का गनत हैं औ साधारण हिसाब करत हैं, साथय
- ऊ लोग अपने सड़हरिहन से (औ कब्बव अपने अभिभावक से) तर्क करत है ।

यही कुलि अन्तर्क्रिया के माध्यम से लरिके विभिन्न उद्देश्य के खातिर अपने घर के भाषा कै अर्थपूर्ण प्रयोग करय मे गति औ आत्मविश्वास पावत हैं । ऊ लोग स्कूली शिक्षा सुरु करत कै अपने भाषा मे पावा यी कुलि ज्ञान अपने साथन लावत हैं ।



#### विद्यार्थिन कै पहिलेन से जाना बाति कै विद्यालय मे प्रयोग :

बढिया विद्यालय औ शिक्षक लोग यी बाति जानत हैं कि लरिकन के घर कै भाषा, ज्ञान औ अनुभव सबकुछ सिखाई के खातिर महत्वपूर्ण स्रोत होय । ऊ लोग खास कइकै शुरु के तह मे विद्यार्थी लोग पाठ कै अर्थ बुझि पावँय, यिहय सोचि कै लरिकन बिटियन के घर कै भाषा प्रयोग करत हैं । वन लोग नवां बाति कै धारणा देय खातिर स्थानीय तह कै उदाहरण देत हैं । ताकि लरिके अपने ज्ञान औ अनुभव का नवां धारणा बनावय खातिर प्रयोग कइ सकयँ । वनलोग लरिकन के चीन्ह जान कै मनई, जगहि औ क्रियाकलाप पर आधारित शुरुवाती पाठ्यक्रम का वनही लोगन के भाषा मे उपलब्ध करावत हैं, जवने से लरिकन बिटियन का पढाई अर्थपूर्ण औ उत्साहवर्धक लागै । वन लोग लरिकन बिटियन के सोचा औ जाना बाति के बारे मे रचनात्मक तरिका से वनही लोगन के अपने भाषा मे लिखय कै प्रोत्साहित

करत है, जवने से विद्यार्थी लोग अपने सोच विचार का लिखित रूप से प्रस्तुत करय के क्षमता हासिल कइ लेय। यी समूचा क्रियाकलाप लरिकन का जीवन भर सिखाई मे सफलता हासिल करय खातिर सबल शैक्षिक आधार बनावय मे मदत करत है।

घर के भाषा मे सबल आधार निर्माण के महत्व के बारे मे शिक्षा क्षेत्र के अनुसन्धानकर्ता लोग कुछ यहि किसिम से कहे है :

लरिकन के मातृभाषा विकास के स्तर ऊ लोगन मे दुसरे भाषा के विकास के बारे मे सबल ढङ्ग से बताय सकत है। अपने मातृभाषा मे ठोस आधार के माध्यम से लरिके दुसरेव भाषा मे आउर ठोस किसिम के साक्षरता क्षमता के विकास करत है।<sup>६</sup>

दुसरे शब्द मे कहा जाय तो घर के भाषा मे शिक्षा के शुरुवात समय के बर्बादी नाही होय। येसे लरिकन बिटियन का नवां भाषा सिखहू मे कवनो बाधा नाही पहुँचत है। वास्तव मे लरिकन का नवां भाषा सिखय के खातिर यी एकठू स्रोत होय।

### कुछ नवां सिखय खातिर... :

जइसय जइसय लरिके लोग कक्षा कोठरी मे अपने घर के भाषा प्रयोग के रफ्तार बढावत जात है, ऊ लोग स्कूले के कामकाजिउ भाषा मे पहिले सुनय फिर बोलय औ बाद में लिखय औ पढय के क्षमता शुरु कइ देत है। यी प्रक्रिया शिक्षा के यहि सिद्धान्त पर आधारित है कि हम्मन का पढय औ लिखयक खाली एक बाजी सिखय के परत है। लरिके बिटियन अपने घरके भाषा मे पढाई औ लिखाई पहिलवयँ सिखि लिहे है औ विद्यालय के कामकाजी भाषा मे पढाई औ लिखाई कइ लिहयँ।

एक बढिया बहुभाषिक शिक्षा कार्यक्रम मे लरिकन काँ कम से कम प्राथमिक तह तक सम्प्रेषण औ सिखाई के खातिर सुनाई, बोलाई, पढाई औ लिखाई मे घर के भाषा औ कामकाजी भाषा दूनव प्रयोग करत है।

जब लरिके अपने प्राथमिक शिक्षा के अवधि भर दुइ वा वोसे बेसी भाषा मे आपन क्षमता बढावत के ऊ लोग भाषा का बढिया से बूझत है औ वोकां प्रभावकारी ढङ्ग से प्रयोग करय के जानत है। वन लोग अपने भितर दूनव भाषा मे साक्षरता विकास करय के बाद भाषा प्रक्रिया मे आउर ढेर अभ्यास करत है औ यइसन लोग यी दुई अलग भाषा मे यथार्थ का कइसय सङ्गठित किहा जात है येकर तुलना औ भेद निकारय मे सक्षम होइ जात है।<sup>७</sup>

६. कर्मिस, जे. २०००. बाइलिंगुअल चिल्ड्रेस मदर टङ : हवाई इज इट इंपॉर्टेंट फार एजुकेशन ?

<http://www.iteachilearn.com/cummins/mother.htm> (१७ नवंबर २००६ में प्राप्त)

७. कर्मिस, जे. २०००. बाइलिंगुअल चिल्ड्रेस मदर टङ : हवाई इज इट इंपॉर्टेंट फार एजुकेशन ?

<http://www.iteachilearn.com/cummins/mother.htm> (१७ नवंबर २००६ में प्राप्त)



**सवाल ३ :** घर के भाषा कक्षा कोठरी में प्रयोग करय के बारे में अभिभावक और शिक्षक के का विचार है ?

संसारभर बहुत से अल्पसङ्ख्यक भाषिक समुदाय में मातृभाषा पर आधारित बहुभाषिक शिक्षा कार्यक्रम शुरू भा है। वहि कार्यक्रमन में अधिकतर शिक्षक और अभिभावक लोग अपने घर के भाषा में सिखाई शुरू करय वाले विद्यार्थिन में यी कुलि बाति पाये है :

- नौसिखुवा के रूप में अपने भित्तर पुर्व क्षमता के आधार पर ढेर आत्मविश्वास राखत हैं,
- कक्षा कोठरी के छलफल में आउर सक्रिय रूप से भाग लेत हैं,
- ढेर जिज्ञासा राखत हैं,
- विषय पर गहन समझ प्रदर्शित करत हैं,
- आसानी से पढ्युक सिखत हैं और सिखा बाति बूझत हैं,
- आसानी से लिखत हैं और आपन बाति बढिया से लिखि के व्यक्त कइ सकत हैं, साथय
- विद्यालय के भाषा मौखिक और लिखित दूनव रूप में आउर बढिया से और सरलता के साथ बुझि के सिखत हैं।

एक जने विद्यालय निरीक्षक कक्षा कोठरी में देखा न भिन्नता का यहि किसिम से बताये हिन :

पहिले पहिले लरिके कक्षा में बइठत तो रहें लेकिन कुछ नाही बोलत रहें। ऊ लोग यहि नाही जानत रहें कि शिक्षक के सवाल के जवाब कइसय दिहा जात है। अब हमेशा ऊ लोग आपन हाथ उठावत हैं। अब तो ऊ लोगन का बहुत अच्छा कहय के परी। अब लरिकन यी समूह एक उत्साहित समूह बनि चुका है।<sup>८</sup>



© विक्रम मणि त्रिपाठी

८. सन् २००१ में फिलिपिंस के क्षेत्रीय संपर्क भाषा कार्यक्रम के एकजने शिक्षक से एसआईएल इंटरनेशनल के सुसान मेलोन के किहा कइल बातचीत पर आधारित।

बहुभाषी शिक्षा कार्यक्रम मे मातृभाषा औ संस्कृति के प्रति लरिक्न कै स्नेह औ आदर बढावय के नाते अभिभावक लोग खुसी है । पपुवा न्यु गिनी कै एक जने अभिभावक कहिन :

आजकालिह हमार बच्चा स्थानीय भाषा के विद्यालय मे है । ऊ आपन जगहि नाही छोडे है । विद्यालय मे ऊ अपने चालचलन औ जीवनशैली के बारे मे सिखत है । अब तो ऊ अपने इच्छा अनुसार कै हरेक बाति घर के भाषा मे लिखि लेत है । ऊ अपने गाँव घर के बारे मे लिखत है । ऊ माई का पानी लावय मे मदत करयक, सकरखण्ड (गन्जी) खनय, बगिया मे जाय के बारे मे लिखत है । जब ऊ यी कुलि बाति लिखत है तो वकरे खातिर यी कुलि महत्वपूर्ण होत है । ऊ बहरेव कै बाति पढय औ लिखय भर के नाही पढाई औ लिखाई के माध्यम से अपने जीवन शैली पर गर्व करहुक सिखत है । ऊ बडा होय के बाद हम्मन का अस्वीकार नाही करी । हम्मन का अपने लरिक्न का पढय औ लिखयक सिखाइव महत्वपूर्ण बाति होय, लेकिन वहु से महत्वपूर्ण बाति वन लोगन का हम्मन के प्रति औ खुद अपने उप्पर गर्व करयक सिखाइव होय ।<sup>९</sup>

विद्यालय मे भाषा प्रयोग के बारे मे नेपाली अभिभावक लोगन कै बिचार यइसन है :

अधिकतर अभिभावक मातृभाषा, नेपाली औ अङ्ग्रेजी तीनवभाषा के पक्ष मे देखाने । वनलोग प्राथमिक तह मे मातृभाषा औ नेपाली का पढाई कै माध्यम बनावय औ वहि भाषन मे पाठ्यपुस्तक लिखय के बाति पर जोड दिहिन ।<sup>१०</sup>

**सवाल ४ : अपने समुदाय मे मातृभाषा पर आधारित बहुभाषिक शिक्षा कार्यक्रम चलावय के खातिर हमरे का का कइ सका जात है ?**

मातृभाषा पर आधारित बहुभाषिक शिक्षा कार्यक्रम सफल होय के खातिर ढेर मनइन कै सहकार्य औ सहयोग कै जरुरत परत है । सबसे मुख्य बाति समुदाय के सदस्य लोगन का कार्यक्रम कै चाहना बनावयक परत है साथय स्वामित्व लेय के खातिर तयार होय के परत है । कार्यक्रम बढावय औ वोकां कायम राखयक है तो स्कूल कै प्रधानाध्यापक (हेड मास्टर), शिक्षक औ शिक्षा अधिकारी के सहयोगव कै जरुरत परत है ।

यकरे बाद के अवस्था मे बढिया बहुभाषिक शिक्षा कार्यक्रम का शुरु करय कै इच्छा राखय वाले समुदाय के खातिर कुछ सुभाव नीचे दिहा है ।<sup>११</sup> नीचे के कुछ क्रियाकलाप कार्यक्रम अवधि तक के खातिर रहत है तो कुछ खाली थोरय समय के खातिर होत है । कुछ जगही तो यी मध्ये कै कुछ क्रियाकलाप पहिलेन होइ चुका रहत है । जइसय कि कुछ भाषन मे लेखन पद्धति कै विकास होइ चुका होत है । आउर जगही कुछ नाही भवा रहत है औ समुदाय का यकरे साभेदार लोगन के साथय सुरुवाती अवस्था से शुरु करय के परत है ।

९. डेलिपट, एल. डी. आ केमेलफिल्ड, जी. १९८५ एन इभैलुएशन ऑफ द भिलेस तोक प्लेस स्कूल स्कीम इन द नाँथ सोलोमंस प्रोभिंस इआरयू रिपोर्ट नं. ५१. वाइगानी, पपुआ न्यु गिनी : युनिभर्सिटी ऑफ पपुआ न्यु गिनी ।

१०. अवस्थी, लवदेव २००४. एक्स्लोरिड मोनोलिंगुअल स्कूल प्रैक्टिसेज इन मल्टिलिंगुअल नेपाल, पीएचडी शोधग्रंथ, कोपेनहेगेन : डेनिस युनिभर्सिटी ऑफ एजुकेशन पृ. २०८ ।

११. मेलोन, एक. २००४. प्लानिड कम्युनिटी-बेस्ड एजुकेशन प्रोग्राम्स इन माइनारिटी लैंग्वेज कम्युनिटिज. रिसोर्स मैजुअल फॉर मदर टड स्पीकर्स ऑफ माइनारिटी लैंग्वेजेज. अप्रकाशित मैनुअल ।



**सहयोगी राजनीतिक वातावरण निर्माण :** मातृभाषा पर आधारित बहुभाषिक शिक्षा कार्यक्रम के खातिर राजनीतिक औ आर्थिक सहयोग लेवय के खातिर नीति निर्माता औ आउर निकायन का परिचालित करय के परत है। यकरे खातिर वन लोगन का कार्यक्रम के उद्देश्य औ फाइदा के बारे मे स्पष्ट करय के परत है। अनुकूल वातावरण बनावय के खातिर भाषिक समुदाय औ ऊ लोगन के सहयोगी लोग मिलि के लरिकन बिटियन के खातिर पूर्व प्राथमिक शिक्षा औ विद्यालय छोडय के बाद दिहा जायवाला छोटछोट अनौपचारिक कार्यक्रम शुरु कई सकत हैं। यी काम औपचारिक नीति बनय से पहिलेन कइ सका जात है। यइसन निजी कार्यक्रम सफल होय के बाद वोसे बहुभाषिक शिक्षा कार्यक्रम के महत्व के बारे मे स्पष्ट जानकारी मिली औ कार्यक्रम के खातिर जरुरी राजनीतिक सहयोग जुटावय मे मदत मिली।



अल्पसङ्ख्यक भाषिक समुदाय के सदस्य लोगन के उच्च तह के सरकारी अधिकारी तक पहुच नाहिउ होइ सकत है या वन लोग नीति बनावय के तह तक आपन आवाज पहुचावय के स्थिति मे नहियव रहि सकत हैं। यकरे बावजूद आउर भाषिक समुदाय सरकारी निकाय औ गैरसरकारी संस्थन के बीचे सहकारी सम्बन्ध विकसित कइ सका जात है। अकेलय से अच्छा मिलि के काम किहे यइसने समूह के आवाज ढेर शक्तिशाली होत है। यही नाते उच्च तह पर परिवर्तन लावय खातिर औ वोकां टिकाउ बनावय खातिर सम्बन्ध बढावय के काम का सदा प्राथमिकता देवय के चाही।



**कार्यक्रम के योजना के खातिर सूचना सङ्कलन :** सबल औ टिकाउ बहुभाषिक शिक्षा कार्यक्रम विद्यार्थी औ अभिभावक के जरूरत औ लक्ष्य के प्रति जिम्मेवार होत है। योजनाकार काँ सबसे पहिले अभिभावक औ समुदाय के आउर मनइन से वनके लरिकन के शिक्षा के लक्ष्य पूछि के शिक्षा के वर्तमान अवस्था के बारे मे जानकारी लेव औ वर्तमान प्रणली के मजबूत औ कमजोर पक्ष के पता लगाइव होय। दक्ष योजनाकारन काँ बहु भाषिक शिक्षा कार्यक्रम मे प्रयोग करय लायक उपयुक्त भवन, भाषा के बढिया हुनर वाले मनई, भाषा मे मिलय वाले सान्दर्भिक लिखित सामग्री आदि के साथय समुदाय मे पावा जाय वाले स्रोत औ कार्यक्रम के कार्यान्यवयन के साथय वकरे कार्यक्रम का दीर्घजीवी बनावय मे बाधा पहुचावय वाले तत्वन के बारे जानकारी एकट्ठा करय के चाही। सूचना सङ्कलन कार्यक्रम के अगुवा लोगन का कार्यक्रम के बारे मे जनचेतना बढावय के खातिर बढिया मवक्का देत है। यदि कार्यक्रम अउरो समुदाय मे फइलत जात है, तो जनचेतना वृद्धि औ परिचालन के साथय अनुसंधानव का निरन्तरता देय के चाही।

**जनचेतना वृद्धि औ साभेदार लोगन के परिचालन :** अधिकतर अभिभावक लोग यी सोचत हैं कि स्कूल के कामकाजी भाषा मे वन लोगन के लरिकन बिटियन का धारा प्रवाह होय खातिर ऊ लोगन का जल्दी से जल्दी नवां भाषा सिखावा जाय औ बेसी से बेसी वोकर प्रयोग करावा जाय। वन लोगन का डेर रहत है कि जेतने समय तक लरिकन बिटियन के समय घर के भाषा प्रयोग करय मे खर्च होई, कामकाजी भाषा सिखय मे वन लोगन का वतनय कम समय मिली औ वहू मे पहिले से कम सफलता मिली बकिर शैक्षिक अनुसंधान देखाय चुका है कि पहिला भाषा मे सबल शैक्षिक आधार बनाय चुके लरिकन का दूसर भाषा आउर सरलता से सिखय में मदत करत है।

अभिभावक लोगन का स्कूल में लरिक्न का पहिला भाषा प्रयोग से होय वाले फाइदा के बारे में जानब जरुरी है। जवने से वन लोगन के बीच में बहुभाषी शिक्षा कार्यक्रम के तहत अपने लरिक्न का भर्ती करावय में आत्मविश्वास बढ़य। समुदाय के आउर सदस्यव लोगन का जानकारी औ प्रोत्साहन के जरुरत है। ऐसे वन लोग कक्षा कोठरी के व्यवस्थापन करय, पढावय, पाठ्य सामग्री का बनावय आदि के काम में सक्रिय सहयोग कइ सकत हैं। कार्यक्रमका सफल औ दीर्घजीवी बनावय खातिर स्थानीय औ जिल्ला तह के शिक्षा अधिकारिउ लोगन के सहयोग के जरुरत होत है। जन चेतना औ साभेदारी बढ़ाई के अभिभावक औ समुदाय के भित्तरी औ बहरे के आउर सम्भावित साभेदार कार्यक्रम के बारे में सूचना देय के चाही औ वन लोगन का कार्यक्रम के योजना बनावय में, लागू करय में औ वोकां चलावय में सक्रिय रूप से सहभागी होय के खातिर प्रोत्साहित करय के चाही।

**समुदाय के भाषा के खातिर लेखन पद्धति के स्थापना :** स्थानीय भाषा में यदि अबहिन तक लिखित रूप में प्रयोग नाही आ है तो समुदाय का अपने लेखन प्रणाली के खातिर चिन्ह औ अक्षरन के निर्धारण करब जरुरी है। सम्बन्धित भाषा से परिचित भाषाशास्त्री प्रयोग होयवाले चिन्ह औ अक्षरन के बारे में मातृभाषी वक्ता लोगन का निर्णय पर पहुचय खातिर सहयोग कइ सकत हैं। समुदाय से एकठू कामचलाउ लेखन पद्धति तयार होय के बाद वोकर परिक्षण करय औ जरुरत के अनुसार वहमा संशोधन करय के परत है। पहिले न लिखा भाषा के खातिर लेखन पद्धति के विकास करयक काम गाढ़ जेस लागय के बावजूद बीता कुछ दशक के बीचे में ढेर भाषिक समुदाय सफलतापूर्वक यहि काम का कइ चुके हैं। एकबाजी लेख पद्धति के विकास कइ चुकय के बाद वहि पद्धति के प्रयोग कइके लिखित साहित्य बनावय औ बहुभाषिक शिक्षा कार्यक्रम के खातिर सामग्री तैयार कइ सकत हैं।

नेपाल में परम्परागत हिसाब से आपन लिपि न होयवाले ढेर भाषन में देवनागरी लिपि के प्रयोग किहा जात है। यही नाते यदि आपन मौलिक लिपि नाही है तो देवनागरी लिपि का यथावत या कुछ चिन्ह में थपघट या बदलि के प्रयोग कइ सका जात है।

**शिक्षण औ सिखाई सामग्री के विकास :** बहुभाषिक शिक्षा कार्यक्रम में शिक्षक के विद्यार्थिन का सिखावय खातिर औ विद्यार्थिन का सिखय खातिर शिक्षण औ सिखाई सामग्री के जरुरत होत है। यइसन शिक्षण औ सिखाई सामग्री (१) विद्यार्थिन का वन लोगन के शैक्षिक लक्ष्य पावय खातिर ज्ञान, हुनर औ आत्मविश्वास देय के हिसाब से होय के चाही औ (२) वन लोगन के भाषा औ संस्कृति के प्रति प्रेम औ आदर जगावय वाला होय के चाही।


सबल बहुभाषिक शिक्षा कार्यक्रमन में शिक्षक औ प्रध्यानाध्यापक के साथय स्थानीय औ जिल्ला स्तर के शिक्षा अधिकारी लोगन का मिलि के काम करयक चाही। यहमा पाठ्यक्रम विकास केन्द्र जइसन केन्द्रिय निकाय सहयोग कइ सकत है। वनलोग प्राथमिक स्कूल के हरेक तह के विद्यार्थिन के आशा औ अपेक्षा के बारे में मालुम रहत है औ लरिक्न के खातिर मूलधार के स्कूल में पहुचय के समय तक हासिल करय वाला जरुरी आधारभूत सिखाई उपलब्धिन के पहिचान कइ सकत है। समुदाय के भूमिका लरिक्न का कार्यक्रम शुरु होय से पहिलवय वनके जानल भाषा, ज्ञान औ अनुभव पर आधारित शिक्षण औ सिखाई सामग्री आदि हैं कि नाही, यी सुनिश्चित करब होय। समुदाय के सदस्यव लोगन का कार्यक्रम में पैतृक भाषा औ संस्कृति के तत्वन का कायम राखय में मदत करय के चाही।

**समुदाय के भाषा मे पाठ्य सामग्री के विकास :** बहुभाषिक शिक्षा कार्यक्रम मे लरिकन ब्रिटियन का पहिले बनके भाषा मे औ बाद में दुसरे भाषा मे तरह तरह के पाठ्य सामग्री चाहीं । शुरुवाती पाठ्य पाठ्यसामग्री परिचित मनई, गाँव, ठाँव औ क्रियाकलाप आदि के बारे मे लिखा होय के चाहीं । जब लरिके लोग नवां भाषा मे पढाई शुरु करिहै तो बन लोगन का वह भाषा मे छोट या आसान से लइके लम्मा औ जटिल पाठ्य सामग्री चाहीं ।

एशिया औ प्रशान्त क्षेत्र के भाषिक समुदायन अनभव यी देखाय चुका है कि धाराप्रवाह मातृभाषा बोलय वाले लोग अपन भाषा मे ढेर विविधतापूर्ण पाठ्यसाग्री बनाय सकत है । यिहां ऊ लोगन के द्वारा बनावा जाय सकय वाला तरह तरह के पाठ्य सामाग्रिन के कुछ उदाहरण पेश किहा है :

मौलिक कथा	गीत औ कविता	जीवनी औ इतिहास
लोककथा औ ऐतिहासिक कथा	चुटकुल्ला, बुभुउवलि	औ सूक्ति (पद)
यात्रा औ भौगोलिक वर्णन	सूचना	सीख औ निर्देशन
धार्मिक औ नैतिक शिक्षा	नाटक औ प्रहसन (जोकरई)	वर्णमाला किताब
सरल शब्दकोष	क्रियाकलाप के वर्णन	खेल
उद्घोषण	पत्ररा	योजना किताब
अक्षर	चिन्ह	खबर पन्ना औ पत्रिका
स्वास्थ्य औ आउर सूचना		

ढेर भाषिक समुदाय के अनुभव से यिहव देखा गा है कि खास कइके नवां पाठकन के खातिर चकमदार रङ्गीन औ महड पाठ्य सामाग्रिन के जरूरत नाही है । रोचक औ पढाई क्षमता के अनुसार के सुहाय वाले पाठ है तो सीमित स्रोत होय के नाते रङ्गीन चित्र न भयव पर साफ से छापा किताबिन का पाठक लोग पसन्द करत है । नवां पाठक के खातिर पाठ्यसामग्री तयार करत के यहि बातीन पर ध्यान देवय के चाहीं (१) बिषय रोचक होय (२) भाषा स्पष्ट औ बूझय लायक होय औ (३) चित्र पाठ का बूझय मे मदत करय ।



## नेपाल के उदाहरण : समुदाय के भाषा में पाठ्य सामग्री<sup>१२</sup>

२०४२ साल से थारु समुदाय में साक्षरता सामग्री के खातिर बेस (BASE) के स्थानीय कार्यालय 'नया गोरेटो' नौलो बिहानी 'महिला शिक्षण' जइसन नेपाल सरकार औ आउर संस्थन के बनावा किताब प्रयोग किहे राहा । बाद में ऊ लोग यी कुलि महसूस किहिन कि वहि सामग्री में वनके समुदाय विशेष के खातिर नाही तयार किहा है औ न तो वहि सामाग्रिन में वन लोगन के संस्कृति औ दैनिक जीवन के बाति राखा है । वकरे बादवय लोग बेस सरकारी औ गैर सरकारी निकायन से मिलिके अनौपचारिक शिक्षा खातिर सामाग्रिन का बनावय के बारे में छलफल किहिन । एम एस नेपाल औ बर्ड एजुकेशन (विश्व शिक्षा) थारु भाषा में अनौपचारिक शिक्षा के खातिर सामग्री तयार करय में सहयोग किहिस । यही क्रम में आउर सम्बन्धित निकाय औ समुदाय के सदस्य लोगन के एक सप्ताह तक छलफल किहा गै । सामाग्रिन के बारे में छलफल किहा गै । अन्त में नेपाली भाषा के नया गोरेटो के जगहीं 'थारु भाषा में 'पश्चिम् के फूल' तयार भय ।

**कार्यक्रम के खातिर जनशक्ति औ तालिम :** यकरे बाद के तालिका में बहुभाषिक शिक्षा के खातिर जरुरी जनशक्ति के औ ऊ लोगन के जिम्मेवारी औ योग्यता के खातिर सलाह दाता समेत के सूची दिहा गा है ।

बहुभाषिक शिक्षा कार्यक्रम में काम करयवाले शिक्षक औ आउर काम करय वाले लोगन का अभावक औ समुदाय के समेत के प्रोत्साहन औ सहयोग मिलव जरुरी है । शुरु में जरुरी जनशक्ति का जुटावय में सहयोग करय औ वन लोग बढ़िया से काम करय में सहयोग मिला कि यी देखय के खातिर स्थानीय अगुवा लोगन के एकठू समिति बनाइव महत्त्वपूर्ण शुरुवाती काम होय ।

१२. खडका, अजू: चौधरी, टीकाराम, मगर, केशरजड, चौधरी, आनंद औ पोखरेल, राजन २००६. लिटरसिज फ्रॉम द मल्टिलिंगुअल पर्सपेक्टिव : लर्निंग फ्रॉम थारु, तामाङ, नेवार एण्ड लिंबू लैंग्वेज कम्यूनितिज ऑफ नेपाल. काठमांडू : युनेस्को आफिस इन काठमांडू, पृ. २३ ।

जनशक्ति	मुख्य जिम्मेवारी	सामान्य योग्यता
शिक्षक (होइ सकत है, दुइ जने चाहीं : एकजने स्थानीय भाषा के खातिर औ एक जने कामकाजी भाषा के खातिर)	कक्षा में पढायव कै (स्थानीय भाषा औ कामकाजी भाषा) विद्यार्थिन के प्रगति कै मूल्यांकन करै कै, हाजिरी औ प्रगति कै रेकर्ड दुरुस्त राखयक, अभिभावक औ समुदाय के आउर सदस्यन से अंतरक्रिया करव	दूनव भाषा ठीक से बोलि, पढि औ लिखि सकय, स्थानीय संस्कृति बूझय औ ओकर कदर कइ सकयब, साफ औ बूझयवाला अक्षर लिख सकयब, समुदाय द्वारा चयन होइके स्वीकार किहा
लेखक, कलाकार औ संपादक	<b>लेखक</b> : पहिला औ दूसरे भाषा में पाठ्य-सामग्री लिखि कै अनुकूल करय कै औ अनुवाद करय कै <b>कलाकार</b> : सामग्री अनुसार कै चित्र बनावय कै <b>संपादक (औ लेखक)</b> : सामग्रिन कै स्पष्टता, भाषा, विरामचिन्ह औ हिज्जे देखय कै <b>मूल्यांकन समिति</b> : स्थानीय तह में सामग्रिन कै परीक्षण करय कै, आवश्यकता अनुसार संशोधन करय के	पहिला भाषा पूरा पूरा बोलि, पढि औ लिखि सकव, स्थानीय संस्कृति का बूझव औ कदर कइ सकव, समुदाय में योग्य कथावाचक या कलाकार के रूप में परिचित भाषा में साक्षर औ दुसरे भाषा से पहिला भाषा में या पहिला भाषा से दुसरे भाषा में अनुकूलन कइ सकय । स्थानीय संस्कृति औ समाज का दर्शावयवाला चित्र बनाय सकवय, (कलाकार) पहिला भाषा कै व्याकरण औ विरामचिन्ह कै नियम समझि सकय (संपादक) समुदाय द्वारा चयन होइके स्वीकार किहा
निरीक्षक/प्रशिक्षक	नियमित रूप में कक्षा देखत रहय कै, शिक्षक लोग कै सबल औ कमजोर पक्षन कै पहिचान करय के, समस्या आये पर शिक्षकन के मदत करय के, विद्यार्थिन के प्रगति कै मूल्यांकन करय के सही ढङ से रेकर्ड राखे है कि नाही देखय के कार्यक्रम कै व्यवस्थापन औ प्रगति मूल्यांकन मे समुदाय कै सुझाव माइय के, शिक्षकन के खातिर सेवा से पहिले औ सेवाकालीन तालीम चलावय के । कक्षा कोठरिन के खातिर सामग्रिन कै मौजूदात है कि नाही देखय के ।	पहिला औ दूसर भाषा ठीक से बोलि, पढि औ लिखि सकयब, भाषिक समुदाय कै इतिहास औ संस्कृति के बारे में ज्ञान भवा सरकारी अधिकारिन, स्कूली अधिकारिन औ गैरसरकारी संस्थान के अगुवा लोगन से अंतरक्रिया कइ सकय, अमूर्त विचार संप्रेषण कइ सकव औ उपयुक्त शिक्षण तरकीब बनाय सकव (प्रशिक्षक) पहिला भाषा शिक्षण कै अनुभव भवा (प्रशिक्षक, निरीक्षक) समुदाय द्वारा चयन होइके स्वीकार किहा



<p>सलाहकार समिति</p>	<p>कार्यक्रम के अगुवा लोगन का सलाहकार के रूप में सहयोग करय के चाही जनशक्ति जुटावय के प्रक्रिया में सहयोग करय के, शिक्षक औ आउर जनशक्ति आ समुदाय के बीच में संपर्क करावय के, समुदाय में कार्यक्रम कै लक्ष्य, उद्देश्य औ गतिविधि के बारे में बतावय के । कक्षा कोठरी औ बकरै सामग्रीन कै उपलब्धता कायम राखय में मदत करय खातिर समुदाय का प्रोत्साहित करय के, यदि संभव है तो कार्यक्रम के सहयोग के खातिर कोष बढ़ावय के, कोष औ आउर स्रोत के प्रयोग में जबाबदेही में कमी-बेसी भवा देखय के</p>	<p>कार्यक्रम कै उद्देश्य, औ लक्ष्य बुझि सकयवाला । कार्यक्रम खातिर प्रतिबद्ध औ यकरे सफलता के खातिर मिलिकै काम के खातिर उत्सुक समुदाय द्वारा चयन होइके स्वीकार किहा ।</p>
----------------------	--	---

**प्रगति कै मूल्याङ्कन औ अभिलेखीकरण :** बहुभाषिक शिक्षा कार्यक्रम औपचारिक शिक्षा प्रणाली के भित्तर स्थापना किहा है तो विद्यार्थी के सिखाई प्रगति कै मूल्याङ्कन करय कै जिम्मा शिक्षक औ शिक्षा अधिकारि कै होत है । बहुभाषिक शिक्षा कार्यक्रम के मूल्याङ्कन करत कै समुदाय के सदस्य लोग सांस्कृतिक औ शैक्षिक लक्ष्य पावय मे सन्तुष्ट है कि नाही, यी कुलि देखब जरुरी है । स्थानीय समुदाय कै सदस्य लोग सहभागी होइके अपने कार्यक्रम कै अभिलेखीकरण औ मूल्याङ्कन करय मे समुदाय के खातिर कार्यक्रम ढेर महत्वपूर्ण होइ जात है ।



© बखत भण्डारी

### बाहिरी निकाय औ सङ्गठन मे सहयोग के प्रोत्साहन :

बहुभाषिक शिक्षा कार्यक्रम मे सफल होय के खातिर भाषिक समुदाय के भित्तर औ बाहर दूनव ओर से आर्थिक औ आउर किसिम के सहयोग औ सहकार्य के जरूरत होत है । पाठ्य सामग्री बनावय, कक्षा मे पढावय औ समुदाय के लक्ष्य पावय में कार्यक्रम सफल भय, नाही भय, यी बाति खाली मातृभाषिय्य लोग पता लगाय सकत है । बहिरिया लोग लेखन पद्धति के विकास करय, पाठ्यक्रम बनावय, शिक्षक लोगन का तालिम देवय, कार्यक्रम के मूल्याङ्कन करय औ निरन्तर रूप मे आर्थिक स्रोत जुटावय वाले कार्यक्रम के विशिष्ट क्षेत्र मे मदत कइ सकत है । कार्यक्रमन के अगुवा लोगन का जेतना होइ पावय, ज्यादा से ज्यादा निकायन से सम्बन्ध बढावय के परत है ।

### सवाल ५ : समुदाय के लोग साभेदारन के सहयोग से खुद बहुभाषिक शिक्षा कार्यक्रम स्थापना औ वोका दीर्घजीवी बनाय सकत है ?

पपुवा न्युगिनी के एक भाषिक समुदाय के अनुभव यहि सवाल के जवाफ दइ सकत है :

१९८० के दशक मे ३०,००० जनसङ्ख्या वाले काउगेल समुदाय के लोग महसूस किहिन कि खाली काउगेल भाषा बोलयवाले अधिकतर लरिके अङ्ग्रेजी भाषा के माध्यम से पढावा जाय वाले शिक्षा प्रणाली मे बहुत कमजोर है । यही का ध्यान मे राखि के सन् १९८० के दशक के मध्य मे आइ के ऊ लोग बहुभाषिक शिक्षा कार्यक्रम के ओर आकर्षित भये ।

स्थानीय अगुवा लोग अपने लरिकनका औपचारिक शिक्षा के खातिर पर्याप्त मात्रा मे किताब तयार करय के खातिर वही क्षेत्र मे काम करय वाले एकठू गैरसरकारी संस्था के सहयोग लिहिन औ लरिकन का प्राथमिक विद्यालय मे जाय से पहिले वनही के अपनही भाषा मे लिखय औ पढय के सिखय के खातिर 'पहिला भाषा पहिले' शिक्षा कार्यक्रम शुरू करय के निर्णय लिहिन । वन लोग कार्यक्रम का चलावय औ सहयोग करय के खातिर समुदाय के सदस्य, सरकारी कर्मचारी औ धार्मिक अगुवा लोगन के मिलाजुला काउगेल अनौपचारिक शिक्षा सङ्गठन (के एन एफ इ ए) गठन किहिन ।

कार्यक्रम कै अगुवा लोग काउगेल भाषा के वक्ता लोगन का लेखक, कलाकार औ सम्पादक के रूप में नियुक्त किहिन । दुइ वर्ष के भित्तर वन लोग पूर्व प्राथमिक शिक्षा के खातिर एक सौ से ढेर तहगत पाठ्यपुस्तक लिखिन, चित्र बनाइन, सम्पादन किहिन औ हाथ से चलावा जाय वाले फोटोकापी मेसिन (लिथो यन्त्र) के सहायता से छापिन । वहि किताबिन कै परिक्षण औ संशोधन करय के बाद कार्यक्रम कै अगुवा लोग ज्यादा परिणाम में पाठ्य सामग्री कै उत्पादन के खातिर आर्थिक प्रस्ताव लिखय के सिखिन ।

६ वर्ष से ढेर दिन तक प्राथमिक शिक्षा लिहा स्थानीय लोगन का पूर्व प्राथमिक कक्षा के खातिर शिक्षक नियुक्त किहा गय । कार्यक्रम के संयोजक के रूप में काम करय वाले एक जने अनुभवी शिक्षक सामग्री बनावय औ शिक्षक लोगन का तालिम देवय खातिर आउर लोगन का तालिम दिहिन । कार्यक्रम कै अगुवा लोग सहयोगी गैरसरकारी संस्था के मदत से हरेक शिक्षक का कुछ न कुछ पारिश्रमिक देवय के खातिर एकठू आयमूलक परियोजना शुरु किहिन । स्थानीय सरकारी निकाय, आउर गैरसरकारी संस्था, व्यवसायी औ प्रान्तीय अनौपचारिक शिक्षा विभाग से सम्बन्ध स्थापित किहा गय । यी साभेदार लोग कार्यक्रम के खातिर कक्षाकोठरी, विद्यालय के खातिर सामग्री जइसन आर्थिक औ आउर सहयोग जुटावय में सहयोग किहिन ।

यी लरिकन कै शिक्षा कार्यक्रम के एक एफ इ ए के प्रायोजन में बीस वर्ष से ढेर समय तक निरन्तर रूप में चला । यहि कार्यक्रम का सन १९९० के अन्त के आसपास सरकारी शिक्षा प्रणाली में सामिल किहा गय । आजकाल्हि काउगेल भाषा कै कक्षा पूरा करय के बाद लरिके अङ्ग्रेजी विद्यालय में पढत हैं ।

अधिकतर अभिभावक अपने लरिकन का बढिया शिक्षा देवा चाहत हैं औ आपने भाषा, संस्कृति औ समुदाय के प्रति माया मोह औ आदर कायम राखा चाहत हैं । अभिभावक लोग अपने लरिकन विटियन का आत्मविश्वासी औ स्वउत्प्रेरित विद्यार्थी के साथय समुदाय कै उत्पादनशील सदस्य बनत देखा चाहत हैं । यकरे खातिर समुदाय के बहरे कै साभेदार लोगन के साथे काम कइकै औ वन लोगन के सहयोग से उचित लक्ष्य पावा जाय सका जात है ।<sup>१३</sup>



१३. खडका, अन्जु, टिकाराम चौधरी, केशरजड मगर, आनन्द चौधरी औ राजन पोखरेल २००६, लिटरेसिज फ्रम अ मल्टिलिङ्गुअल पर्स्पेक्टिव: लर्निङ फ्रम थारू नेवार एण्ड लिम्बू ल्याङ्गवेज कम्युनिटिज अफ नेपाल काठमाडौं, युनेस्को अफिस इन काठमाडौं ।

अवस्थी, लवदेव २००४. एक्सप्लोरिड मोनोलिंगुअल स्कूल प्रैक्टिसेज इन मल्टिलिंगुअल नेपाल, पीएचडी शोधग्रंथ, कोपेनहेगेन : डेनिस युनिभर्सिटी ऑफ एजुकेशन ।

कमिंस, जे. २०००. वाइलिंगुअल चिल्ड्रेंस मदर टड : हवाई इज इट इंपार्टेंट फार एजुकेशन ? <http://www.iteachilearn.com/cummins/mother.htm> (१७ नवंबर २००६ में प्राप्त)

खड्का, अंजू: चौधरी, टीकाराम, मगर, केशरजड, चौधरी, आनंद आ पोखरेल, राजन २००६. लिटरसिज फ्रॉम द मल्टिलिंगुअल पर्स्पेक्टिभ : लर्निङ फ्रॉम थारू, तामाङ, नेवार एण्ड लिंबू लैंग्वेज कम्युनिटिज ऑफ नेपाल. काठमांडू : युनेस्को आफिस इन काठमांडू ।

भिंग्रान, डी. २००५. लैंग्वेज डिसेएडभान्टेज. द लर्निङ चैलेंज इन प्राइमरी एजुकेशन. न्यू दिल्ली : ए.पी.एच. पब्लिशिङ ।

डिपार्टमेंट ऑफ एजुकेशन. १९९१. एजुकेशन सेक्टर रिभ्यू. वाइगानी : पपुआ न्यू गिनी डिपार्टमेंट ऑफ एजुकेशन ।

डेलिपट, एल. डी. आ केमेलफिल्ड, जी. १९८५ एन इभैलुएशन ऑफ द भिलेस तोक प्लेस स्कूल स्कीम इन द नार्थ सोलोमंस प्रोभिंस इआरयू रिपोर्ट नं. ५१. वाइगानी, पपुआ न्यू गिनी : युनिभर्सिटी ऑफ पपुआ न्यू गिनी ।

मेलोन, एक. २००४. प्लानिङ कम्युनिटी-बेस्ड एजुकेशन प्रोग्राम्स इन माइनारिटी लैंग्वेज कम्युनिटिज. रिसोर्स मैनुअल फॉर मदर टड स्पीकर्स ऑफ माइनारिटी लैंग्वेजेज. अप्रकाशित मैनुअल ।

मेलोन, एक. २००४. मैनुअल फॉर डिभेलपिङ लिटरसी एण्ड एडल्ट एजुकेशन प्रोग्राम्स इन माइनारिटी लैंग्वेज कम्युनिटिज बैकक : युनेस्को ।

मेलोन, एस. २००५. प्लानिङ कम्युनिटी-बेस्ड एजुकेशन प्रोग्राम्स इन माइनारिटी लैंग्वेज कम्युनिटिज रिसोर्स मैनुअल फॉर मदर टड स्पीकर्स ऑफ माइनारिटी लैंग्वेजेज इंगेज्ड इन प्लानिङ एण्ड इम्प्लिमेंटिङ एजुकेशन प्रोग्राम्स इन देअर औन कम्युनिटिज अप्रकाशित मैनुअल

मेलोन, डी. २००४. दी इन बिटवीन पीपुल. डलास : युनाइटेड स्टेट्स, एसआईएल इंटरनेशनल ।

## परिभाषिक शब्दावली - भाषा

- अलिखित भाषा :** पढाई/लेखाई मे प्रयोग न आवा खाली बोलीचाली मे सीमित भाषा
- अल्पसङ्ख्यक भाषा:** अल्पसङ्ख्यक सामाजिक समूह वा जाति कै भाषा । कब्बव कब्बव सङ्ख्यात्मक रूप से बडा समूह मे बोलीचाली कै भाषा होय के बावजूद मुख्य भाषा के रूप मे प्रयोग न किहा जायवाले भाषा का बूझा जात है ।
- कामकाजी भाषा :** सरकारी कार्यालय, स्कूल सहित आउर संस्थान मे दैनिक कामकाज के खातिर प्रयोग होयवाला भाषा उदाहरण के रूप मे : भारत मे अङ्ग्रेजी औ हिन्दी का कामकाजी भाषा के रूप मे मान्यता दिहा है औ राज्यन मे अपनय आपन राज्य भाषा चलनचल्ती मे है । नेपाल मे नेपाली का सरकारी कामकाज के भाषा कै मान्यता मिला है ।
- घर कै भाषा :** घर मे बोली जायवाली भाषा (पहिला भाषा औ मातृभाषा का देखा जाई) केहू केहू के घर कै भाषा एक से ज्यादा होइ सकत है ।
- दूसर भाषा :** पहिला या घर के भाषा का छोडि कै दूसर भाषा, व्यापक संचार सम्पर्क कै भाषा या विदेशी भाषा
- सामान्य रूप मे घर से बहरे व्यापक समुदाय में बोला जाय वाले भाषाका बूझा जात है । द्विभाषिक शिक्षा में पहिला भाषा के बाद पढाई मे प्रयोग किहा जाय वाले भाषा का दुसर भाषा (कामकाजी औ विदेशी) बूझा जात है ।
- पहिला भाषा :** मनई के मुह से निकरा पहिला भाषा, मौलिक भाषा (मातृभाषा, घर कै भाषा, स्थानीय भाषा का देखा जाई)
- पैतृक भाषा :** मनई कै पुर्वज या कवनो जाति या भाषिक समुदाय कै भाषा
- भाषिका :** भौगोलिक क्षेत्र या सामाजिक समूह अनुसार भाषा मे होयवाला भिन्नता ('भेद' का देखा जाय ।)
- भेद :** भौगोलिक क्षेत्र औ सामाजिक समूह अनुसार भाषा मे आवय वाला अन्तर
- मातृभाषा :** पहिला भाषा, मौलिक भाषा (पहिला भाषा, पैत्रिक भाषा, घर कै भाषा का देखा जाय ।)
- मनई कै (१) सबसे पहिला सिखा भाषा (२) अपने या दुसरे से मातृभाषी वक्ता के रूप मे चिन्हावा भाषा (३) सबसे बेसी जानल भाषा (४) सबसे बेसी प्रयोग मे आवय वाली भाषा

- माध्यम भाषा :** स्कूल में पढ़ाई लिखाई के माध्यम के रूप में प्रयोग होयवाली भाषा
- मुख्यभाषा :** मुख्य समाज के बोलय वाली या देश के मुख्य भाषा के रूप में रहा भाषा, देश में ढेर जनसङ्ख्या के बोलय वाली भाषा न होय के बावजूद राष्ट्रभाषा या कामकाजी भाषा के रूप में मान्यता पावा भाषा ।
- राष्ट्र भाषा :** देश के भित्तर व्यापक रूप में बोला जायवाली भाषा, राष्ट्र से महत्वपूर्ण कहिके किटान किहा भाषा, कब्वव कब्वव कामकाजिउ भाषा । उदाहरण : भारत में दुई ठू कामकाजी भाषा औ बाइस ठू अनुसूचित भाषा किटान किहा है औ हरेक राज्य के अपनय आपन राज्य भाषा चलन चल्ती में है । नेपाल में नेपाली का सरकारी कामकाज के भाषा तयँ किहा है । नेपाल के अन्तरिम संविधान, २०६३ में नेपाल के भित्तर बोला जायवाली हरेक मातृभाषा का राष्ट्रभाषा घोषित किहा है ।
- विदेशी भाषा :** अइसन भाषा जवन वक्ता के समुदाय में न बोला जात होय ।
- सम्पर्क भाषा :** भाषिक समुदाय के बीचे एक दुसरे से सम्पर्क करय खातिर प्रयोग किहा जाय वाली भाषा । उदाहरण : नेपाल के पहाडी क्षेत्र में नेपाली, तराई मधेश के विभिन्न क्षेत्र में मातृभाषा के साथे हिन्दी औ हिमाली क्षेत्र में तिब्बती
- स्थानीय भाषा :** अपने समुदाय में बोला जायवाली भाषा । सम्पूर्ण रूप में लेखन पद्धति के विकास न भवा भाषव होइ सकत है ।

## पारिभाषिक शब्दावली - सामान्य

- आदिवासी :** कवनो क्षेत्र वा देश मे आदिकाल से या बहुत पहिले से बसा मानव समूह/समुदाय
- कार्यान्यवयन :** कवनो नवां कानून लागू करय खातिर मनई या आउर स्रोत परिचालन करय वाला तरीका ।
- गैरसरकारी संस्था :** राष्ट्रिय सरकार कै अङ्ग न होय के बावजूद सामुदायिक विकास के खातिर काम करयवाला संस्था ।
- जनचेतना बृद्धि :** आपन जरूरत चीन्हि कै बोकां पावय खारि सहयोग देय वाला सूचना औ जानकारी देय कै काम ।
- दुईभाषी :** व्यक्ति : दुई भाषा बोलय औ बूझय (कब्बव कब्बव लिखिउ पढि सकय ।)  
समाज : दुई भाषा बोलय वाले लोग साथय साथ रहय वाली समुदाय ।
- दुइ भाषी शिक्षा :** साक्षरता औ औपचारिक लिखाई पढाई कै माध्यम के रूप मे दुइ भाषा प्रयोग कइकै (द्विभाषी शिक्षा) दिहा जाय वाली शिक्षा । यहमा व्यवहारिक रूप से साक्षरता औ पढाई लिखाई सिखावत के सबसे पहिले व्यक्ति कै पहिला भाषा/मातृभाषा से शुरु किहा जाला औ दुसरे भाषा का लिखाई पढाई कै माध्यम के रूप मे धीरे धीरे सामिल किहा जाला ।
- धारा प्रवाह :** बिना कवनो अवरोध के बोलय, पढय औ लिखय मे उच्च दक्षता ।
- निरक्षर :** खुद कै जाना सुना भाषा मे लिखय पढय कै अवसर न पावा मनई ।
- परिचालन :** कवनो कार्यक्रम कै योजना बनावय औ लागू करय खातिर समुदाय औ समुदाय के सहयोगिन का सङ्गठित करय कै काम ।
- पाठ्यक्रम :** शैक्षिक कार्यक्रम के खातिर शिक्षण योजना, पढयवाला विषय वस्तु औ सहयोगी सामान ।
- बहुभाषी :** व्यक्ति : दुइ से ढेर भाषा जानय बूझय वाला (लिख पढ कइ सकय वाला) ।  
समाज : दुइ से बेसी भाषा भाषी बसोवास करय वाला समाज ।
- बहुभाषिक शिक्षा :** साक्षरता औ औपचारिक शिक्षा मे दुइ से ढेर भाषा प्रयोग कइकै लिखाई पढाई (शिक्षण) करावा जायवाली शिक्षा - बच्चा या व्यक्ति के पहिला भाषा कै माध्यम से पढाई शुरु कराय कै दूसर तीसर भाषा से जोडत लइ जायवाली शिक्षा ।
- भाषा विकास :** शिक्षा मे केहू का कवनो भाषा बढिया से सुनय बोलय पढय औ लिखय कै सिखावय वाली काम ।

**भाषिक अल्पसङ्ख्यक :** कम जनसङ्ख्या होय के नाते या राजनीतिक औ आर्थिक कारण से समाज मे दुसरे के तुलना मे कमजोर रुप मे रहय वाला यक्कय भाषा बोलय वाले मनइन के समूह ।

### मातृभाषा पर आधारित

**दुइ भाषिक शिक्षा :** पहिला भाषा के माध्यम से लिखाई, पढाई औ सिकाई के प्रक्रिया शुरु कइके दूसर भाषा सिखावत जायवाला स्कूली शिक्षा प्रणाली (बहुभाषिक शिक्षा का देखा जाय ।)

**बहुभाषिक शिक्षा :** पहिला भाषा के माध्यम से लिखाई, पढाई औ सिकाई प्रक्रिया शुरु कइके दुसरे भाषा के साथेन अउरो भाषा सिखावत जायवाला शिक्षा प्रणाली (दुइ भाषिक शिक्षा देखा जाय ।)

**मुख्य समूह :** बेसी जनसङ्ख्या होय के नाते या आर्थिक औ राजनीतिक कारण से देश मे शक्ति के रुप मे रहा सामाजिक समूह ।

**मूलधार :** मुख्य समूह के भाषा औ संस्कृति (कव्वव कव्वव खाली मुख्य समूह के खातिर बनावा स्कूल औ भाषिक अल्पसङ्ख्यक लोगन के जरुरत न पूरा करयवाला स्कूल बूझा जाला ।)

**लेखन पद्धति :** लिपि हिज्जे नियम औ विराम चिन्ह सहित के लेखन के मानक प्रणाली ।

**लैङ्गिक समानता :** मेहरारु औ मर्द, बिटिया या बेटवा के मानव अधिकार का पूरा पूर जानय बूझय खातिर आर्थिक, सामाजिक, सांस्कृतिक औ राजनीतिक विकास मे योगदान करय खातिर औ वोसे लाभ लेवय खातिर समान परिस्थिति के अवस्था ।

**सल्लाहकार समिति :** बहुभाषी शिक्षा कार्यक्रम मे सामिल अगुवा लोगन के समिति, (यहमा प्रायः मातृभाषा बोलयवाले औ सहयोगी संस्था के सदस्य होत है ।)

**सहजकर्ता :** आउर लोगन का लेखपढ मे सहयोग करयवाले मनई, शिक्षक ।

**साक्षरता :** जीवन मे जरुरी व्यवहार पूरा करय खातिर पढय, लिखय औ हिसाब करय के साथेन आउर भाषिक क्रियाकलाप ठीक से करय के क्षमता ।

**साभेदार :** नवा कार्यक्रम लागू करय खातिर समुदाय से मिलि के काम करय वाला मनई, संस्था या निकाय ।

**सिखाई उपलब्धि :** स्कूल मे होय वाले पढाई के विषयवस्तु, भाषा के ज्ञान, हुनर औ दक्षता ।

**स्थायित्व :** ज्यादे समय तक समय के हिसाब से निरन्तर स्थापित गुण ।





United Nations  
Educational, Scientific and  
Cultural Organization



Japan  
Funds-in-Trust

P O Box 14391  
Jawalakhel, Lalitpur, Nepal  
Tel : 977-5554769, 5554396  
Fax: 977-1-5554450